

Narodna in univerzitetna knjižnica
v Ljubljani

IV 10698



FLORÆ AUSTRIACÆ

VOLUMEN PRIMUM,

CONTINENS

ICONUM

CENTURIAM PRIMAM.

НОВАЯ АУДИОГРАФИЯ

ДЛЯ ПЕСЕННОГО ВОДОДУХА

СОЗИДАНЬЯ

ПЕСНИ

МАКИЯЖ И АРХИТИКУС

FLORÆ AUSTRIACÆ,
SIVE
PLANTARUM SELECTARUM
IN
AUSTRIÆ ARCHIDUCATU
SPONTE CRESCENTIUM,
ICONES,
AD VIVUM COLORATÆ, ET DESCRIPTIONIBUS,
SYNONYMIS ILLISTRATÆ.
VOL. I.
OPERA ET SUMPTIBUS
NICOLAI JOSEPHI JACQUIN.




VIENNÆ AUSTRIÆ,
TYPIS LEOPOLDI JOANNIS KALIWODA,
AULÆ IMPERIALIS TYPOGRAPHI.

MDCCLXXIII.

Tabula tituli exhibet prospectum ex monte subalpino Gans in loco, ubi sunt xdes venatoriæ Illustr. Comitis de Hoyos, super cacumina montium interiacentium versus planitiem Neostadiensem *a*; & hinc ad levam versus verticem alpis Schneeburg *b*.

PRÆFATIO.



ac nostra tandem ætate Res Herbaria, scientia vaga objectorumque multiplicitate memoriæ humanæ transiliens fere metam, nacta est certitudinis gradum, qui tanto videbatur posse sperari minus, quanto solebant frequentius novi errores novaque dubia succedere dispulsis antiquis. Si animo reputare lubet Botanicæ pertractandæ adhibitas tot tamque varias normas, perlustrare factos in dissipissimis mundi regionibus ingentes ejusdem continuatosque progressus, ipsamque adeo considerare autorum multitudinem incredibilem; observantibus tunc simul, scientiam hanc quam saepissime versari, imo veluti absolvi, cum in distinctione & descriptione rerum vel maxime similium, tum in citatione scriptorum, qui de ipsis his rebus egisse creduntur, causa errorum haud poterit latere diu. Nihil quidem ego propterea detraho bonis plantarum descriptionibus, nihil etiam synonymiæ prudenter selectæ, quas certe ambas ad cognitionem stirpium legitimam acquirendam uti arbitror conferre semper quam plurimum, ita saepe esse plane necessarias, babeo persuasissimum. Sed hoc volui, solas illas, quandoquidem liquet fefeller non raro, fallere omnino posse. Scilicet per verba non eodem omnes modo ea, quæ oculis percipimus, exponere solemus; nec magis alii ex nostris rerum conspectuarum enarrationibus nostro ubique afficiuntur modo, speciesque semper sibi formant easdem. Tum etiam vegetabilium externam illam compagem, sive ambitum & staturam, (habitum vocamus,) quam tam vivide quam vere exprimit pictoris perita manus, rarissime Naturæ indagator explicazione sua assequitur; ut, dum hic significantius aliquid dicere satagit, ad comparisonem cum rebus jam vulgo notis instituendam confugere cogatur. Si igitur, (quod fingere mibi liceat,) nulla unquam, citanda Botanicis, extitisset plantæ ullius delineatio, quam nunc foret manca, quamque arclis circumscripta limitibus cognitio nostra regni vegetabilis? sed ponamus ex adverso, cunctarum in hunc usque diem detectarum stirpium figuras a nobis possideri optimas, easque imprimis coloratas, nunquid brevi omnes cessarent Botanicæ lites, & certudo sic exurgeret maxima, alia methodo nec facile speranda, nec forte obtainenda? Hæsitanti ex consulta descriptione Botanico offeratur idonea plantæ icon, evanescet oxyus molesta dubitatio, & erroris periculum cuiuscunque longe fugabitur. Sic pari passu datisque in communem finem dextris & pictor & scriptor Rem Herbariam promovent; quæ itaque, (ut nunc concludam, quorsum sermonem hunc direxi omnem,) jure merito referre acceptam iconismo debet evidenter sue & perfectionis majorem partem.

Et hinc nihil unquam poterat ad absolvendam scientiam nostram excogitari magis accommodatum, quam eximium atque illustre illud institutum, quo ab aliquot jam annis sub potentissimorum Daniæ Regum auspiciis, vegetabilium omnium, in regnis Daniæ sponte crescentium, figuras nitidissimas a celeberrimo OEdero in



publicam emitti lucem læti videmus. Hoc Regio, apud posteros nunquam interi-turo, beneficio spes nunc affulget optima, fore post paucos elabendos annos, ut in Dania regnis scientia berbarum patria ex dubia difficulti & longa evadat certa fa-cilis & brevissima. Sed, quod novum idemque summum instituto pretium addit, nec una Dania totam hanc proprii operis utilitatem absorbebit; quin fundamen-tum hic habituri Botanici sint, cui superstruere singuli suam, cuncti Europæ to-tius possint Floram completissimam. Suam unaquæque regio symbolam conferat, addatque plantas, quæ desint in prioribus; sic tandem aliquando nescientur in sin-gulis stirpibus Europæis certitudo ac evidētia, quas cæteroquin, cunctis nostris systematibus suffulti, frustra semper desiderabimus.

Primam itaque ego, qui non invenerim, qui in se suscipere operis carissi-mi editionem, propriis sumptibus Floræ Danicæ offero Austriæ symbolam, refer-tam elegantissimis rarissimisque plantis, quas plures, culturam respuentes omnem, extra natale solum spectare vivas Botanicis non datur, nec datur saepe in hoc ipso sine improbis laboribus aut etiam sanitatis periculo. Plantæ fortasse trecentæ hanc Austriæ Floram absolvunt, si incepto meo faverint berbarum amatores. Si min-nus, primus hic fasciculus etiam ultimus esto. Nuperrime tamen ad pergendum impensius excitatus fui clarissimi eruditissimique viri De Saussure genevensis pro-fessoris epistola, ex qua summa cum animi voluptate intellexi, cogitare illum de altera conferenda symbola Helvetica; in qua quanta exspectari possint, docet insi-gne Halleri opus.

Tum etiam hanc Floram ita institui, ut socia atque par ire Horto meo Bo-tanico Vindobonensi, & utrumque sic opus unius adinstar, cui liberet, esse posset. Propterea quoque servavi chartæ litterarumque similitudinem. Hortus meras si-stit ratione Austriæ exoticas stirpes, hospites suas. In Flora sole continebuntur plantæ, in Austriæ Archiducatu sponte provenientes, veræ cives, nec simul in Da-nia reperiundæ. Umbelliferas tamen hic excipio, quarum repetendarum causam indicabo. Familiae hujus vastæ & difficillimæ infirma in hunc usque diem mansit cognitio, ut, qui magis has sibi stirpes perspectas habuerint, næ senserint illi, quo emerint labore. Austria umbelliferarum ferax est; nec alit pauciores exoticas hor-tus. Siccas, ut distinguere valeam, possideo descriptas ab autoribus plerasque alias. Ergo animum subiit labor haud mibi visus inutilis, cum in Horto, tum in Flora, plurimarum illarum figuræ edere tales, quibus prompta unicuique evadat earum certaque agnitio. Chartæ quoque volumen meæ magis conductit ad barunce stirpium delineationem; quæ scilicet in angustam effigiem nimiope contractæ, utut vere eleganterque exhibitæ, non omnibus tamen sese oculis desiderata cum evi-dentia offerunt. Quibus itaque in plantis pingendis nec curis nec sumptibus me pepercisse, facile intelligent æqui rerum æstimatores. Interea nec de reliquis stirpi-bus fidem certam do, Danicam in Flora nostra omniō non fore ullam; dandam vero præstabo, simul ac Floræ Danicæ index, a clarissimo OEdero promissus, ve-nnerit in nostras manus, eo usque, prouti potero, repetitionem evitaturus.

In plantarum synonyma sedulus inquisivi. Excepto Caspare Baubino, me-rum nomenclatorem aut synonymistam raro citavi. Nunquam autem omisi alios Austriacæ vel vicinæ Floræ autores, ut, ubicunque hos silentio præteream, judi-casse existimer, apud eosdem plantam non extare. Si qua meam inter datamque ab aliis synonymiam differentia est, contentiosis animadversionibus opinionem meam non tuitus sum, quam dijudicandam lectori relinquo. Limneanum nomen, cele-berrimum hunc virum in hisce sequi solitus, anteposui reliquis; dein illos laudavi autores, qui usi eodem generico nomine fuerunt. Trivialia sic dicta epitheta, (quæ utinam firmo stent semper pede!) prætuli aliis, quod memoriæ facilius im-pri-

primantur, inhaerentque diutius. Determinationum sive definitionum, alibi utilissimarum, mutabilem fluxamque turbam hic neglexi, ad quas tamen veniendum invito fuit in citatione autorum, qui trivialibus titulis abstinuerunt. Nemo autem hoc læsum se ordine putet, quem non raro contra propriam aestimationem instruxi ad legem præscriptam. Nec magis ullum nomen facio meum, nec indita stirpibus novis propria obtrudo aliis. Qua quidem in re indulgentius, etiam indoctius, egisse videbor forte non paucis, qui, quod nomina vel ipsi repugnantia characteri a me dato retinuerim, id culpabunt quam maxime, umbelliferas adduceruri in manifestum argumentum. At enim ego, (ut in uno umbelliferarum maneamus exemplo, ad cæteras vegetabilium classes applicando,) non intelligo, cur in hac familia seminibus, si placeat, solis plus tribuere deberem, quam involucris, petalorum figuræ, aliisve partibus? Nec magis etiam intelligo, cur bis ex adverso plus quam seminibus? Objicient profecto qualescumque hæc partes, si ab aliquibus bisce petitur solis generum constitutio, evidentiæ & certitudini obices insuperabiles. In seminibus, ut multæ taceam partes alias, sola Hasselquistia, tordylii heraclei & fere dixerim coriandri distinctos tres fructus una gerens, id nos docet abunde. Alter certe fieri non poterat; nam quæ in natura plane non dantur, frustra in hac genera quærimus, & usque frustra quæreremus. Illa per meras species, millenis relationum modis sibi mutuo intertextas, pergit, non serie simplice illa, quam sequi cogimur in systematibus nostris, sed ordine multiplici & valde composito, ut planta una cum plurimis aliis diversissimis, diverso quidem respectu, vinculo tamen haud minus arcto, cohæreat: quem quidem ordinem, vel potius ordinis universi relationes innumerabiles, solum genuinum naturæ sistema, in tabellas conjicere homini non est datum. Quo nunc plures nobis cognitæ plantæ sunt, multiplice ista relatione evidenterius propriusque concatenatae, eo species quidem agnoscimus plures; sed eo a nobis genera recedunt longius, disparent tandem. Atque hoc in umbelliferis, quarum longe maximam partem Europa nunc possidet, experimur inviti. Experiremur, ni fallor, in familiis omnibus, si omnia universi vegetabilia æque perspecta haberemus. Quo classes amplius extendemus, & quo genera constringemus magis, eo propius ad naturam accedemus; quare, si genus conficeretur, quod intrarent, cœn species, umbelliferæ plantæ omnes, naturæ minus adversaremur, & qualisunque tunc desineret de earundem generibus hodiernis vana disceptatio. Sed iterum, quæ duceret hoc, quæ clauderet planta umbelliferum agmen? At vero hæc sunt minus hujusce loci, quæ propterea leviter tangere volui, ut pateat ratio istius diligentie meæ in corrigendis nominibus genericis in opere non systematico.

Descriptionem, ante jam sive ab ipso me sive ab alio autore traditam, hic repetendam duxi, eamque emendatam, ubi erat opus, ut ne ulla careret icon legitima explicazione. In his forte sicubi nimius videar, faciet lector prolixitati meæ gratiam, tediumque hoc suum, damno emptum meo, benevole excusabit. In describendis stirpibus, nulla motus autoritate, quæ vidi, sæpiusque vidi, enarrabo. Hic, quantum potui, mea contuli cum observatis alienis, & repugnantia notavi studiosius. Comparatio ista docebit, quandoquidem rarissime ipsum induco auctorem a me dissentientem. Ipse si quando erraverim, erroribus objectis nec quæsivi, nec quæreram effugium, & hos & alios candide correcturus. Nunquam vero de me tam humiliter sentiam, ut illiberalibus cavillationibus, quas aut solet mordax diclare invidia, aut emittere animi intemperantis impetus ignobilis, utut posset esse vindicta facilis, respondeam lacestitus.


Floris fructusque characterem examinavi ad Generum Linnæanorum editionem sextam, ita quidem, ut passim momenta indicaverim discrepantia; quæ autem sicco transierim pede, hæc congrua a me inventa credi possint. Partes fru-



ctificationis minutiores, quas nosse distinctius intererat, in tabulæ margine seorsim exhibitæ sunt, saepe etiam ad microscopium auctæ. Consilio celeberrimi Linnæi semina umbelliferarum transversim etiam dissecta pleraque proposui. Villoſitas haud facile perceptibilis omittitur non raro in delineatione, quum hæc soleat sculpta reddi supra verum notabilior. Systematis Linnaeani editionem Holmensem citavi duodecimam. Ad exemplaria sylvestria omnes plantæ sunt depictæ, nisi contrarium præcise moneam. In concinmandis autem figuris summa ubique locata opera fuit, ut fierent quam exactissimæ, nec ultra naturam elegantes. Magnitudo semper naturalis est, aut stirps proponitur tota, aut vero maximarum plantarum pars sistitur tanta, qua judicium ferri promptissimum de integra queat. Stirpes alpinae præprimis cordi fuerunt, quas pictor egregius, mibi in itineribus alpinis comes, ipsis in alpibus fere omnes pinxit. Et hic quidem singulares publicasque agere grates debo viro illustrissimo ac generosissimo, Ernesto Comiti de Hoyos, Domino in Horn, Froschdorf, aliisque locis, alpium Schneebergensium possessori, qui pro insigni benevolentia sua atque humanitate omnia illa mibi sociisque commoda cumulate semper cum exhibuit ipse, tum exhibenda per suos curavit, quæ poterat loci ingrata ferre conditio: quæ quidem res quantopere favere valeat Botanico scopo, neverunt illi, qui alpes adscenderunt. Et viri etiam meminisse hic omnino me decet, in Re Herbaria versatissimi, amplissimi Francisci de Mygind, Consiliarii aulici, cuius sincera amicitia et judicium exquisitum operi huic perficiendo haud medicorem attulere opem.

Prima hæc centuria poterit constituere volumen primum; altera post annum forte proditura secundum; reliquæ icones tertium. Scribebam Vindobonæ
16. Februarii 1773.





FLORÆ AUSTRIACÆ ICONES ET DESCRIPTIONES.

TABULA PRIMA.

IRIS PUMILA. *Linn. syst. pag. 77. Gerard. prov. 144.*
Chamæiris latifolia minor. Clus. hist. 225.

Mense Aprili floret elegans hæc plantula, in collibus apricis maxima sæpe copia crescens. Radix extus fuscescens, intus alba, nodosa est, & fibrillæ aucta pallidis. Folia sunt ensiformia & acuta, flore nunc paulo breviora, nunc longiora. Caulis brevissimus, sæpe vix uncialis, florem sustinet singularem. Hujus germen oblongum, obtuse & obsolete trigonum, pollicare, binisque spathis inclusum, abit in corollæ tubum tenuem duas uncias longum. Petala omnia ferme integra sunt, cærulea purpureave, coloris valde variantis, ita ut nec idem flos eandem saturatiōnem diu servet, sed ex cæruleo paulatim magis magisque vergat in rubentem. Barbæ exteriores cæruleæ, interiores albæ sunt cum apicibus luteis. Antheræ cærulescunt. Stigmata profunde bifida & acuminata sunt corollæ ut plurimum concoloria. Variat etiam flos colore albo, pallido, aut flavescente. Hinc, uti jam monuit Clusius, in floribus est summa varietas. Fructus in hac Iride rari observantur, qui sunt ovati, obtuse trigo-ni, pollicares, & semina continent rugosa, angulata, & ex flavo ferruginea. In Horti Eystettensis tabulis prima & secunda vernalium ordinis octavi plures hujus Iridis varietates exhibentur.

TABULA SECUNDA.

IRIS GRAMINEA. *Linn. syst. pag. 78. Scop. carn. 1. p. 38. Baub. hist. 2.*
pag. 727.
Iris angustifolia sexta. *Clus. hist. 230.*
Iris angustifolia, prunum redolens, minor. *Baub. pin. 33.*
Chamæxyris angustifolia. *Lob. ic. 69.*



Ex radice nodosa, terete, extus nigra, intus albicante, fibrisqne donata longis & palidis, caules assurgunt palmates vel sesquipedales, ancipites, foliorum ex augusto ensiformium acuminatorumque vaginis ferme toti inclusi, foliis ipsis semper duplo breviores, terminati spatha viridi tumente & ut plurimum biflora. Pedunculi teretes suffulciant flores odoris suavis, quem optime Clusius comparavit cum prunis. Germen per sex sulcos profunde exaratos hexagonum est. Florem color elegans & multiplex spectabilem reddit, qui in marcescente ex fusco totus flavescit. Petalorum reflexorum inferior atque interior dimidia pars, stigmatis laciniæ, & filamenta, colore primario gaudent purpureo. Eorundem petalorum pars vero exterior albida venis cœruleis variegatur. Petala erecta cum exigua emarginatione obtusissima concavaque colorem habent violaceum. Antherarum pollen aurantiacum est. Unguium petalorum connexorum viridis infima pars, qua germini insiguntur, in reflexis simpliciter attenuatur; in erectis autem in subrotundam ampliatur faciem, ex qua, non ex illa reflexorum, transudat copiosus liquor aqueus spississimus, guttularum forma adhaerens. Fruktus est ex subrotundo ovatus, obtusus, valde profunde sexfulcatus, dumtaxat in uno altero loculo semen fons solitarium aut omnino illa pauca, hinc ovatum vel subrotundum, nec compressum a vicinis, quæ abortare solent. In pratis uidis crescit ad montium radices; ubi floret Majo, semina Julio dans matura.

TABULA TERTIA.

IRIS SIBIRICA. *Linn. syst. pag. 78.*

Iris foliis linearibus; caule subnudo; petalis reflexis imberbibus, venosis, tubarum arcu acuminato. *Hall. hist. helv. num. 1259.*

Iris angustifolia secunda. *Clus. hist. 228.*

Iris tenuifolia major, flore cœruleo & striato, angustifolia secunda. *Baub. hist. 2. pag. 727.*

Ex radice brevi, cespitosa fibrillasque longas intertextas emitte plurimas exoriuntur caules tripedales, teretes, tenues, versus extremitatem ramulo sœpe aucti, & foliis altiores linearibus & acuminatis. Flores suave olent, suntque coloris ex purpureo cœrulei, ita ut petalorum reflexorum admodum venosorum lati unguis fuscescant, inde ipsa transversim albescant, summa pars ferme cyanea sit. Petala erecta sunt integra. Stigmatum laciniæ sunt ferratae. Germen breve & obtuse trigonum. Antherarum pollen albescit. Fructus sequitur ovatus & obtuse trigonus. Semina sunt numerosa, compressa & inæqualia. Spathæ membranaceæ & siccæ fuscescant. Florere incipit sub fine Maji. Fructum perficit sub fine Julii. Crescit ad pratorum uorum margines.

TABULA QUARTA.

IRIS SPURIA. *Linn. syst. pag. 78.*

Iris angustifolia prima. *Clus. hist. 228.*

Iris pratensis angustifolia, folio fetido. *Baub. pin. 32.*

Iris foliis angustis prima Clusii. *Besl. eyst. aet. O. 3.f. 4.f. 3.*

Radix nigricans similis est Iridi gramineæ. Caulis teres cum levissima compressione, aut parum flexuosus, aut omnino rectus, duos tresve pedes altus, foliis supereminet. Hæc ex ensiformi linearia sunt, tritaque fetidum odorem spirant, nec tamen vehementem. Caulem flores terminant plerumque gemini, breviter pedunculati, propriisque spa-

spathis circumdati. Loco demissiori ex eodem caule serius flos unus alterve prodit alias. Expansi flores eodem versus spectant, leviterque inclinantur, aut stant in aliis individuis erecti, cuiusmodi exhibentur a Clusio. Odore carent omni. Color in omnibus partibus satis est consimilis, ex purpureo cæruleus. Reflexorum petalorum tamen pars, qua succumbunt stigmati, striatim magis rubet. Atque hæc lanceolata est, ex colloque angustato tunc demum in bracteam latam extenditur. Petala erecta sunt plana, & ut plurimum integerrima, rarius incisura laterali profundiore secta. Antherarum pollen est aurantiacum. Germen oblongum basique hexagonum; cum fulcis alternis angustioribus minusque profundis. Capsula oblonga, acuminata, sexangularis, lateribus alternis triplo laticoribus, trivalvis & trilocularis includit semina numerosa, fusca & angulata, quæ vestiuntur membrana albicante partim adhærente rugosaque, partim libera & tumente. Semina maturescunt sub finem Augusti. Incolit prata uda. Exhibitur etiam caulis fructigeri pars superior cum diversis seminibus.

TABULA QUINTA.

IRIS VARIEGATA. *Linn. syst. pag. 77.*

Iris major latifolia decima quinta. Clus. hist. 221.

Iris latifolia pannonica, colore multiplici. Baub. pin. 31.

Iris lutea variegata. Ehr. piæt. tab. 10. fig. 3.

Pratensibus siccioribus in locis crescit hæc planta elegans, pedalis aut etiam bipedalis, a medio Majo florens ad medium Junium, dum Julio perficit semen. Radix nodosa, ferme inodora, intus albicat, foris fusca aut flavescens, initio insipida, linguæ tamen postea aliquem ardoris sensum imprimens. Caulis est leviter compressus, parum flexuosus, foliosus, multiflorus, foliisque altior. Hæc ensiformia, pallide virentia, & plerumque extorsum recurvata, fulcantur rugis longitudinalibus. Flores subodorati sunt toti lutei, ita tamen ut petalorum reflexorum, quæ venæ atropurpureæ eleganter pererrant, pars extima magis albescat. Punctis etiam aut striis interruptis atropurpureis asperguntur erectorum bases. Barbulæ luteæ sunt, extimæ magis albicantes. Pollen albescit. Germen hexagonum angulos habet alternos obsoletos. Fructus ex ovato oblongus, acutus, ex flavo dilute fuscus, multumque dehiscens, semina continet plura fusca & angulata. Ille in margine exhibetur.

TABULA SEXTA.

ANASTATICA SYRIACA. *Linn. syst. pag. 432. mant. pag. 424.*

Anastatica hierachuntica. Crantz. fasc. pag. 7.

Anastatica, quæ Myagrum ex Sumatra & Syria; semine spinoso, simili capiti avicula. Gron. fl. or. pag. 78.

Myagrum de Sumatra. Zan. pag. 168. tab. 126.

Myagrum rostratum. Scop. carn. 2. pag. 11. tab. 35.

Rosa Hierichuntica alia. Camer. hort. pag. 147. tab. 42.

Rosa Hiericonthea sylvestris. Baub. pin. 484.

Thlaspi fruticosum Moravicum, affine Thlaspi de Hierico sylvestri. Bocc. mus. pag. 135. tab. 98.

Radix annua est, & fibrosa. Caulis leviter hirsutus scaberque in plurimos abit ramos. Folia sunt lanceolata, obtusiuscula, subaspera, dentata vel integerrima, ac petiolata. Fructus locantur in spicis elongatis rarisque; tum etiam in axillis foliorum ipsisque



in ramis. Flores paucissimi & sessiles terminant spicas. Sunt hi omnino exigui, ut oculo nudo ægre examinari queant. Calycis foliola quatuor hirsutula ex viridi purpurascunt. Petala alba & obverse lanceolata valde patent. Filamenta albida gerunt antheras sulphureas. Stigma est bifidum & patulum. Silicula subrotunda dura & aspera in duo loculamenta dividitur. Valvulae subrotundæ, uti quidem sit hoc in Anastatica hierichuntica, facili vi in hac non avelluntur, sed cum dissepimento firmiter concrescunt, hinc non dehiscunt; dissepimentum vero ipsum abit in mucronem subulatum versus anteriora inclinatum. Semina sunt solitaria, rarius bina in quolibet loculamento. Multoties auctus flos integer ad latus sifistitur. Tum in dupla circiter magnitudine silicula valvulas scalpello a dissepimento separatas deflexasque gerens; dissepimentum solum; & semen. Crescit in foveis siccis ad aggeres, inque vicinis, non tantum in Austria, sed in adjacentibus plerisque provinciis. Floret Majo & Junio.

TABULA SEPTIMA.

LYTHRUM VIRGATUM. *Linn. syst. pag. 328. Jacq. enum. 243.*

Lysimachia purpurea secunda sive minor. Clus. hist. LI.

Lysimachia rubra non filiosa. Baub. pin. 246.

Salicaria orientalis, salicis folio acutissimo & glabro. Tourn. cor. 18.

Salicaria glabra ramosissima, longissimis & angustissimis foliis. Amm. ruth. pag. 69. num. 89.

Salicaria glabra, longioribus & angustioribus foliis. Amm. ruth. pag. 69. num. 88.

Tota planta nitidissima est. Ex radice lignosa & perenni caules elevantur annui, recti, bipedales & firmi; inferne teretes, sublignosi, dilute fuscescentes, foliis delapsis tandem nudati; superne tetragoni, dilute virentes & foliosi; in culta planta valde numerosi & altiores. Rami axillares erecti & virgati in fructescente planta admodum elongantur. Folia mansa os glutine opplent; suntque ex angusto lanceolata, acuminata, integrerrima, subsessilia, duos tresve pollices longa, nitida; rameis superioribus alternantibus exceptis, opposita reliqua omnia, ita tamen, ut interduum altero alterum pauxillo altius locetur. Flores inodori & brevissime pedunculati plerumque terni singulis in foliorum alis ponuntur, spicamque formant raram foliosam & virgatam. Calyx ex viridi purpurascit. Corolla cum saturata purpura rubet. Ejusdem coloris sunt filamenta longiora, antheris donata fuscis. Breviora albescunt cum antheris flavis. Capsula oblonga, & calyce, cui includitur, paulo brevior, semina continet numerosa oblonga & parva. In Danubii insulis floret Junio & Julio. Augusto fert semina.

TABULA OCTAVA.

SEDUM ATRATUM. *Linn. syst. pag. 317.*

Sedum hæmatodes. Scop. carn. I. pag. 323.

Sedum caule folioso, erecto, umbellato, humillimo, foliis teretibus. Hall. hist. belv. num. 963.

Sedum saxatile, atrorubentibus floribus. Baub. pin. 283. prodr. 132.

Sedum saxatile, variegato flore. Baub. pin. 283. prodr. 132.

Sedum minimum montanum, flore purpurascente parvo, semine stellato. Scheuchz. it. 6. pag. 518.

Annua plantula, ab unica ad quatuor uncias longa, radici insit fibrosæ, qua alpium axis innascitur, florens ibidem Junio, semina perficiens Augusto. Nunc tota quanta, imprimis senescens, ex atro rubet; nunc ex adverso pallide viret; aut iterum

mixto colore tingitur. Caules sunt plures & simplices, vel caulis similes rami de caulis parte infima exeunt; omnes simul pro vario plantæ volumine magis minusve inversam pyramidem referentes; glabri toti, crassi, teretes & erecti. Folia alternante atque inordinato situ caulinos dense vestiunt, sessilia, oblonga, obtusissima, carnosa, crassa, dorso teretiuscula, antice compressa vel concava, superne latescentia. Flores peduncularum priorum ope in axillis foliorum solitarii, in extremitate caulium plus minus umbellati, locantur, erecti, corolla donati aut pallide virente, aut subrubella, cuius petalum cum in naturali, tum in aucta magnitudine adstat.

TABULA NONA.

PRENANTHES VIMINEA. *Linn. syst. pag. 521.*

Chondrilla saxatilis viscosa, caule cnemidophoro. Col. ecphr. I. p. 238. t. 240.

Chondrilla viscosa, caule foliis obducto. Baub. pin. 130.

Chondrilla viminea viscosa. Lob. adv. 85.

Laetula viscosa, caule foliis obducto. Tourn. inf. 472.

Radix tenuis, fusiformis, albicans, simplicissima vel parum ramosa, semipedalis vel pedalis, primo anno folia sola profert radicalia, proximo caulem, & post maturos fructus perit. Planta laetescit, & glabra est. Folia sunt pinnatifide laciniata, pallide virentia, radicalia & inferiora pilis rarioribus subtus adspersa, caulina saepe verticaliter sita; lacinias acutis, subdentatis, nunc angustissimis, nunc latis, unam duas vel tres uncias longis, & omnino multum variantibus. Folia summa sunt integerrima, & parva. Caulina autem & ramea pleraque basi utrinque appendiculam demittunt oblongam cauli adnatam, singulare spectaculum in caule nitido & albente exhibentem. Flores totos ramos obsident, subsessiles. Calycis cylindracei & cum purpura suffusa glauci foliola sunt ex oblongo lanceolata, acuminata, circiter decem, imbricata, exteriora breviora. Flosculi sunt quinque, flavescentes, extus interdum purpurascentes. Semina sunt atra, ex angusto lanceolata, glabra, paulatim desinentia in stipitem capillarem, coronatum pappo piloso. Crescit in locis asperis. Floret Julio. Sub finem Augusti maturescunt semina.

TABULA DECIMA.

ALLIUM MULTIBULBOSUM.

Summa cum incertitudine elegans hoc Allium stirpibus vere Austriacis ad numero. Jam ante plurimos annos in monte cætio extra claustrum muros haud semel inveneram, atque nunc iterum paucis in suburbiorum locis, cum cultum in hortis sub titulo Bergzwiebel, sive Allii montani, tum in eorundem vicinia, vidi. Inter Linnæana Allia non reperio, nec inter sua videtur Hallerus habere. Tota planta odorem generis vix possidet, sapore tamen ejus aliquo prædita. Bulbus solidus, albidus, cumque mediocri depressione subrotundus, circumdatur numerosis bulbillis, qui a matre per fila tenuia facileque & ultra abrumpenda pendent, membranarumque tenuissimarum ope partim cum eadem cohærent. Hac sōbole separata omni, ad duplum diminuitur bulbi volumen, manetque ille tunc inæqualis a foveis per bulbillos impressis. Folia sunt radicalia omnia, pedalia aut sesquipedalia, fuscunciam tresve etiam uncias lata, plana, striata, acuta, ex lato ensiformia. Scapus bipedalis & teres erigitur, in umbellam terminatus densam, leviter convexam, diametri trium quatuorve pollicum. Petala albescunt cum linea dorsali virente, suntque ovalia, obtusa, & alterna magis concava. Filamenta alba & petalis breviora ba-



sibus suis circa germen in unum sunt corpus coalita, hinc subulata fereque æqualia inter se assurgunt, antheris coronata oblongis æqualibus & dilute sulphureis. Germen ex atro viret, stylo albo instruetum filamentis breviori. Semina sunt angulata & atra. Floret Junio. Semina Augusto maturescunt.

TABULA UNDECIMA.

ARABIS TURRITA. *Linn. syst. pag. 443. Scop. carn. 2. pag. 30.*

Arabis umbrosa. Crantz. fasc. pag. 41.

Turrita major. Clus. hist. CXXVI.

Brassica sylvestris, albido flore, nutante siliqua. Bocc. mus. p. 81. t. 72. Barrel. ic. 353.

Radix perennat, & sæpe caules plures profert. Folia sunt ex lanceolato oblonga, crassiuscula, subtomentosa, pallide virentia, inæqualiter dentata, ad oras subundulata, acuta, saporis mere herbacei, radicalia & caulina infima in longos petiolos angustata, caulina reliqua basi cordata & amplexicaulia. Caulis teres, vix angularis, subtomentosus, & plerumque simplex, floribus terminatur simul florentibus paucis, & successive elongatur in racemum fructigerum longum. Foliola calycis ex viridi pallent, basi modice prominula, alterna latiora, aut glaberrima aut rarius loco indeterminato pilis paucissimis instrueta, sulco uno alterove transverso notata, hinc forte rugosa Linnæo dicta. Petala oblonga aut sunt albida, aut ochroleuca. Siliquæ fuscæ, lineares, obtusæ, compresso-planæ, sæpe incurvatae, longæ, & glabræ, ad idem latus deorsum maturæ flectuntur omnes. Semina sunt fusca, plana, margine membranaceo cincta, & emarginata. E semine nata altero ætatis anno florere incipit. Figura Turritæ majoris Plateau optime exprimit cultam plantam, siliquas elongare incipientem. Ab Arabi alpina multum differt. Utrum vero ab Arabi pendula Linnæi vere distinguatur, doceat, qui utramque viderit. Crescit in rupestribus umbrosis, ubi flores primos expandit sub finem Aprilis. In margine etiam depinguntur caulis florere incipientis extremitas, flos separatus, ac semen.

TABULA DUODECIMA.

SEMPERVIVUM HIRTUM. *Linn. syst. pag. 335.*

Sedum majus montanum, foliis dentatis. Bauh. pin. 283.

Cotyledon altera secunda. Clus. hist. LXIII.

Planta hæc toto habitu convenit cum Sempervivo tectorum, & maxima sæpe copia crescit in montosis asperioribus locis. Folia sunt ex ovato lanceolata, acuta, carnosæ, ciliis albis rigidiusculis per totum ambitum ornata, caulina villosa, radicalia glabriora. Rosulæ numerosæ & adultæ patulæ ex alis foliorum propagines emitunt globosas, tenui filo adhærentes, eoque facilime ac veluti sponte rupto deciduas radicesque acturas. Caulis hirsutus, teres, foliisque tectus, erigitur, sex vel plures uncias altus, superne divisus in ramos paucos patentés. His erecti insident flores, omnes sursum spestantes, singuli suffulti pedunculo brevi atque egressi ad latus folii minoris. Charakterem in illis perpetuo sequentem observavi. Calyx constat foliolis senis, oblongis, acutiusculis, erectis, villosis, & crassis. Petala, quæ calycem superant ad duplum, numeravi etiam sex, ex lanceolato oblonga, acuta, erecta, ochroleuca, marginibus & dorso acute protuberante ciliata, ad apices patula. Stamina adsunt duodecim, petalis pauxillo breviora, subulata, erecta, pallida, antheris donata flavis. Inter filamenta & germen quodlibet adstat exiguum nectarii foliolum semibifidum. Germina sunt sex, vel rarius septem, villosa,

in-



inque totidem capsulas abitura. Radix simul cum caule suo perit. Floret a Julio ad Septembrim. Pro Sempervivo globifero antea hanc plantam habueram; dumque in Enumeratione stirpium agri Vindobonensis, scripturae vitio præproperæ, flores hexandri pro floribus hexaphyllis leguntur, confusio sic nata major fuit, quam, viso nunc Sempervivo globifero, facilius iterum tollo. Globiferum enim corollam habet calycemque duodenis foliolis constantem, germina similiter duodecim, stamina autem quatuor & viginti; unde quam maxime solo harum partium numero a Sempervivo hirto distinguitur. In tabula exhibetur planta culta, quæ major esse solet, quam sylvestris. Eadem in margine altero necdum florens cum quibusdam propaginibus suis. Tum propago novella inhærens filo. In altero margine flos.

TABULA DECIMA TERTIA.

- SOLDANELLA ALPINA. *Linn. syst. pag. 151. Scop. carn. 1. pag. 135. Cam. epit. 254. Moris. hist. 2. pag. 285. s. 3. t. 15. f. 8. & 9.*
Soldanella. Hall hist. helv. num. 634.
Soldanella alpina major & minor. Clus. hist. 308. & 309.
Soldanella alpina rotundifolia. Baub. pin. 295.
Soldanella alpina folio minus rotundo. Baub. pin. 296.
Soldanella montana. Lob. ic. 602.

Radix perennis folia plura promit longis teretibusque petiolis insidentia, ex rotundo reniformia, firma, integerrima aut ad marginem obsolete crenata, nitida, facie saturate virentia, dorso dilutius. Scapus teres, glaber, aphyllus, erectus, a duabus ad sex uncias longus, basi purpurascens plerumque, ad apicem umbellatim sustinet pedunculos proprios unifloros, inæquales, ut plurimum binos vel ternos, rarius solitarium, totidem foliolis involucri oblongis obtusisque suffultos. Flores inodori nutant. Calyx profundissime ad basin fere usque dispescitur in quinque laciniæ ex angusto lanceolatas, acutiusculas, erectas & persistentes. Petalum elegans & calyce triplo longior ex tubo pallente brevi basique rotundata abit in limbum, infundibuli, tubo parentis & valde ampliati, figuram præ se ferentem, ad medietatem ferme usque inæqualiter in numerosas laciniæ lineares dissestum, ex cœruleo saturate purpurascen tem vel contra cum purpura cœrulecentem; qui color valde in hoc flore variat, vel in album abiisse Clusio Scheuchzeroque visus. Filamenta quinque brevissima superiori parti tubi corollæ infiguntur, geruntque antheras sulphureas, erectas, polline fœtas luteo, in conum conniventes, lanceolatas, filamentis ipsis longiores, desinentes in mucronem subulatum reflexum, interne longitudinaliter dissimiles, tunc ibidem biloculares. Germen subrotundum in fundo calycis intra petali tubum hæret. Stylus filiformis corollam æquat, stigmate præditus simplici. Capsula ex oblongo conica, striata, unilocularis & polysperma ore decemdentato hiat. Pedunculi in fructu eriguntur. Crescit in summis alpibus, ubi floret Junio & Julio. Culta in horto Majo, in hybernaculo asservata Martio. In margine etiam delineantur corolla discissa longitudinaliter & aperta cum staminibus inhærentibus, calyx cum pistillo, semina, & capsula.

TABULA DECIMA QUARTA.

- LITHOSPERMUM PURPUREOCOERULEUM. *Linn. syst. pag. 145. Scop. carn. 1.*
pag. 123.
Lithospermum caulis decumbentibus radicatis; ramis floralibus erectis. Hall. hist. helv. num. 596.



Lithospermum repens majus. Clus. hist. CLXIII.

Lithospermum umbellatum latifolium & angustifolium. Bocc. rar. pag. 75. tab. 40.

§ 41.

Lithospermum minus repens latifolium. Bauh. pin. 258.

Anchusa repens Lithospermi facie, floribus cæruleis, secundum folia provenientibus. Pluk. alm. 30. t. 76. f. 2.

Tabula repræsentat caules duos, qui ex eadem radice nigricante lignosa & perenni plures exeunt, alterum primos flores producentem, sterilem mansurum alterum. Hic flores conspicuntur veluti aggregati, qui in elongatis caulis divisi ramis postea distant ab invicem, singuli brevissime pedunculati ad folii litus solitarii exorti, eodemque ut plurimum spectantes. Caules sunt teretes & hispidae. Steriles primo erexit, tandem versus terram inclinantur, etiam procumbunt, atque ad extremitatem subtus radiculas emittunt, terram intrantes, quibus nova soboles generatur. Folia sunt ex oblongo lanceolata, acuminata, breviter petiolata aut sessilia, integra, pilosa, alterna, aspera, lateribus saepe revoluta. Calycis ad basin usque dissecti laciniæ sunt hispidæ. Corollæ elegantis, inodoræ, & calyce multo longioris tubus angulatus sordide albet, aut purpurascit. Limbus patens cæruleum habet colorem, postea purpurascit. Faux per quinque gibbos introtrufos stella alba insignitur. Semina nitida, albida, unilocularia, duraque, vix unquam quatuor ad maturitatem pervenient. Crescit in sylvaticis & fruticosis. Floret Majo & Junii initio. Ad latus petalum dissectum adpingitur,

TABULA DECIMA QUINTA.

PEUCEDANUM SILAUS. Linn. syst. pag. 208.

Peucedanum foliis triplicato-pinnatis, pinnulis nervo distinctis lanceolatis, imparibus trilobatis. Hall. hist. helv. num. 797.

Siler alterum pratense. Dod. pent. 2. l. 5. c. 14.

Seseli felinoides. Jacq. enum. Vindob. pag. 227.

Seseli pratense. Riv. tab. 57. Crantz fasc. pag. 209. tab. 6.

Seseli pratense Monspeliacum. Lob. ic. 738.

Seseli pratense, Silaus forte Plinii. Bauh pin. 162.

Seseli primum pratense. Moris. umb. pag. 17.

Tota planta glaberrima est. Radix perennis, crassa, profunde & recta descendens, vaginis villisque a foliorum præteriorum reliquiis coronatur, primo sationis anno folia sola radicalia producens. Caulis unus alterve tripedalis ramique obsolete angulati ac striati maximam partem virent. Folia multiplico-pinnata odorem trita peculiarem spirant, eumque satis fortem, & sapore gaudent ingrato & subacri. Petioli sunt subangulati & striati. Pinnulæ ex angusto lanceolatæ virent, mucronatæ spinula albida exigua & innocua, longitudinis valde diversæ, interdum breviores, quam in ipsa exhibentur figura, saepe ex adverso duplo triplove longiores, magisque tunc extenso in folio locatae, etiam sesquipedali, hinc magis distantes ab invicem, cuiusmodi folii pars in margine fistitur; cæterum pleræque opponuntur, & ultimæ ad basin confluunt. Vaginæ foliorum ampliantur in membranam. Involucrum universale aut est nullum, aut foliolo absolvitur linearí uno, similibusve paucis. Partiale vero constituitur ex pluribus, lanceolato-linearibus & radios æquantibus. Umbella universalis valde inæqualis & rara habet umbellulas plus minus decem planiusculas. Petala aut pallide flavescens aut albida & oblonga apicem simpliciter inflectunt. Antheræ sunt sulphureæ. Semina ovata aut multo oblongiora fuscescunt, hinc plana, illinc convexa & quadrifalcata sive tribus striis elevatis no-

ta-



tata, quas margines laterales haud excedunt, adeoque nec alata; odoris & saporis ferme expertia. Floret Junio & Julio. Semina largitur Augusto. Crescit in pratis. Conspicitur etiam in margine folium radicale minimis pinnulis donatum, & hinc ipsum circumscriptio[n]is angustissimæ. In margine autem opposito folii pars radicalis maximi & amplissimi ex alio individuo. Deinde radius cum involucro partiali, & semen. Aucta tandem semen utrinque delineatum & flos. Icon citata Rivini mihi quidem videtur verius exprimere plantam sequentem, & vice versa; seminibus tamen exceptis, quæ singula titulis suis congruunt.

TABULA DECIMA SEXTA.

SELINUM CARVIFOLIA LINNÆI. Linn. *syst. pag. 207.* Reyg. *fl. ge-*
dan. 2. pag. 61.

Selinum foliis triplicato-pinnatis, pinnis latiusculis, simplicibus & trifidis. *Hall. hift.*
helv. num. 802. tab. 20.

Selinum caule alato, foliolis bifidis & trifidis. *Zinn. gætt. 221.*

Selinum palustre. *Crantz. fasc. pag. 172. tab. 4. fig. 1?*

Laserpitium selinoides. *Scop. carn. 1. pag. 198.*

Angelica tenuifolia. *Riv. pent. tab. 18.*

Tota planta nitida est. Nata e seminibus altero demum floret anno, & porro subsequis. Radix foris fusca, intus candida, crassitie digitum minimum raro superans, semipedalis, haud multi saporis aut odoris, fibras emittit paucas crassas & longas. Caulis fere semper unicus recta assurgit, bipedalis, medulla alba farctus, pallide virens, aut simplissimus aut uno altero rame ramulo instructus, rarius ramosior, teres, simulque membranis longitudinalibus tenuissimis, numero variis, magis albicantibus, ad lineæ latitudinem saepe extantibus, ubique alatus. Hæ membranæ plerumque (nec semper) ad exortum radiorum umbellæ universalis, quandoque etiam ad principium petiolorum, cessant ex abrupto, unde pedunculum sub umbella fere crispatum Linnæus dixit. Cæterum nullius novi umbelliferæ caulem tam tenuibus sulcatum alis, ut hinc facillime dignoscatur. Folia sunt multiplicato-pinnata; petiolo communi striato, in radicalibus longo & antice sulcato; in caulinis dilatato quidem, at vix vaginante. Foliola ultima sunt ex oblongo elliptica, mucronata, apice albida, plana, quædam confluentia. Umbella universalis densa & parum convexa pro involucro habet foliolum unicum, rarissime plura, etiam omnino nullum. Partialis involucri foliola angusta numero variant a quinque ad decem. Petala oblonga, ob apicem acutum inflexum cordata, sibi fere æqualia omnia, albent utrinque aut cum suffuso subtus aliquo rubore. Stamina pallida corollam ad duplum superant. Flosculi fere omnes sunt fertiles. Seminum oblongi & fusi nuclei excurrunt in alam undique latam membranaceam magisque pallentem, & alias tres similes in dorso gerunt minutias. Floret Julio. Semina Septembri maturescunt. Crescit inter frutices demissos, super quibus umbellæ eminent; rarius procul ab illis. Culta multo ramosior evadit. Ad latus sistuntur radius cum involucro partiali, & semen utrinque visum; dein hujus aucti transversim discissa facies, auctusque flos.

TABULA DECIMA SEPTIMA.

LYCOPERDON CANCELLOM.

Copiosissime hunc fungum in solius hucusque pyri foliorum aversa parte, rarissime ipsis in petiolis, crescentem quotannis vidi in ipsa non minus urbe quam in pagis vicinis. Julio mense macula ex flavo aurantioque varia folium inficit, utrinque conspicienda. Au-



gusti initio in dorso folii ex disco dictæ maculæ elevari incipit ad lineæ plus minus crassitatem substantia carnosa, intus albida, foris ferruginea, superficie in varios veluti colliculos distincta. Tunc ex fundo substantiae per cuiuslibet colliculi apicem penetrat conus, qui sensim magis magisque attollitur ad sesquilineæ altitudinem, tandem figuræ ovatae vel ovalis, & constans meritis cancellis pallidis tenuissimis superne in eundem solidum apicem confluentibus, intus hinc inanis. Eo etiam tempore colliculi extremitas, cancellis comprehensa, patefit, fossæque in ipsa substantia latitantis introitum pandit, pulvere minutissimo ferrugineo refertæ, qualis in Lycoperdis esse solet. Lente diversimode autem hi fungi in figuris ad latus adjectis, quarum altera abscisso in duobus fungis cancellos habet, modo narrata evidentiora reddunt. Synonymum hujus fungi non reperio.

TABULA DECIMA OCTAVA.

CARDUUS MOLLIS. *Linn. Syst. pag. 529. amoen. acad. 4. pag. 328. Jacq. enum. Vind. pag. 276.*

Carduus mollior primus. Clus. hist. CL.

Carduus mollis, laciniato folio. Baub. pin. 377.

Cirsium molle. Scop. carn. 2. pag. 126.

Tota planta moschum valide olet, eodemque odore inquinat manum contrectantis. Colles amat asperos tenuique gramine vestitos. Floret Majo & Junio. Radix teres, semipedalis vel longior, fibrillis aucta, rarius in crura divisa, extus fuscescens, intus albida, saporis amaricantis, & perennans, quotannis aut unicum caulem, aut biceps binos, rarissime plures profert, pedales aut tripedales, erectos, calamum crassos, aut virentes, aut purpurascentes totos, striatos, villosos, medulla alba farctos, superne per pedalem saepe longitudinem nudos, aut uno altero dumtaxat minimo foliolo vestitos, apice florrem semper unicum semperque erectum sustinentes, ex axillis foliorum inferiorum rarius auctos ramulo uno altero similiter floriero, qui tunc altius tanquam caulis succedaneus elevari solet, quando verus caulis quocunque casu interiit. Folia sunt pinnatifida, ad costam fere usque dissecta, facie scabra & virentia, dorso incana, partim sessilia, partim decurrentia: laciniis oblongis, angustis, ad marginem undulatis & revolutis, inermibus, denticulatis vel integris. Folia in plantis nanis aliqua aut omnia plerumque sunt lanceolata & integerrima. Idem evenire solet in caulis succedaneis, cuiusmodi aliquem ad latus depingi curavi. Calyx basi valde planus & amplius ex squamis componitur numerosis lanceolatis, dehinc tibis in spinam innocuam, quarum exteriores quidem pallide virent, connectuntur ope villi arachnoidei, & reflectuntur extremitatibus suis ita, ut inferiores ultra calycis basin propendeant; interiores autem purpurascunt, nitent & eriguntur. Collae, antheræ & styli saturata purpura tinguntur. Pollen albet. Semina rugosa & angulata coronantur pappo obscure plumoso, & receptaculo piloso insident.

TABULA DECIMA NONA.

VIOLA MIRABILIS. *Linn. Syst. pag. 585. it. aeland. edit. germ. pag. 92.*

Viola montana latifolia, flores e radice, semina in cacumine ferens. Dill. elib. 408. tab. 303. f. 390.

Viola alpina, apetalos, foliis rigidis, rotundis, amplis. Rupp. jen. 289.

Radix fibrosa & perennis ætate multiceps evadit, plurimosque caules producit. Cæterum nec flagella emittere, nec repere videtur. Ut ex radice caules florigeri fructiferique, ita etiam una pedunculi uniflori & folia egrediuntur. Sunt hæc omnia ex sub-

rotundo cordata, baseos lobis magis conniventibus plerumque cucullata, leviter obtuseque serrata. Petioli, pedunculi & caules sunt acute triangulati ac subvilloso. Foliorum paginæ utrinque glabræ. Stipulæ ad foliorum caulinorum exortum adstant lanceolatæ, acutæ & integræ. Hujusmodi minores etiam pedunculi habent. Flores vix odori sunt, nec omnes sibi similes. Radicales petalis gaudent, aut albidis aut ex purpureo cæruleoscensibus, quorum infimum purpureis semper insignitum striis vidi. At vero floribus caulinis petala adsunt nulla. Cum in his, tum in illis, inveni antheras polliniferas & germina rudimento semen referta. Sunt tamen flores radicales petaloidei steriles omnes; apetaloidei caulinis ex adverso fertiles. In stylo discriminem constans animadvertis. Fertilium stylus brevior versus germen circulari incurvatione reddit. Sterilium stylus ad egressum de germine angustatus inflebitur, ut saepe emarcidus in inflexionis loco videatur. Inde adscendit, apiceque denuo incurvatur. Ex figuris microscopio auctorum germinum diversitas appetatur. Summo folio flos fertilis incumbit. Rarius etiam petalis instructum florem fertilem caulinum vidi. Steriles florent solo initio Aprilis. Fertiles ab eodem tempore ad finem Maji usque. Junio dat matura semina, ovata, nitida & fuscescentia. Crescit in montibus sylvaticis.

TABULA VIGESIMA.

CYTISUS SUPINUS. Linn. spec. pl. 6. β. pag. 1042. Scop. carn. 2. pag. 70.

Crantz. fasc. pag. 398.

Cytisus septimus. Chuf. hist. 96.

Cytisus quintus Clusii putatus. Besl. hort. eyst. vern. arb. fol. 10. fig. 3.

Cytisus supinus, foliis incana lanugine inferne pubescentibus. Baub. pin. 390.

Planta hæc frequens reperitur in Austriae & Hungariæ conterminæ gramineis montosis, cum asperis saxosis, & apricis, tum aliis. Caules procumbunt ferme toti, teretes, fusi, & parum divisi, qui in solo pinguiori inter gramina protenduntur longius, ad duos interdum pedes. Extremam partem dense obsident folia & flores, prodeuntque una ex gemmis patulis, quæ formantur a foliolis aliquot floralibus sive bracteis subovatis simplicibusque. Caules longiores ad pedalem longitudinem saepe floribus decorantur. Ex quilibet gemma flores ut plurimum gemini prodeunt, etiam singulares, rarius terni aut plures, breviter pedunculati. Rami juniores, petioli, pedunculi, & folia imprimis subtus, vestiuntur villis mollibus & albicantibus, brevibus saepe & vix conspicuis. Calyx tubulosus, pallidus, & hirsutus, ore hiat bilabiato; labio inferiori integerrimo, superiore breviter bifido, cæterum longitudine æqualibus. Corollæ luteæ vexillum est subrotundum, amplum, emarginatum, alis longius, ungue canaliculato. Filamenta omnia coalescunt in unum corpus. Flores ante marcescentiam rufo tingi colore solent, erexit semper omnes cælumque spectantes. In legumine oblongo, valde compresso, fusco, recto & piloso continentur semina plura nitida & fusca. Floret Mayo, etiam sub finem Aprilis, & Junio elabente semina perficit. Culta in horto pubescit multo magis; ætate fruticosior evadit, ramosissima diffusissimaque; truncos acquirit diametri sesquipollicaris ligneos; aspergit in fruticem altum quatuor, octo diametro pedes æquantem; cujus rami longi numerosi & patuli extorsum recurvantur, floribusque ereditis toti dense onerati elegans tunc temporis spectaculum præbent. Solet etiam sylvestris æque ac culta per subsequam æstatem florem unum alterumve proferre. Inferne separatim exhibentur legumen, calyx, & semen.



TABULA VIGESIMA PRIMA.

CYTISUS AUSTRIACUS. *Linn. syst. pag. 489. Crantz. fasc. pag. 396.*

Cytisus floribus capitatis; foliolis ovato-oblongis; caule fruticoso. Mill. ic. t. 117.f.2.

Cytisus quintus. Clus. hist. pag. 95.

Cytisus incanus folio oblongo austriacus. Baub. pin. 390.

Radix lignosa & perennis plures caules annuatim emittit semipedales aut sesquipedales teretes, incanos, suberectos, simplices aut ramosos. Foliola sunt ex angusto obverse lanceolata, interdum magis oblonga, setula mucronata, pallide virentia, propter villos molles albosque utramque paginam obducentes visa magis incana. Petioli antice plani villoso etiam sunt. Caules & rami terminantur foliis aliquot, quæ in capitulum colligunt flores breviter pedunculatos & subodoratos. Ad calycis basin bractea adstat lanceolata una alterave. Ipse calyx tubulosus & cum pallore magis minusve flavescens pubescit, ad oram divisus in labium superius emarginatum, & in inferius lanceolatum acuminateum indivisum & superne connivens. Corollæ luteæ vexillum amplum & emarginatum dorso pubescit. Obtusa etiam pubescit carina margine toto, præterquam ubi superne vexillum respicit. Filamenta in unum sunt coalita corpus. Legumen pilis mollibus est hirsutum. Floret Julio & Augusto. Semina maturescunt Septembri. Crescit in asperis herbidis apricis Austriæ & Hungariæ. Depicta seorsim adstant caulis fructigeri extremitas, semen, calyx, vexillum, ala, carina cum staminibus, & folium ex alio individuo angustius.

TABULA VIGESIMA SECUNDA.

ERYSIMUM REPANDUM. *Linn. syst. pag. 441. Amæn. acad. 3. pag. 415.*

Erysimum ramosissimum. Crantz. fasc. pag. 29.

Radix annua & albicans emittit caulem unicum, angulosum, erectiusculum, nunc fere simplicem, nunc valde ramosum. Rami patentes producuntur in racemos fructigeros longissimos & raros, siliquis etiam longissimis patentissimisque onustos, quo fit, ut ramosiorem planta habitum nanciscatur, quam ipsa re habet. Folia ex angusto lanceolata, argute & repando-dentata, ad tactum scabriuscula, aut sunt undulata aut plana. Flores in racemo quolibet unus alterve dumtaxat simul explicantur, petalis donati luteis, inodori & parvi. Siliquæ pedunculis brevibus insident, suntque tetragonæ, glabræ, obtuse, incurvatae aut rectæ. Plantæ varia altitudo est a semipede ad duos, etiam ad tres in culis pedes. Si magis pumila est, tunc uno altero gaudere ramulo solet. Tabula exhibet adolescentem plantam, ramosiorem ætate evasuram. Floret imprimis a Maji initio ad Junii finem. Frequens crescit in arvis, aggeribus, inter segetes, & alibi.

TABULA VIGESIMA TERTIA.

ERYSIMUM CHEIRANTHOIDES. *Linn. syst. pag. 441. Hall. hist. helv. num. 477.*

Gerard. prov. pag. 363.

Camelina, Myagrum alterum, Thlaspi effigie. Lob. ic. 225.

Myagrum siliqua longa. Baub. pin. 109.

Myagrum secundum Lobelii. Tabern. part. 2. pag. 538.

Myagro affinis planta, siliquis longis. Baub. hist. 2. pag. 894.

Turritis Leucoi folio. Tourn. inst. 224.

Radix annua, fibrosa, albida, & amaricans, emittit caulem unicum, basi interdum versus terram incurvatum, cæterum stricte erectum, subasperum, inferne foliis delapsis nudatum & obscure purpurascens, angulatum, unum alterumve pedem altum. Folia inordinate alternantia, omnino numerosa, ex angusto lanceolata, basi attenuata, acuta, sordide virentia & subaspera, sunt summa integerima, reliqua rariter denticulata. Primi flores ex caulis adhucdum simplicis extremitate prodeunt. Elongato corymbo, rami ex summorum, tum ex subsequentium aliquot foliorum alis, successive enascuntur foliosi eretti & simplicissimi, ita ut in planta culta sæpe tot sint rami, quot folia in caule, quorum tamen inferiores raro flores ferunt. Flores inodori & parvi calycem habent dilute flaventem, petala lutea & oblonga, stigma capitatum integrum & vix bicolle. Siliquæ tetragonæ & patulæ sunt. Floret Junio & Julio. Semina maturescunt Augusto. Crescit in cultis, ruderatis & campestribus.

TABULA VIGESIMA QUARTA.

NEPETA NUDA. *Linn. syst. pag. 390.*

Mentha cataria hispanica, olim sideritis altissima, flore albo. *Baub. hist. 3. pag. 226.*

Radix fibrosa & lignea perennat. Caules anni, tetragoni & glabriusculi eriguntur; geniculorum margine parum incrassato; bipedales & ex ramis tandem paniculati. Folia brevibus petiolis innituntur oblonga, facie glabra, subtus sæpe ad nervos majores pubescentia, obtuse serrata, venosa, pallide sordideque virentia, caulina inferiora ad basin cordata. Rami eretti terminantur in spicas raras, compositas ex pedunculis multifloris & verticillatim locatis. Calycis pubescentis denticuli sunt æquales. Corollæ albæ labium superius est semibifidum. Tota planta odorem spirat gravem. Crescit rarius in locis asperis. Floret Junio & Julio.

TABULA VIGESIMA QUINTA.

PA PAVER DUBIUM. *Linn. syst. pag. 360.*

Papaver foliis hispidis pinnatis, pinnis lobatis, fructu ovato laevi. Hall. hist. helv. num. 1065.

Papaver erraticum, capite longissimo glabro. Tourn. inst. 238. Hall. Rupp. jen. p. 71.

Argemone capitulo longiore glabro. Moris hist. 2. p. 279. s. 3. t. 14. f. 11.

In magna stat affinitate cum Papavere Rhœade, a quo tamen constante differt propagatio-
ne. Duabus imprimis notis discrimen absolvitur. In Papavere dubio setæ duriores pedunculis perpetuo adpressæ accumbunt, ut, nisi oculo proxime admoto, sæpe non appearant; inferne in caule ramisque magis patulæ sunt; in Rhœade autem molliores patent omnes. Dubium capsulas profert oblongas, quæ decem longitudine lineas dum æquant, in diametro crassiore tres easdem superant rarissime. Rhœados vero capsulis, multo magis subrotundis aut obverse ovatis, etiam angustissimæ quum sunt, ad crassitatem dupla ad summum longitudo est, plerumque multo minor. Addi pro discrimine possent folia in Papavere dubio ut plurimum tenuius incisa, & petala alba. Vidi tamen etiam in cultis pauciflisis individuis petala rubra, quæ Hallerus in suis plantis minus conspicue rubra afferit. Et ipsum Papaver Rhœas, in faxosis macrisque locis alimento privatum, staturam hinc nam naustum, caulem unico vel pauciflisis floribus albis, nec rubris, præditum non raro inveni; ut itaque color nihil certi hic indicet. Cæterum in dubio calyx est hirsutus, caulis ramosus, capsula semper glaberrima, & petala apud nos ut plurimum alba cum macu-



la atropurpurea ad unguem, interdum ex integro deficiente. A Papavere Argemone Linnaei diversissima planta est; pumila stirpe capsularum tenuitate, etiamsi in his pili hirti, ut interdum sit, plane deficerent, facile se indicante. Floret Junio. Crescit in agris.

TABULA VIGESIMA SEXTA.

MELITTIS MELISSOPHYLLUM. Linn. *syst. pag. 402. Scop. carn. 1.*
pag. 421. Crantz. fasc. pag. 285.

Melissophyllum. Hall. hist. helv. num. 244. Riv. mon. irr. tab. 21.

Melissa nostras. Camer. hort. pag. 99. tab. 30. Besl. Eyst. vern. O. 6. fol. 7. f. 3.

Lamium pannonicum primum. Clus. hist. XXXVI.

Lamium montanum, Melissæ folio. Baub. pin. 231.

Ex radice perenni quotannis plures caules enascuntur recti, hirsuti, foliis floribusque onusti. Illa ovata sunt, petiolata, dentato-serrata cum denticulorum apicibus fuscis, villosiuscula & rugosa. Flores pedunculati aggregatim plures insident axillis foliorum. Calyx pubescit, uti etiam corollæ labium superius externe dorsumque. Illius labia sunt ferme æqualia longitudine, incisione inconstantia, ut superius sit aut integerrimum, aut bifidum, aut tantummodo crenulatum, etiam tridentatum. Labium inferius etiam quandoque denticulis lateralibus augetur. Corollæ ex purpureo alboque variæ sunt, nunc saturati coloratæ, nunc dilutius, saepe etiam totæ niveæ. Antheræ didymæ, fereque geminæ, conniventes circa stylum, & sic mutuo occurrentes, antheras mentiuntur crucias; quod non minus pluribus aliis ex hac classe floribus solemne est. Tota planta odore prædicta est ingrato & forti. Floret Majo & Junio. Crescit ad margines sylvarum, & in fruticosis. Jam rete celeberrimus Hallerus monuit, Milleri sub hoc titulo datam iconem ad nostram hanc Helveticamque plantam haud pertinere; quam potius Lamii quandam speciem repræsentare existimo.

TABULA VIGESIMA SEPTIMA.

CARDAMINE TRIFOLIA. Linn. *syst. pag. 439. Hall. hist. helv. num. 475.*
Scop. carn. 2. pag. 20. Crantz. fasc. pag. 43. Lob. ic. 211.

Cardamine alpina prima trifolia. Clus. hist. CXVII.

Nasturtium alpinum trifolium. Baub. pin. 104.

Umbrosa loca incolit, crescitque haud infrequens in sylvis, per quas adscenditur ad alpes, ubi Junio floret, & semina Augusto perficit. Tota glabra est. Radix teres & fibrosa perennat. Ex hac caulinus unus alterve, per summam procedens tellurem egreditur, paulatim elongatur, & folia profert veluti radicalia pauca, inter quæ caulis florifer adscendit, aut nudus, aut folio unico versus summam partem instruetus, cæterum teres erectus foliisque ut plurimum altior. Folia ternata longis petiolis innituntur. Foliola sunt subrotunda cum basi parumper angustata, ferme sessilia, inæqualiter crenata aut repanda, per omnem ambitum denticulis minimis, vix oculo, at digito facilius observandis, ferrulata, una cum petiolis in aversa parte plerumque purpurascensibus aut totis aut tantum in venis. Caulis terminatur corymbo florum subumbellato. Rarius in caulinis folioli axilla etiam pedunculus pauciflorus conspicitur. Calycis foliola virescentia valde concava sunt, orasque habent tenuiores & albidas. Petala sunt nivea & ad margines undulata. Antheræ pallide flavescunt. Siliquæ patent. Culta floret Aprili & Majo, & evadit cespitosa.



TABULA VIGESIMA OCTAVA.

PIMPINELLA PUMILA. *Linn. mant. pag. 327. Jacq. enum. vind. pag. 227.*
Seseli petiolis ramiferis membranaceis, oblongis, integris; foliolis linearibus, sulcatis, petioli longitudine. *Gerard. prov. pag. 253.*

Apium pumilum. *Crantz. fasc. 213.*

Selinum montanum pumilum. *Clus. hist. CC.*

Selinum montanum pumilum Clusii, foliis fæniculi aut peucedani, flore albo, semine felini. *Baub. hist. 3. part. 2. pag. 17.*

Tragoselinum caule crasso, sulcato, divaricato, foliis multifidis capillaribus. *Hall. hist. helv. num. 788.*

Oreoselinum tertium. *Tabern. herb. part. I. pag. 343.*

Fæniculum minimum patulum. *Tourn. inst. 312. Seg. ver. 2. pag. 18.*

Daucus montanus multifido folio, felini semine. *Baub. pin. 150.*

Saxifraga montana minor, foliis peucedani. *Moris. hist. 3. pag. 274.*

Tota planta glabra est. Radix magis minusve napiformis, extus nigricans, intus alba, fibris capillata, quæ foliorum elapsi autumni reliquiæ sunt, caulem profert unicum, & post fructus maturitatem perit. Caulis est exquisite angulatus, striatus, erectus, ramosissimus, viridis aut purpurascens aut rubens, in siccioribus sesquipollicaris vel tri-pollicaris, in pratenis lætioribus etiam pedalis vel altior. Folia, quæ oriuntur ex petiolo in membranam amplam integrum concavam & foris purpurascem expando, sunt subbipinnata; foliolis linearibus, crassis, antice sulcatis, ternis vel binis insidentibus petiolo communi ejusdem longitudinis. Involucrum reperio nullum. Aliæ plantæ fertiles sunt, steriles aliæ. Fertiles magis patulæ sunt, minus ramosæ, & plerumque virent saturati. Umbellæ ratione plantæ, imprimis in sterilibus, sunt admodum numerosæ, ut hinc totæ paniculatæ evadant, occultenturque non raro a propriis floribus. Absque ordine certo locantur; modo, ut fieri alias solet, radiis compositæ communibus propriisque; modo radiis communibus destitutæ; in majoribus individuis etiam verticillatæ. Plantæ steriles producunt meros masculos flores; fertiles autem solos hermaphroditos. In utrisque calycis foliola sunt minima & subrotunda. Petala sunt oblonga, obtusa, facie cum levissimo virore albida, dorso aut virescentia aut purpurascencia, in principio patentissima cum apicibus conniventibus, postea magis incurvata contractaque. Filamenta patula gerunt antheras sulphureas. Maribus totum pistillum deest, ut corolla pedunculo sive radio, nec germini, insideat. Est tamen, germinis adinstar superi, intra medium corollam caput illud subbifidum, quod germinum seminumque nedum maturorum verticem coronare in umbelliferis suevit. Hermaphroditis est germen inferum, subrotundum, leviter compressum, stylis præditum geminis. Fructus sequitur subrotundus, obtusus, glaber, plerumque decemfalcatus, stylis nigris & emarcidis instructus, bipartibilis in semina hinc convexa & quadrifalcata cum angulis obtusissimis, illinc plana. In tabula figura altera plantam exhibit masculam florentem. Altera fructescem hermaphroditam. Quas inter lente auctus adstat flos hermaphroditus, germine separato deorsumque semito, ut melius conspicere queat. Et semen quoque auctum utrinque proponitur. Crescit in collibus & montosis herbidis, tum etiam in pratis demissis. Floret Majo. Semina maturescunt Julio. Ex specimine sicco, a clarissimo Jacobo Dick ex Helvetia misso, judicavi, Hallerianum synonymum huc pertinere.

TABULA VIGESIMA NONA.

TRAGOPOGON MAJOR.



Primo anno sola folia radicalia profert, altero caulem, eodemque post peracta semina biennis perit. Tota lactescit. Radix ex tenui fusiformis albicat. Folia ex glauco virentia & striata ex basi lanceolata ensiformia evadunt, nervo dorsali plerumque carinato. In alis ut plurimum exigua portio lanx albidæ habetur, quæ tracto deorsum folio in conspectum prodit. Caulis & rami teretes, erecti, nitidi, & inanes, superne in pedunculos valde incrassantur. Calyx constat foliolis fere tredecim acuminatis, petalis ad unam tertiam partem semper longior. Corollæ striatæ flavent. Antheræ fuscescunt. Semina aspera pappum habent album. Floret Junio & Julio. Crescit ad margines sylvarum, ad vias, & alibi. A Tragopogone pratensi judico specie distinctum. Si non est, mereatur varietas adnotari. Pedunculus cum calyce fructigero nedum expanso sistitur ad marginem.

TABULA TRIGESIMA.

LORANTHUS EUROPÆUS. Linn. syst. pag. 252. Jacq. enum. Vindob. pag. 230. t b. 3.

Planta fruticosa, tota dichotoma, ramosissima, diffusa, quadripedalis sœpe, & glabra, quercum solarum ramis æque inferioribus atque summis parasitica innascitur; in Austria non tantum, sed etiam in Hungaria atque Moravia a me observata. Trunci, diametro interdum unciam superantis, basis loco radicis est. Cortex fuscus, æqualis, crassus, tuberculis a foliis delapsis magis minusve notatus, sapore præditus leviter adstringente, & aquam imaceratione inficiens colore rubiginoso, materiem circumdat ligneam, subalbidam, fragilem. Rami ad angulum recto paulo minorem exoriuntur, teretes; extreimi virides, nitidi, foliosi, in summitate compressi. Dichotomia fit per articulationem, quæ veluti ginglymi est species; unde ad nodos ortumque ramorum circuli apparent. Hæc articulatio in ramis non admodum adultis sponte solvit in putata planta, adeo ut ramuli post paucos dies articulatim decidant. Folia sunt oblonga, basi in petiolum brevem attenuata, obtusa, integerrima vel emarginata & obsolete repanda, ad tactum pinguiscula, mediocriter crassa, opposita, post maturum fructum decidua. Ex apice ramorum ferme omnium racemus exit simplex, solitarius, a sex ad duodecim flores oppositos sessiles gerens. Ad racemi tandem delapsi utrumque latus gemma prodit fusca & bivalvis, e qua emergunt duo folia, reliquis multo mansura minora, inter quæ exit novus ramulus, in decursu duobus tribus vel unico foliorum pari ornatus. Flores, lenissima suaveolentia prædicti, cum aliqua flavedine virent, in aliis individuis meri steriles, in aliis omnes fertiles. Illi charactere gaudent sequenti. Perianthium est margo parvus, obsolete sexdentatus, coronans germen; quod etiam squamulæ insidet propriæ. Petala sunt sex, rarissime quatuor vel quinque propter quorundam coalitionem, aut etiam septem lanceolata, acutiuscula, parum concava, patentissima, germini imposita. Filamenta sex, rarissime pauciora aut plura, subulata, crassa, patentia, inseruntur ad basin petalarum, iisdem breviora. Antheræ crassæ, obtusæ, erectæ, subgeminæ, partem habent exteriorem altiorem & majorem. Germen turbinatum & inferum emitte stylum subulatum, erectum, longitudinis diversæ, stigmate conspicuo nullo donatum. Pericarpium abortat. Fertilibus floribus calyx est, ut in sterili, initio persistens, tandem disparens. Petala sunt sex, oblonga, obtusa, patentia, germini imposta, decidua. Filamenta sex, tenuia; quoad reliqua, uti in sterili, sed antheris plane destituta. Pistilli etiam similis, sed longioris, stigma est obtusum & subcapitatum. Fructus, initio teres, paulatim valde evadit pyriformis, viretque: demum sub Octobris finem transit in baccam flaventem, nitidam & unilocularem; figuramque adipiscitur magis subrotundam, basi ipsa veluti in pedicellum attenuatam. Stylus emarginatus persistit, vel delapsus puncto nigricante verticem notat. Fructus tunc mollescunt, glutine spissæ albido pleni, in quo nidulatur semen so-

litarium, subovatum, foris fuscens, intus virens, basi album, cuius apex sordide flavescens radicis futuræ novæ plantulæ est rudimentum. In tabula sistuntur in vera magnitudine ramus plantæ fertilis; extremitas ramuli plantæ sterilis; racemus fructiger matus; semen; & trunci pars discissa. Autem exhibentur hinc flos sterilis & inde flos fertilis; tum utriusque pistillum & petalum staminiferum. Floret Aprili & Majo.

TABULA TRIGESIMA PRIMA.

LINUM HIRSUTUM. *Linn. syst. pag. 224.*

Linum sylvestre latifolium primum. Clus. hist. 316.

Linum sylvestre latifolium hirsutum cæruleum. Bauh. pin. 214. Moris. hist. 2. pag. 573. s. 5. t. 26. f. 5.

Radix lignosa & multiceps perennat. Caules teretes, simplices, hirsuti, pedales vel bipedales, inferne saepe glabri, totique foliosi, eriguntur; abeentes in ramos floriferos corymbosos. Folia sunt lanceolata aut ovata, acuminata, sessilia, alternantia, in summis tamen ramis opposita aliqua, margine imprimis nervisque dorsalibus pilosa, quandoque etiam ferme glabra. Flores brevissime pedunculati, non ipsis de alis foliorum, sed paulo exaeunt altius, tum ex ramorum quoque divisione. Calycis hirsuti foliola sunt lanceolata, acuminata, & corolla duplo breviora. Petala cærulea & lineata, marginibus inferne, nec tamen ipsa basi, sibi mutuo firmiter incumbentia, mentiuntur, etiam delapsa, corollam monopetalam infundibuliformem. Antheræ pallent. Rudimenta steriliū staminum observare nulla potui. Germen est hirsutum. Stylos numeravi quinos. Capsula est subrotunda, glabra, decemlocularis & quinquevalvis. Non fui itaque ausus citare in synonymia *Linum hirsutum clarissimi Scopoli*, qui suæ plantæ stylos quatuor & capsulam quadrilocularem adscribit. Crescit in asperis editis locis. Floret Julio. Eadem mihi videtur hæc planta cum *Lino sylvestri latifolio secundo Clusii*, cuius, quæ habeo, specimen nullo modo ab ejusdem primo distinguere valeo. Nec floris obest color, quum etiam in nostratis individuis aut intenditur ille, aut in albedinem vergit proprius. A *Lino sylvestri Floræ Carniolicæ*, quod idem esse opinor cum *Linnæi Lino viscoso*, manifeste & facillime distinguitur pilis in margine foliorum, uti in eorundem disco, simplicissimis; nec, (cujusmodi illos margo foliorum *Lini sylvestris*, non ipse discus, habet,) apice capitato-glandulosis, primo id observante laudati modo operis clarissimo autore. Folia nostræ plantæ nunc manifestius trinervia sunt, nunc obscure, ut nervi ægre appareant.

TABULA TRIGESIMA SECUNDA.

ERICA CARNEA. *Linn. syst. pag. 270. mant. 373. Scop. carn. 1. pag. 275.*

Erica foliis patentibus, quaternis, acutis, caducis; corollis calyce longioribus; antheris eminentibus. Hall. hist. helv. num. 1013.

Erica Coris folio nona. Clus. hist. 44.

Erica procumbens ternis foliis carnea. Bauh. pin. 486.

Erica herbacea. Linn. syst. pag. 270.

Erica coris folio octava. Clus. hist. 44.

Erica procumbens herbacea. Bauh. pin. 486.

Elegans & tota glabra densum interdum format fruticum, radice instrueta digitum crassa lignosaque, qualem in rupibus præruptis ad ripas sylvaticas torrentum inveni. Sæpe tamen ipsis in sylvis montosis umbrosisque unus alterve caulinus totam plantam ab-



solvit. Folia brevissime petiolata, linearia, acuminata, patentissima, summa magis adscendentia, crassiuscula, antice plana, subtus exiguo sulco exarata, quaterna ut plurimum verticillatim ramis lenti innascuntur. Pedunculi uniflori solitarii & breves in caulis extremis dense locantur. Flores clausi virentesque jam autumno prodeunt, integrum sic hyemem peragentes, & subsequis Aprili atque Majo demum colorantur seseque explicant, toti tunc carni sensimque saturatores, antheris etiam tunc tandem exsertis. Clusum secutus autoptam, Linnæus hanc stirpem bis proposuerat, Hallerus primus docuit eandem, diversa ætate spectatam. Calyx petalo ovato ad unam tertiam partem est brevior. Antheræ bifidæ & nigræ extra corollam prominent. In margine tabulæ aucta adstant calyx, corolla, stamen, folia, foliumque transversim discissum.

TABULA TRIGESIMA TERTIA.

CYTISUS CAPITATUS. Scop. carn. 2. pag. 70.

Cytisus hirsutus. Crantz. fasc. pag. 398.

Cytisi septimi species altera. Clus. hist. 97.

Cytisus supinus foliis inferne & siliquis molli hirsutie pubescentibus. Baub. pin. 390.

β *Cytisi quinti species altera.* Clus. hist. 96.

Cytisus hirsutus major, foliis pinnatis. Baub. pin. 390.

Cytisus, septimo Clusii similis. Besl. hort. Eyft. vern. arb. fol. 11. fig. 2.

Difficillima Cytiforum Austriacorum synonymia erroribus Botanicis ansam pluribus det. Colui in horto erutos sylvestres cum obviis varietatibus, & forte nunc cum certitudine majore pronunciare de illis possum. Depingi curavi sylvestres, & quidem illo habitu, quo occurrere solent frequentius. Nec multum variare in solo natali Cytisos supinum atque austriacum vidi, nec hunc quidem cultum. Eo autem magis iudit Cytisus hicce capitatus, cuius notabilem varietatem, ad margines sylvarum rarius crescentem, valde ramosam, & ad quam referri posse existimo synonyma sub β citata, fortasse postea depictam exhibebo una cum varietate speciosa culti Cytisi supini. Dum Cytisi supini legumina ad maturitatem jam properant, incipit medio Junio florere Cytisus capitatus, Cytiso austriaco paulo præcocior. In capitato ex radice lignosa, digitum saepe crassa, caules oriuntur plures, fruticulosi, glabri, persistentes, procumbentes, a dimidio pede ad sesquipedem longi, aphylli & lignosi; ex quibus enascuntur rami erecti, herbacei, foliosi teretes, simplices plerumque, hirsuti, dilute virentes & annui. Folia ternata, facie viridia & ferme glabra, dorso & margine hirsuta magisque pallentia, petiolis insistunt pilosis. Foliola sunt obverse ovata & obtusa cum nervo medio in setulam ut plurimum producto. Ramos terminant folia duo opposita, aut etiam frondose plura, inter quæ ex ipsa rami summitate exoritur florum breviter pedunculatorum numero incerto capitulum sive umbella aliqua, saepe densa & elegans. Sub hac ex axillis modo dictorum foliorum tandem egredi quandoque videimus ramulos solitarios breves & ipsos post mensem suis floribus onerandos. Nulli autem per virgas sparsi flores, ut in Cytiso supino, jam monente Clusio, conspicuntur. Ab austriaco capitatus discriminatur foliis haud adeo incanis, iisque multo latioribus, & caulis ipsis non ita erectis. Cum utroque flore convenit. Calyx aut pallide cum virore aliquo aut magis saturate flavet, superne etiam simul purpurascens, ad basin stipula anguste lanceolata fulcitur, pilis mollibus albisque hirsutus est, & tubo gaudet bilabiato; labio superiore bifide emarginato latissimo, inferiori bidentato. Corolla lutea cum vexillo ampliori, qualis in austriaco, ætate rufum colorem induit. Filamenta omnia in unum corpus coalescant. Legumen oblongum, acutum, compressum, nigrum, pilis mollibus albidis longisque vestitum, semina continet octo vel pauciora, nitidissima, pallide fusca, subovata vel magis subrotunda, & parum compressa. Crescit in

mon-

montosis sylvaticis, in herbidis apricis, ad margines sylvarum, aliisque in locis. Adest in tabulæ margine summitas caulis fructigeri; tum semen.

TABULA TRIGESIMA QUARTA.

VICIA PANNONICA. *Crantz. fasc. 393.*

Vicia sylvestris albo flore. Clus. hist. CCXXXV.

Vicia sylvestris hirsuta, siliqua incana. Baub. pin. 345.

Pro Viciæ luteæ varietate hanc olim habueram. Comparatam nunc cum Vicia lutea hybridaque, quarum specimina plura, cum culta, tum sylvestria examinavi, vere diversam invenio, adeo quidem ut vel primo intuitu facilime distingui queant. Pannonica hæc a duabus memoratis discriminatur pedunculis bifloris aut trifloris omnibus, ut rarissime uniflori occurrant, quales ex adverso in lutea hybridaque video adesse perpetuo, dum nec in horto nostro cultura hic quidquam mutavit. Differt etiam ab iisdem integritate constante omnium stipularum. Foliis ab hybrida saepe neutram dignoscitur. Reliqua discrimina ad Horti Vindobonensis tabulam centesimam & quadragesimam sextam propnuntur. Nostræ plantæ radix fibrosa perennat, & plerumque est multiceps. Inter segetes caules bipedales eriguntur, firmati claviculis ad segetum culmos, cuiusmodi caulis depictus sistitur. In arvis restilibus & pratensibus siccioribus, ubi notabili interdum copia crescentem vidi, breviores magnam partem procumbunt, tandemque adscendunt, hic ut plurimum pilosiores. Sunt vero caules angulati, pubescentes aut glabriuscui, simplices vel ramosi. Foliorum costa desinit in claviculam, saepe purpurascem, & utrinque locat foliola septem, octo vel novem, crebrius alternantia quam opposita, oblonga aut elliptica, utrinque pilis sericeis magis minusve dense vestita, aut obtusa integraque, aut retusa, semper cum nervo medio in setulam eminentem. Stipulae integerrimæ, lanceolatae, & acuminatae, subtus notari solent macula fusca, rarissime desiderata. Ex pedunculis communibus brevissimis flores bini vel terni propendent. Quadrifloros tamen etiam vidi, uniflorosque, sed valde infrequentes. Calycis hirsuti & ochroleuci aut pallentis cum suffusa rubidine dentes sunt setacei. Corollæ albidae vexillum dorso hirsutum & fuscescens, antice per venas fuscis variegatum, latera habet reflexa, & unguem amplum & canaliculatum. Carina inferne pallet cum virore, superne magis sordet. Stamina sunt in unum corpus coalita. Legumina oblonga, acuminata, nigricantia pilisque vestita albidis continent semina quinque vel pauciora, subrotunda, ex atro fusca cum hilo cinereo. Floret imprimis Junio. Semina Julio maturescunt.

TABULA TRIGESIMA QUINTA.

SCORZONERA PURPUREA. *Linn. syst. pag. 519. Scop. carn. 2. pag. 96. tab. 46.*

Scorzonera caule ramoso tereti, foliis linearibus acuminatis, calycibus obtusiusculis. *Gmel. fib. 2. pag. 7. t. 2.*

Scorzonera angustifolia elatior pannonica quarta. *Clus. hist. CXXXIX.*

Scorzonera angustifolia subcærulea. *Baub. pin. 275.*

Scorzonera sylvestris, foliis angustis, flore cæruleo. *Menz. pug. t. 1. f. 1.*

Radix foris nigricans, intus albida, in caput setosum abit, ex quo caulis assurgit fespipedalis, tenuis, teres, glaber, foliosus, parum ramosus. Folia sunt linearia, acuta, integerrima, glabra, connivendo canaliculata, rarissime plana. Calycum squamæ



infimæ sunt acutæ, reliquæ obtusiores. Corollæ petala apice angustantur, ut hinc denti-culi vix appareant. Colorem habent ex cœruleo dilutissime purpurascentem. Odorem spirant lenem gratumque, quem Clusius comparat pastillis e Benzoino confectis. Tota planta laetè glutinoso turget. Crescit in pratenisibus montanis. Floret Aprili & Majo.

TABULA TRIGESIMA SEXTA.

SCORZONERA HUMILIS. Linn. syst. pag. 519. Scop. carn. 2. pag. 95.

Scorzonera caule nudo, unifloro; foliis lanceolatis. Hall. hist. num. 10.

Scorzonera humilis latifolia pannonica. Clus. hist. CXXXVIII.

Scorzonera humilis latifolia nervosa. Baub. pin. 275.

Ex radice longa, calatum vel etiam pollicem crassa, & perennante, caulis exsurgit unus alterve palmaris aut pedalis, florem sustinens unicum, foliis brevioribus paucis vestitus, fistulosus, stipatus foliis radicalibus pluribus ad longitudinem plus minus eandem producet. Hæc ex glauco virent; utrinque attenuantur; pleraque connivent, & margines habent undulatos; nervis longitudinalibus numero incertis gaudent; latitudine admodum variant in diversis, vel ipsis etiam iisdem in individuis, ut dentur latissimo in ico-ne depicto folio latiora, vel alia ex adverso plane linearia. Radix ætate multiceps evadit, & ex foliorum destruetorum nervosis reliquiis factam gerit coronam setaceam. Calycis squamæ apice fuscescunt. Petala lineata sulphurei sunt coloris. Tota planta scatet laetè glutinoso candido, ad aëris attacatum colorem aurantiacum induente. Floret Aprili. Reperitur in collibus saxosis & asperis. Nunc cum illustrissimo Hallero existimo, hanc Scorzonera ab alia humili angustifolia pannonica Clusii tertia non differre specie, sed esse plane eandem plantam, folia tunc omnia angustissima gerentem.

TABULA TRIGESIMA SEPTIMA.

ALYSSUM MONTANUM. Linn. syst. pag. 436. Jacq. enum. vindob. pag. 258.

Gmel. sib. 3. p. 250.

Alyssum subfruticosum, foliis ellipticis scabris. Hall. hist. helv. num. 492.

Alysson. Cam. epit. pag. 558. n. 2.

Adyseton montanum. Scop. carn. 2. pag. 14.

Clypeola montana, Crantz. fasc. pag. 19.

Thlaspi incanum montanum luteum. Baub. prodr. 49.

Thlaspi faxatile incanum luteum serpilli folio minus. Baub. pin. 107.

Thlaspi thymi folio, utriculo subrotundo mucronato, hispanicum. Barr. ic. 807.

Thlaspi montanum luteum. Baub. hist. 2. p. 928.

Jonthlaspi luteo flore, incanum, discoides, umbellatum, montanum. Col. ecphr. pag. 280. & 281.

Radix perennis & multiceps plures emittit caulinos, basi decumbentes, hinc adscen-dentes, incanos, foliosos, simplices. Folia sunt obverse lanceolata, acutiuscula, crassa, incana, integra, inferne attenuata, sparsa, numerosa, semipollicaria, vestita utrinque tomento, quod constat ex stellulis plurimis, quæ unitæ telam veluti efficiunt tenuissimam & albidaam, qua totum folium obducitur, uti ex aucti figura folii patet. Flores corymbosi propriis insident pedunculis; calyce instruerti caduco, pallide flavescente, scabriuscuso; petalis luteis, emarginatis. Filamenta semper aliqua squamam emitunt magis minusve tridentatam, e cuius dorso versus latus egredi videntur. Hujusmodi auctum sta-men



men etiam exhibetur. Silicula orbiculata & stylo acuminata, utrinque unum alterumve semen includit. Crescit in rupibus. Floret Majo.

TABULA TRIGESIMA OCTAVA.

ASTRAGALUS ONOBRYCHIS. *Linn. syst. pag. 499. Scop. carn. 2. pag. 77.*

Crantz. fasc. pag. 415.

Astragalus caule suberecto, ramoso, foliis linearibus, sericeis, vexillis longissimis.

Hall. hist. helv. num. 412.

Onobrychis purpureo flore. *Clus. pann. pag. 751.*

Onobrychis prima. *Clus. hist. CCXXXVIII.*

Onobrychis spicata, flore purpureo. *Baub. pin. 350.*

Ex radice lignosa, perenni & multicipite plures prodeunt caules, basi sublignosa saepe etiam perennantes, cæterum herbacei, ramosi, duri, teretes, substriati, brevissimo & saepe vix conspicuo villo hirsuti, pedales vel bipedales, ferme toti procumbentes, extremitatibus florentibus erectis. Folia sunt pinnata ex foliolis utrinque a septem ad quindecim cum impari, oblongis, acutis, margine & subtus imprimis sericeo brevique villo obductis, saepe parum conniventibus, inferioribus pollicaribus, supremis plerumque angustissimis. Stipulae foliis adstant lanceolatae, acuminatae & integerrimæ. Rami & caules elongantur in pedunculos nudos longosque, apice flores plurimos in spicam congestos locantes, in fructu ad tres quatuorve uncias productam. Calyx villosus purpurascit plus minus, & denticulos superiores habet gradatim breviores. Corolla ex violaceo purpureæ vexillum est calyce triplo vel quadruplo longius, alis duplo, figura oblonga, vix emarginatum, lateribus reflexis, obtusissimum. Alæ unguibus insistunt tenuibus & longis. Carina pauxillo brevior & obtusa figuram ferme alarum habet. Stamina sunt diadelpha. Gerumen subulatum in stylum abit glabrum stigmate obtuso terminatum. Legumen oblongum, acuminatum, hirsutum, ex integro biloculare, fuscescens, ex altera parte sulcatum, semina continet pauca, nitida, quæ una cum legumine utrinque conspecto & flore separatis sistuntur. In herbidis & pratensisibus asperioribus passim & copiose occurrit. Floret totam æstatem. Semina maturescunt Septembri.

TABULA TRIGESIMA NONA.

OROBUS PANNONICUS. *Kram. elench. pag. 213. Jacq. enum. vindob. p. 128.*

Orobis pannonicus tertius. *Clus. hist. CCXXXI.*

Orobis austriacus. *Crantz. fasc. pag. 374. tab. 1. fig. 1.*

Tota planta glabra est. Radix perennans constat tuberibus oblongis, teretibus, in fibras desinentibus, fibrillas alias etiam emittentibus, extus fuscis, intus albis carnosis & subdulcibus. Quotannis radici bulbus novus superne accedere videtur, tunc tenuior magisque albicans. Caulis subtriangularis erigitur. Stipulae sunt ex angusto lanceolatae, acuminatae, & basi semisagittatae. Petioli carinati terminantur seta subulata breve; sustinentes inferiores semper par foliorum unicum, superiores plerumque paria duo, summi saepe iterum unicum, ita ut in quibusdam foliis non raro foliolum impar adesse conspiciatur. Sunt autem foliola linearis-lanceolata, acuminata, carinata, obscure trinervia, adscendentia; interdum duplo breviora ac latiora quam sunt depicta. Flores inodori nutantesque numero incerto pauci & racemosè locantur in pedunculis communibus axillaribus, solitariis, triangularibus, erectis, longitudine foliorum, aut unico in eadem



planta aut paucis. Calyx cum virore purpurascit. Corolla albet cum vexilli parte aliqua interdum subrubente. Vexilli unguis latissimus reliquorum petalorum ungues amplectitur. Alæ, carina multo longiores, superne connivent, inferne patent. Filamenta ferme connata sunt in unum corpus, decimo tamen facile separabili. Legumina sunt glabra, & suberecta. Floret Majo & Junio. Crescit præcipue in pratis. An eadem sit hæc planta cum Orobio in Gmelini Floræ Sibiricæ volumine quarto tab. V. delineato, non ausim decidere. Etiam ibi varietates, quas in nostratibus individuis observamus, angustifolia atque latifolia occurunt. Sed flores suæ plantæ vir celeberrimus purpureos tribuit. Luteos illustris Linnæus dicit flores Orobi angustifolii sui. Esetne sic color constanter versus floribus ejusdem plantæ in tribus diversis regionibus?

TABULA QUADRAGESIMA.

TRIFOLIUM OCHROLEUCUM. *Linn. sylt. part. 3. pag. 233.*

Trifolium caule recto, foliis hirsutis, supremis conjugatis, spicis oblongis. *Hall. hist. helv. num. 378.*

Trifolium caule hirsuto scabro, foliis mollibus integerrimis, spicis subvillofis ochroleucis. *La Chenal. diff. pag. 2.*

Trifolium album β. *Crantz. fasc. pag. 409.*

Radix perennis caules plerumque paucos producit erectos, hirsutos, teretes, pedem aut sesquipedem longos, aut simplicissimos & unifloros, aut uno altero rame ex superiorum foliorum alis auctos. Petiolorum membranaceæ bases, hirsutæ & nervosæ terminant utrinque in acumen. Foliola sunt hirsuta, mollia, integerrima, obtusa, infima subradicalia ovata vel etiam obverse cordata, reliqua oblonga, summa angustiora. Caulem ramosque terminant folia duo opposita & sessilia, quorum alterum majus est, & a quibus parumper distat spica, in principio subrotunda, postea magis ovata, odoris herbacei. Calycis hirsuti dentibus quatuor æqualibus infimus duplo longior est. Corollæ ochroleucæ & monopetalæ tubus longus & tenuis excurrit in vexillum ex lanceolato oblongum, alis & carina æqualibus multo longius. Illæ sunt oblongæ. Hæc etiam est oblonga obtusa & concava. Crescit in pratis sylvaticis. Floret Junio & Julio. Corolla monopetala a Trifolio montano, cui eadem tetrapetala est, aliisque momentis facilime distinguitur.

TABULA QUADRAGESIMA PRIMA.

AGARICUS PSEUDOBOLETUS.

Mense Junio in sylvula Gatterholz truncatæ solo tenuis quercus putrido stipiti innascens tem inveni hunc fungum. Atque aderant specimina plura. Agarici quercini varietatem si quis esse prætendat, meretur non minus adnotari varietas hæc insignis. Oblongus, firmus, satisque durus, ex basi latiuscula & inæquali assurgebat in collum longum, circa medietatem parum angustatum, hinc iterum paulatim latescens in caput obtusissimum & obsolete triangulare, cuius superficies lente vitrea spectata exhibebat structuram spiralem, qualis in epidermide pulpæ digitorum conspicitur, oculis nudis obscure tantum observandam. Basis erat eleganter ferruginei coloris, qui adscendendo per collum, sensim dilutior, tandem sub capite in sulphureum mutabatur. Et per omnem hanc partem totus fungus admodum nitebat, ac si vernice densa fuisset illuminatus; quo carebat nitore pallescens caput. In colli superiore parte infra caput, in altero dumtaxat fungi latere, pori aderant valde conspicui, Boleti characterem mentientes; at vero qui oculo armato re-



rebant exæte Agarici quercini labyrinthiformem fabricam, hic solummodo superficialem, nec penetrantem fungi substantiam. Caro fungi erat pallide fusca, ex coriaceo lignea, homogena, dura, compressioni cedens parum, sed restituens se, secanti cultro resistens adinstar suberis. In exsiccato fungo color nitorque perstiterunt. Quæ in iconæ adsunt radiculæ fibrosæ, ad basin fungo inhærentes, non sunt de ipso fungo, sed de aliis plantis, basin fungi permeantes. Hinc atque illinc depictus sistitur.

TABULA QUADRAGESIMA SECUNDA ET TERTIA.

CARDUUS CANUS. *Linn. syst. pag. 529. mant. pag. 108.*

Carduus tuberosus. Jacq. vind. pag. 289.

Cirsium tomentosum, radice bulbosa. Baub. hist. 3. pag. 44.

Cirsium montanum maximum. Raj. hist. 305.

In pratis humidis copiose crescit, Augusto & Septembri florens, Carduo rivulari, magis præcoci, in iisdem saepe locis succedens. Radix perennans constat tuberibus pluribus fusiformibus, aggregatis, calatum vel & digitum crassis, duos tresve vel plures uncias longis, in fibrillam tenuem terminatis, carnosis, insipidis, foris fuscescensibus, intus albidos. Caulis solitarius, inermis, teres, striatus & villo arachnoideo paucō vestitus erigitur. Folia, cum radicalia, tum caulina, sunt ex lanceolato oblonga, utrinque villo etiam arachnoideo cana; hoc paucō amoto in prona parte glabra, in aversa pilis brevissimis subaspera; mollia nec rigida; ad oras ciliis spinosis frequentibus & innocuis armata. Superiora sessilia sunt; inferiora decurrent per caulem. Flores solitarii & suberecti caulem & ramos (si qui adsint,) terminant. Calycis glabri & glutinosi foliola virentia dorso elevantur in gibbum glandulosum magis pallidem, abeunte in exiguum mucronem nigricantem. Corollæ purpureæ sunt. Semina nitida pappum gerunt plumosum. Admodum hæc planta variat, nunc sesquipedalis vel paulo altior, & uniflora vel omnino pauciflora; nunc iterum humanæ fere altitudinis & ramosa. Caule viridi prædita, aut purpurascente. Foliis subintegratis, & magis minusve profunde ferratis, aut etiam pinnatifide sinuatis omnibus, cuiusmodi folium ex planta majore in tabula quadragesima non coloratum additur. Villo magis vel minus conspicuo; aliisque momentis. Hinc duplice in tabula exhibendam curavi; primo facie illa, qua sæpius sylvestris occurrere solet; tum majore, qua sylvestris rarius, culta semper conspicitur.

TABULA QUADRAGESIMA QUARTA.

ADONIS APENNINA. *Linn. syst. pag. 377.*

Adonis Helleborus. Crantz. fasc. pag. 110.

Pseudoelléborus niger. Clus. hist. pag. 333.

Helleborus niger ferulaceus, caule geniculato, flore magno tulipæ minoris instar.

Mentz. pug. tab. 3. f. I.

Crescit elegans planta in montibus siccioribus & gramineis, cum apricis, tum sylvaticis, saepe magna copia; ubi floret Aprili & Majo, dans Julio semina matura. Radix ætate multiceps nigricans & perennis augetur fibris teretibus, semipedalibus, extus atris, intus albicantibus, indivisis, numerosisque. Caules annui atque herbacei eriguntur, basi vaginis membranaceis inclusi communibus plerumque gemini, compressi plus minus, in ramos unifloros duos tresve divisi, ferme glabri toti, quadrunciales aut sesquipedales. Sæpe ramis sterilibus post florescentiam caules augmentur, ultra fructigeros efferrit solitis, in



ipsa planta florente interdum jam præsentes. Folia multifida, tenuiter divisa, plana, acuta, linearia, glabra, sessilia, ad basin usque ita distinæta, ut videantur esse plura eodem loco exorta. Floris ferme inodori calyx constat semper foliolis quinis concavis, foris pubescentibus & ex fusco purpureis, obtusis. Corolla componitur ex binis petalorum ordinibus, externorum latiorum octo, internorum novem; quem petalorum numerum inventi frequentiorem, nec tamen perpetuum. Pauciora tamen quam septendecim in universum petala, rarissime observavi; plura autem sæpius, vel ad viginti quatuor usque. Sunt vero illa ex angusto obverse lanceolata, obtusa, lineata, apice inæqualiter ferrata, calyce ferme duplo longiora, intus eleganter flava, extus virore simul purpurascente perfusa. Stamina sunt lutea. Receptaculum ex ovato oblongum & asperum semina in capitulum subovatum colligit plurima, obverse ovata, angulata, obtusissima, rugosa, villosa, & mucrone inflexo in apice ad latus superius munita. Celeberrimi Linnæi assensu hæc planta est ipsius Adonis apennina. Duodecim tantum petala in hac Austriaca, vel in sexcentis de industria examinatis individuis, non potui invenire unquam; nec potuit magis vir nobilissimus a Mygind, nec plures alii. Totidem Linnæus petala Adonidi tribuit vernali; nec plura clarissimus Scopoli; illustris Hallerus duodecim & ultra. An itaque vere distinæta plantæ sint, videant illi, quibus utramque comparare posse datur. Nos aliam in Austria, quod sciam, non habemus.

TABULA QUADRAGESIMA QUINTA.

ORCHIS PALLENS. *Linn. mant. pag. 292.*

Orchis radicibus subrotundis, petalis galeæ lineatis, labello trifido (in titulo iconis quadrifido) integerrimo. Hall. bift. belv. num. 1281. tab. 30.

Orchis bulbosa, floribus flavescensibus. Seguier. ver. 3. pag. 247.

A summis Botanicis Hallero atque Seguiero descripta prolixè est, ut ulteriore descriptione supersedere omnino possem. Ne tamen icon adumbratione careat aliqua, pauca hæc addo. Aprili & initio Maii floret, in collibus herbidis crescens, ex quibus eruta prima specimina vidi allata a viro eruditissimo Valentino Brusati, Medicinæ Doctore. Bulbi sunt subrotundi. Folia longitudine quatuor, unicam latitudine unciam æquant, nitida, immaculata, sublineata, acuta, saporis amaricantis & ingrati, terminanturque in basin longam vaginantem, pergentem ad usque radicem, scapumque arctissime amplexantem, ut internorum ferme adnata dici queat. Scapus semipedalis spicam fert raram & fescunciam. Flores odore perfecte referunt sambucinos, at fortiorem, bractea suffulti singuli flavescente & longitudine germinis. Petala sunt sulphurea & ovata, quorum extima duo retrorsum erecta & acutiuscula notantur lineis tribus virentibus; tria interiora magis obtusa in cucullum connivent, lineola virente non minus insignita lateralia uno, supremum vero paulo latius ternis. Labellum propendet amplum, magis intense flavum, trifidum, leviter convexum, lacinia intermedia duplo latiore & emarginata, nec cæterum dentata, nec maculata, in cuius fauce nullos omnino villos detego. Antheræ flarent. Cornu obtusissimum, rarius emarginatum, & labelli circiter longitudine, sursum incurvatur. In Halleriana tabula floris integri duplex figura exhibetur. Sistitur in mea flos petalis avulsis, ut faux in conspectum veniat. Fructus sunt oblongi, striati & pollicares.

TABULA QUADRAGESIMA SEXTA.

SCANDIX INFESTA. *Linn. syst. pag. 732. Willich. obs. pag. 34.*

Radix annua, dura, sublignosa, tenuis, ramosa, albida, daucique sapore aliquo praedita, caulem gignit solitarium, teretem, semipedalem vel tripedalem, striatum, scabriuscum nec tamen pilosum, jam ipso in exortu ramos horizontales emitcentem, modo erectum magis, modo in ramos patentes longosque totum diffusum. Folia sunt pinnata ex foliolis quinis vel ternis; atque haec foliola in plantis majoribus modo similiter sunt pinnata, modo pinnatifide tantum & inaequaliter incisa; circumscriptio autem ovata vel lanceolata, plana, utrinque ob pilos minutos & vix conspicuos subhirsuta & scabriuscula, sordide virentia, in senescente planta saepe ex fusco sanguinea. Involucrum universale adest unifolium ac minutum; interdum nullum. Radii sunt a tribus ad novem. Involuci partialis foliola parva sunt quatuor vel quinque. Umbellulae partiales sunt valde densæ, hemisphericæ, & valde convexæ, ut non raro coni basin exprimant. Flores albi & inodori petala habent propter incurvatum apicem cordata, exteriores extima multo ampliora, qui pauci ob pistilli absentiam abortant. Interdum petala interiora bina mentiuntur petalum unicum ad basin usque bifidum sine apice inflexo; quia in his tunc apex inflexus est in exteriori latere, &, lobo altero ferme deficiente, lobus praesens recta tendit deorsum; unde corollam quis credere tetrapetalam posset. Antheræ purpurascunt. Semina sunt oblonga, obtusa, fusca, & hispidis leviterque uncinatis munita setis, quarum extimæ in seminibus fructuum exteriorum sunt longæ, reliquæ brevissimæ. Floret Julio & Augusto, semina ferens Septembri. Crescit in agris, & ad fruticeta ac margines sylvarum. Representat tabula plantam staturæ mediocris florentem; & majoris plantæ ramulum abscissum cum umbella fructigera nedum matura; tum florem radiantem auctum; tandem unius ejusdemque fructus exterioris bina semina in volumine æque naturali quam aucto.

TABULA QUADRAGESIMA SEPTIMA.

RIBES ALPINUM. *Linn. syst. pag. 184.*

Ribes inerme, floribus planis, bracteis florum longitudine. *Hall. hist. helv. num. 817.*

Ribes vulgaris, dulci fructu. *Clus. hist. 119.*

Ribes montana altera. *Baub. prodr. 162.*

Ribes minor, fructu rubro. *Besl. hort. eyst. arb. vern. fol. 14. fig. 1.*

Ribes sylvestre. *Camer. hort. pag. 141.*

Ribes alpinus dulcis. *Baub. hist. 2. pag. 98.*

Grossularia vulgaris, fructu dulci. *Baub. pin. 455. Mapp. als. pag. 139.*

Habitu proxime accedit ad *Ribes rubrum*; diversum tamen ab hoc foliis magis lucidis, saturati viribus, dorso ferme glabris, & facie subpilosis; tum aliis etiam momentis, quæ ex descriptione patebunt. Atque hoc quidem quam maxime pro discrimine facere, si observatio perpetua est, existimo, quod larvæ Phalenæ grossulariatæ, quotannis ex integro devastantes sepem horti nostri Botanici quandam ex *Ribes rubro* consitam, ne folium quidem lèdant ullum *Ribes alpini*, priori proxime adstantis. Totus frutex est inermis. Petioli saepe pilis longiusculis ac raris obsidentur. Flores locantur bini vel terni, vel numerosiores, rarius solitarii, in pedunculo communi racemofo, brevi, erecto, & nec fructigero quidem vere pendulo, prodeunte ex gemmula ad latus ramuli novelli, ita ut præcociores floreant ante foliorum plenum incrementum. Quilibet flos proprio brevissimo innititur pedunculo, qui suffulcit bractea membranacea, pallente, late lanceolata, acuminata, concava, erecta, & longitudine ipsius floris. Calycis laciniæ subrotundæ subflavescunt, & valde patent, interdum numero luxuriantes seno vel septenario. Petala omnium minima & duplo latiora quam longa flavent. Bacca rubra, sine omni acore dulcis, fatua, & subglutinosa, continet semina pauca, a binis ad sena. Crescit in fruticetis montosis, ubi flores Aprili, fructus maturos profert Julio, utrosque serius in subalpinis.



Rarum vidi alium fruticem, eodem tempore eodemque loco florentem, in quo sequens a priori observavi discriben, dum reliqua congruebant omnia, quare etiam ad eandem illum speciem reduco. In hoc flores sunt paulo maiores magisque plani, perianthii laciniis, dum marcescere incipiunt, reflexis. Etiamsi stylus adsit, carent omnino germe, cuius vestigium detegere nec lente usus valui. Nullo etiam anno in hisce fruticibus fructum vidi, dum una cum bracteis flores decidunt brevi omnes. Racemi admodum erecti unam duasve uncias longitudine æquant, ob flores numero vicenos vel tricensos dense positos spicam teretem referentes. Calycis lacinia aliqua semper summam floris partem occupat, cui opponuntur infimæ duæ; atque sub harum divisione adscendens bractea longior & calyci concolor, nunc in ligulam extra racemum prominet & antrorsum inflebitur, sic præ se ferens laciniæ cuiusdam calycinæ longioris imaginem. In hortum introductus hic frutex, crescensque ad latus prioris, sterilis mansit; dum ille fructus largiatur quotannis. Figura prima fruticis sterilis ramum exhibit florentem. Altera hujus florem vitrea lente auctum, ut petala prodeant, quæ ob parvitatem nudis oculis ægre dignoscuntur, hinc in ramo omissa. Tertia florentem fertilem sistit, eundemque fructibus maturis onustum quarta.

TABULA QUADRAGESIMA OCTAVA.

RANUNCULUS FALCATUS. Linn. *syst. pag. 380.*

Ranunculus testiculatus. Crantz. *fasc. pag. 119.*

Ranunculus alopecuroides, Ajugæ foliis. Bocc. *sic. 28.*

Ranunculus ceratophyllum, semenibus falcatis in spicam adaptis. Moris. *bijst. 2. pag. 440. s. 4. t. 28. f. 22.*

Melampyrum luteum minimum. Baub. *pin. 234.*

Melampyrum perpusillum luteum. Lob. *ic. 37.*

Plantula trimestris, tota subincana & hirsutula, pusilla, interdum vix uncialis, ad sumum quadriuncialis, ex radice tenui fibrosa albidaque folia promit ex longiusculo & piano petiolo varie multifida, laciniis omnibus sublinearibus planis & obtusiusculis. Prima duo plantulæ folia sunt tamen lanceolata & integerrima. Scapi aphylli, plerumque plures, uniflori & suberecti folia ut plurimum superant. Calyx erigitur. Petala lutea maculam vix manifestam ad unguem gerunt, ex ovato oblonga, rarius expansa, at plerumque erecta, in germine celeriter crescente diu adhuc perstant emarcida. Hoc subrotundum retinet quandoque formam suam in individuis valde pusillis aut in scapis tardioribus, plerumque autem ex crescere in fructum oblongum, ratione plantulæ maximum, constantem semenibus triangularibus, superne bifidis, dorso seu inferne emitentibus processum falciformem acuminatum & horizontaliter porrectum, a quibus processibus fructus spinosus evadit. Floret Aprili & initio Maji. Sub finem Junii raro vestigium plantulæ superest. Aggeres, arva & ruderata incolit.

TABULA QUADRAGESIMA NONA.

EUONYMUS VERRUCOSUS. Scop. *carn. 1. pag. 166.*

Euonymus tenuifolius. Linn. *spec. pl. pag. 286.*

Euonymus secundus. Clus. *bijst. 57.*

Euonymus flore phænicoe. Baub. *bijst. 1. part. 2. pag. 203.*

Euonymus granis nigris. Baub. *pin. 428.*

Euonymus pannonicus. Tabern. *herb. part. 3. p. 754.*

Optime clarissimus Scopoli tres Euonymos, in Austria ac finitimiis provinciis obvios, Linnæo pro varietatibus habitos, Clusii aliorumque sententiam fecutus, in tres distinctissimas species separavit, quas inter hæc facillime se distinguit ramis verrucosis & seminibus atris; illæ ramis glabris dignoscuntur ab invicem capsulis in vulgari obtusis, in latifolio in marginem acutum excurrentibus, aliisque insuper momentis. Noster autem hic occurrit sub fruticis diffusi forma bi - vel tricubitalis, aut etiam sub forma arbusculæ decempedalis, trunco brachiali. Rami sunt teretes, sæpius oppositi; juniores virent cum maculis subovalibus ex fusco flavescentibus, totidem veluti guttis gummosis induratis adspersi. Hæ maculæ in adolescentibus ramis in verrucas elevantur fuscas aut nigricantes duras persistentes corticemque valde exasperantes. Folia sunt pollicaria, interdum bipollicaria, late lanceolata, glaberrima, opposita, acuta, ferrulata, breviter petiolata. Pedunculi filiformes & axillares ut plurimum sustinent flores duos tresve, rarius per dichotomiam divisi plures. Flores omnes sunt tetrandi & tetrapetali. Pentapetalum observavi nullum; tripetalum rarissime unum alterumve. Petala subrotunda & plana cum aliquo virore flavescent, suffusa simul colore sordide sanguineo. Calyx pallet magis. Antheræ didymæ. Filamenta sunt vix ulla, sed horum loco brevia tubercula. Stylus etiam vix ullus, & stigmatis vices gerit tuberculum simile & paulo majus. Capsula quadriloba, glabra, obtusa, quadrilocularis & flavescens continet semina ovata, hinc atra, illinc pallida, pulpæ coccineæ semiinvoluta, quæ capsulis expansis excidunt sub finem Augusti; dum flores aderant Majo & Junio. Crescit in sylvis montosis.

TABULA QUINQUAGESIMA.

ROSA RUBIGINOSA. *Linn. mant. pag. 564.*

Prätervisam Botanicis Austriacis stirpem primus vir amicissimus Franciscus de Mygind detexit, quibusdam lapidosam montosisque in locis mixtim cum Rosa canina sat copiose crescentem. Synonymum nullum adducere ausus fui. Halleri rosam, in Historia stirpium helveticarum numero 1103 descriptam, eandem credidisse cum hac austriaca, nisi autor celeberrimus suæ fructibus maturis colorem nigrum adscripsisset. Est autem frutex habitu Rosæ caninæ, a qua illico distinguitur foliis obtusioribus, minus nitentibus, dorso glandulis rubiginosis adspersis, & odoratissimis. Ramos glabros aculei armant cinerascentes, acuminati, & recurvi; modo plures, modo pauci, in nonnullis etiam ramulis absentes. Foliola sunt utrinque tria vel duo cum impari terminante, plus minus pollicaria, quandoque dumtaxat semipollicaria, argute & subduplicato-ferrata, ovata, facie glabriuscula & sine nitore virentia, dorso pallida & villosa; petiolis aculeatis. Pedunculi sæpius ramosi & inermes gerunt paucos flores. Germina sunt ovata, & aut inermia, aut paucis aculeis armata. Calycis foliola plerumque aliqua pinnatifida sunt. Petala, calycem vix superantia, sunt obverse cordata, planiuscula, & incarnata cum ungue albo. Antheræ luteæ. Styli ex flavo virent. Foliolorum, calycis & stipularum dorsum atque margo, tum etiam petioli atque pedunculi instruuntur pilis glandulosis capitatis viscosis & apice rubiginosis, unde odor plantæ pendere videtur, & qui foliorum margini dum insident, hæc fingunt magis duplicato-ferrata. Singularis ille est, aliquid de rosis habens, & in quo de aromate foliorum juglandis plurimum deprehendere mihi videor. Nec multum diversus flori odor est. Fructus est ex subrotundo ovatus, nitidus, aut plane inermis, aut aculeis rigidiusculis nec pungentibus iisque paucis armatus, maturus semper colorem habens aurantiacum, nec unquam in nigredinem tendentem. Floret Junio & Julio. Fructus maturescunt Septembri.



TABULA QUINQUAGESIMA PRIMA.

ASTRAGALUS PIOSUS. *Linn. syst. pag. 498. Crantz. fasc. pag. 418.*

Gmel. sib. 4. p. 39. t. 16.

Astragalus caule erecto, ramoso, ex alis spicifero, siliquis teretibus. Hall. bift. helv. num. 411.

Astragalus villosus, erectus, spicatus, floribus flavescensibus. Amm. ruth. num. 166. pag. 125.

Cicer montanum, lanuginosum, erectum. Baub. pin. 347. prodr. 148.

Onobrychis tertia. Clus. bift. CCXXXIX?

Onobrychis spicata, floribus pallidis, nigris radiis notatis. Baub. pin. 350?

Radix albicans, multiceps, & ad minus biennis, caules producit saepe plures, pedales vel etiam duplo altiores, basi ipsa decumbentes, cæterum erectos, teretes, vix striatos, cum virore purpurascens, cinereisque pilis hirsutis. Foliis pinnatis & utrinque pilosis ad latus adstat stipula lanceolato-acuminata, hirsuta & integerrima. Costa antice canaliculata est, dorso convexa. Foliola oblonga, latiora vel angustiora, superiora paullatim decrescentia, longiora uncialia, acuta vel obtusa, etiam setula terminante quædam aucta, brevissime pedunculata, pallide virentia, numero variant a novem ad plura paria cum impari, ita tamen, ut undecim paria numeraverim frequentius. Nullum caulem vere ramosam videre contigit, sed increscente caule ex foliorum alis pedunculi adscendunt longi, teretes, parum striati, pilosi & erecti, qui spicam florum gerunt densam plerunque, oblongam, ab uno ad tres polices longam. Bractæ sunt angustæ, hirsutæ, acuminatæ & longitudine calycis. Pedicelli omnino brevissimi. Calycis pallidi & hirsuti laciniæ virentes lineares & acutæ tres inferiores longitudine superant binos superiores. Corollæ ochroleucæ & glabræ vexillum in medio saturatius flavet, nec ulla exhibuit mihi in plurimis speciminibus meis strias sive flavas, sive nigras. Nec Hallerus harum mentionem fecit, nec in prodromo Bauhinus, ut hi viri cum Linnæo Clusiani synonymi non meminerint, quin ipse Caspar Bauhinus a sua diversam Clusianam plantam crediderit, quo minus congrua Clusiana icon etiam contribuisse videtur. Hinc ego quoque Clusium in synonymia dubitanter excitavi. Alæ porro supra unguem tenuem longe hamatæ carinam excedunt, ipsæ vexillo breviores. Carina obtusa in aristam desinit. Legumen teres, leviter compressum, dorso sulcatum, pilosum, erectum, terminatum in stylum persistentem retrorsum unci adinstar reflexum rigidumque semina continet plura. Folia sapore gaudent amaro & ingrato. In montosis apricis tenui gramine obsitis crescit paucis locis, nec frequens. Floret Junio & Julio. Semina maturescunt Augusto.

TABULA QUINQUAGESIMA SECUNDA.

DIANTHUS ALPINUS. *Linn. syst. pag. 590.*

Caryophyllum sylvestris secunda. Clus. bift. 282.

Caryophyllum sylvestris, flore magno inodoro hirsuto. Baub. pin. 209.

Caryophyllum pumilus latifolius. Baub. pin. 209. prodr. 104.

Prata subalpina, inque ipsa summa alpium juga adscendens, haud infrequens incolit planula hæc elegantissima, pro varia soli altitudine diverso æstatis tempore florens, & colo in horto aptissima, ubi cespitosa adhuc magis evadit. Radix tenuis, fibrosa, ramosa, multiceps & perennis caulinulos profert plures, erectos, glabros, simplicissimos, duas tresve uncias altos, superne interdum purpurascens, flore unico, rarissime pluribus terminatos. Folia sunt sublinearia, plana, obtusiuscula, modo latiora, modo angustissima,

gla-

glaberrima, opposita, versus radicem magis conferta, pollicem raro æquantia, subamericantia. Squamæ sub calyce adstant oppositæ duæ lanceolatæ, acuminatæ, calyci conclores, eodemque paulo breviores. Foliola caulina summa, flori dum sunt viciniora, squamarum aliarum exteriorum par mentiuntur. Calyx ventricosus atra purpura tingitur. Petala magna, inodora & eleganter colorata speciosum florem efficiunt. Sunt autem crenata, ex purpureo rubra, rarius pallida, supra unguem pilosa & ex saturata purpura cinerreoque variegata. Semina sunt atra.

TABULA QUINQUAGESIMA TERTIA.

RHAMNUS SAXATILIS. *Linn. syst. pag. 197. Jacq. enum. vindob. pag. 212.*
Spina infectoria pumila secunda. *Clus. hist. 112.*

Inter saxa se diffundens radix, ut evelli nequeat, truncum gignit, qui ilico in ramos dispeccitur teretes, diffusos, partim erectos, partim horizontaliter protensos, etiam procumbentes. Materies dura & albida cortice circumdatur cinereo aut fuscescente. Rami seniores terminantur in spinam subulatam rigidam & pungentem. Ramusculi novelli virides subpubescunt. Folia prodeunt ex gemmis una cum floribus confertim plura; in ramis autem junioribus inordinato alternantur situ. Sunt vero lanceolata vel ovata, basi attenuata, breviter petiolata, ferrulata, obtusa vel acutiuscula, glabra & ad summum uncialia. Petiole utrinque adstat stipula setacea fusca & caduca. Ex eodem loco, ex quo rami ejusdem anni virides oriuntur, etiam aggregatim prodeunt pedunculi tenues uniflori & foliis breviores. Hi in aliis individuis multo spectantur numerosiores, floresque producunt omnes steriles; in aliis pauciores, sed omnes fertiles: utrosque apetalos & cum virore flaventes; structura diversos. Sterilium calyx paulo longior ex tubo campanulato in limbum expanditur quadrifidum, patentem, planum, tubo ferme duplo breviorem & subacutum. Supremo tubo adnascuntur stamina quatuor, erecta, quibus singulis squamula pone accumbit oblonga & brevior. Germen illis est subrotundum & parvum, quod instruitur stylis geminis brevibus ac veluti truncatis. Prætervisis subsequis, hos fertiles ante credideram, unde pronuntiaveram flores hermaphroditos. In floribus fertilibus tubus calycis est brevior limbo magis erecto. Staminum & squamularum vestigium nullum observatur. Germen tubum calycinum æquans in stylos definit geminos, subulatos, superne reflexos, & longitudine calycis. His baccæ succedunt subrotundæ, molles, nitidiñæ, piselli magnitudine, pellicula vestitæ atra, refertæ pulpa glutinosa, saporis cum aliqua dulcedine ingrati, nec amari, virescente, exsiccata parumper & corrugata chartam tingente ex cæruleo purpurascentem. In qualibet bacca continentur semina terna, vel tantum bina, ovata, nitida, subfuscotentia, inclusa singula arillo proprio bivalvi. Crescit in collibus faxosis apricis, florens Majo, & fructus dans maturos Julio & Augusto. Exhibui in tabula ramum majorem florentem sterilem; minorem fertilem, cum florentem, tum fructescentem: deinde semen utrinque visum, & arillum semine jam excluso expansum. Tandem florem autem utrumque, scilicet fertilem, cuius hinc latus claudit flos sterilis, inde hujus pistillum.

TABULA QUINQUAGESIMA QUARTA.

CAUCALIS GRANDIFLORA. *Linn. syst. pag. 205. mant. pag. 350.*
Crantz. fasc. pag. 224.
Caucalis umbellis planis, petalis extremis & involucris maximis. *Hall. hist. helv. num.*

740.



Caucalis albo flore. Clus. hist. CCI.

Caucalis arvensis echinata, magno flore. Baub. pin. 152.

Daucus grandiflorus. Scop. carn. 1. pag. 189.

Echinophora flore magno. Riv. pentap. irr. tab. 25.

Echinophora pycnocarpus. Col. ecphr. 1. pag. 91. t. 94.

Ex radice annua, albida, subfusiformi, odore aliquo dauci praedita, tandemque subacri, caulis exoritur teres, striatus, glaber, flexuose erectus, ac ramosus. Folia glaberrima, aut valde parum hirsuta, & multiplicato - pinnata petiolo innituntur inferne membranaceo & striato, superne tereti atque antice sulcato. Pinnulae sunt exiguae, lanceolatae, confluentes in foliola pinnatifida. Folia summa saepe constant sola vagina subulata, aut hac in foliolum unum alterumve sublineare longumque terminata. Involucri universali foliola sunt ut plurimum quinque, ex angusto lanceolata, acuminata, virentia cum oris albidis, inæqualia & persistentia. Partiale fere sena foliola habet, prioribus consimilia, quorum tria exteriora duplo longiora sunt. Radii a sex ad novem constituunt umbellam planam. Flosculi albi & inodori, qui in umbellulis exterioribus externe locantur, pauci nec omnes, petalum habent exterius reliquis multo minoris & ad basin ferme usque bifidum cum lacinia intermedia exigua linearis inflexa; laciniis ex oblongo obverse ovatis, planis & obtusissimis. Cæteris exterioribus corollulis petalum idem duplo duumtaxat major est. Interiorum petala sunt æqualia erectaque cum apicis antrorsum incurvati lateribus sursum reflexis. Antheræ pallent. Styli persistunt in fructu divaricati. Semina sunt ova-ta, compressa, extus striata & setis numerosis rigidis atque uncinatis armata; quæ maturescunt Septembri, dum floruit æstate. Crescit in agris, inter segetes, inque asperis locis. In margine tabulae conspicuntur in magnitudine naturali fructus integer, semen ex interna parte, idemque discissum transversim. Tum flos disci auctus ad quadruplum, masculus toto carens pistillo, hinc sterilis & abortans, calyce subquinquefido praeditus, staminibus nedium omnimode evolutis. Tandem eodem in omni dimensione volumine auctus flos radians hermaphroditus, germine donatus hirsutissimo proprioque etiam calyce.

TABULA QUINQUAGESIMA QUINTA.

SESELI ANNUUM. *Linn. syst. pag. 215. Jacq. enum. vind. pag. 26. Scop. carn. 1. pag. 213.*

Seseli bienne. *Crantz. fasc. 204.*

Seseli foliis linearibus, triplicato - pinnatis, caule vaginoso. *Hall. hist. helv. num. 762.*

Fæniculum sylvestre, annum, Tragofelini odore, umbella alba. *Vaill. par. pag.*

54. tab. 9. fig. 4.

Pimpinella tenuifolia. *Riv. pentap. irr. tab. 82.*

Radix foris nigricat, intus alba; primo anno folia radicalia sola, altero caulem profert, atque peracto fructu perit; ex tenui fusiformis, simplex aut ramis aucta, crassitie & longitudine admodum varians pro statu plantæ, sapore praedita aliquo petroselini, quem sequitur moderata acredo, salivam ciens; vertice capillato a foliorum præteriorum reliquiis. Caulis fere semper unicus in planta sylvestri, erectus, altitudine admodum diversus, scilicet a bipollicari ad cubitalem, teres, striatus, purpureus, vix manifeste villosus simulque nitens, in minoribus individuis simplicissimus umbella unica terminatur, in majoribus etiam alios plerumque simplices ramulos umbelliferos ex alis foliorum producit. Petioli, imprimis caulini, valde vaginantes, membranacei, & striati, folia sustinent multiplicato - pinnata, erectiuscula, facie glabra, dorso marginibusque villis obsita, vix nudo oculo percipienda, virentia aut sanguinea; pinnulis lanceolato - linearibus, acutis, planis.

In-

Involuci universalis foliolum adest quandoque unicum, saepius nullum. Particulare pluribus constat lanceolatis, acuminatis, margine membranaceis, longitudine umbellulæ. Umbella universalis convexa & densa componitur ex particularibus a decem ad triginta consimilibus. Petala sunt alba, vel purpurea, vel ex utroque colore mixta, ovata cum apice inflexo, & hinc interdum, nec semper cordiformia. Antheræ flavent. Styli albent. Flores omnes fertiles semina ferunt fusca, ovata, parva, hinc plana, illinc gibba atque striis tribus elevatis notata, lateribusque insuper membrana exigua aucta. Ad latus depingitur flos auctus; tum semen in naturali statu, idemque auctum cum subjuncta discissa transversim facie. Crescit passim in collibus montibusque apricis herbidis. Floret Augusto & Septembri.

Quum tabulæ operis Riviniani non omnibus in exemplaribus eodem compactæ ordine sint, hinc occasione hujus plantæ monendus est lector, citasse me has tabulas illo in ordine, quem habet exemplar in bibliotheca Cæsarea publica asservatum. Tum etiam dupli modo posse considerari ætatem plantarum biennum, quas tales voco, quando non eodem anno germinant & fructum ferunt, etiamsi autumno forte primi anni ex semine excrescant, proximique æstate senescant, atque sic vix duodecimum ætatis mensem absolvant.

TABULA QUINQUAGESIMA SEXTA.

PHELLANDRIUM MUTELLINA. *Linn. syst. pag. 213. Jacq. enum. vind.
pag. 223. Scop. carn. 1. pag. 216.*

Ligusticum Mutellina. *Crantz. fasc. pag. 198.*

Seseli foliis duplicato-pinnatis; pinnulis semipinnatis, lobulis lanceolatis. *Hall. hist.
helv. num. 763.*

Seseli humile alpinum, umbella purpurascente. *Moris. hist. 3. pag. 287.*

Daucus montanus. *Clus. hist. CXCVIII.*

Meum alpinum, umbella purpurascente. *Baub. pin. 148.*

Mutellina. *Cam. epit. p. 8. Baub. hist. 3. part. 2. pag. 66.*

Plantula tota glabra est. Radix longa, plerumque tenuior, extus fusca, intus alba, saporis dauci cum juncta levissima acrebine, ad saxum allisa ramos longos de latere propellens, in caput abit crassus unum alterumve fetosum, & per plures vivax annos durat. Culta in horto inter alpinas facilius provenit, valdeque multiceps & ferme cespitosa evadit; sola autem capita annosiora caulem emitunt. Hic semipedalis vel etiam pedalis erigitur, teres, striatus, simplex, interdum ramulo auctus. Folia sunt multiplicato-pinnata, nitida, facie saturate virentia, dorso lætius; foliolis oblongis, pinnatifide incisis; lobulis acutissimis, diversæ latitudinis in diversis. Costa teres & antice sulcata ortum dicit ex petiolo basi membranaceo & vaginante. Pleraque folia radicalia sunt; nam in caule unicum vel duo habentur; etiam nullum. Umbellæ universalis ex plusculis radios enatae involucrum aut unifolium est, aut nullum, rarissime fit ex pluribus. Partialis umbellæ involucrum componitur ex foliolis tenuibus, radios æquantibus, numero variis quinque sex vel septem, deficientibus saepe interioribus. Est autem umbella densa & convexa. Flores odorati petala habent rosea vel magis rubra, subovata, acuta, exteriora pauxillo majora, cum apicibus sine crena notabili inflexis, ut vix figura cordata exsurgat. Filamenta corollam superant, antheris donata purpureis. Paucis floribus germen deest, qui abortant. Perianthium proprium quidem quinquedentatum minimumque adest, & in fructu persistit, nudo tamen vix oculo conspicendum. Fructus ex oblongo ovatus dispegitur in semina ovato-oblonga, fusca, hinc plana, illinc quadrifalcata & convexa. Cre-



scit frequens in alpium jugis herbidis, florens a Junio ad Septembrim, semina autumno perficiens. In margine est flos auctus; semen in volumine nativo; tum idem auctum, utrinque conspectum.

TABULA QUINQUAGESIMA SEPTIMA.

DIGITALIS OCHROLEUCA.

- Digitalis foliis calycinis lanceolatis, galea bifida, faucibus immaculatis. *Hall. bift. helv. num. 331.*
Digitalis lutea. Tabern. vol. 2. pag. 270.
Digitalis flore luteo majore. Riv. monop. irr. tab. 104.
Digitalis flore luteo. Besl. eyft. aſt. O. 1. fol. 1. fig. 3.
Digitalis purpureæ Linnæanæ varietas flore luteo. Jacq. enum. vindob. pag. 111.
Digitalis luteæ Linnæanæ varietas. Crantz. fasc. pag. 354.

Radix perennat & evadit multiceps. Caulis non ramosus, hirsutus, subangulatus, foliosus, & bipedalis erigitur. Folia sunt sessilia vel semiamplexicaulia, sublanceolata, valde elongata, aut breviora & lata, acutiuscula, serrulata, confertim & inordinate alternantia, dorso & marginibus magis minusve hirsuta, facie s̄apē glabra. Summa bractearum sunt loco, emituntque de sinu suo pedunculos solitarios & breves, florem propendulum gerentes. Racemi apex incurvatur ante florescentiam. Foliola calycis sunt ex angusto lanceolata, hirsutula & obtusiuscula. Corolla ampla est fere adinstar Digitalis purpureæ, pallide lutea, hirsuta, intus sub labio inferiore pilosa, & venuis sive lineolis fuscis interruptis atque undulatis, quæ interdum deficiunt ex integro, inscribitur. Labium inferius dispescitur in tres lacinias triangulares & acutas. Superius valde variat, modo simpliciter emarginatum, modo tridenticulatum, interdum etiam eo usque bifidum & acutum, ut vix cedat inferiori. Antheræ sulphureæ & didymæ crucis sub forma mutuo accumbunt, quod idem observatur in pluribus hujusce classis floribus. Filamenta toti tubo accrescunt; hinc duo longiora fundo faucis incumbunt atque antrorsum arcuantur. Stylus pubescit. Capsula ovata obducitur pauca hirsutie. Variis in locis crescit, & ad subalpina adscendit. Floret hic Augusto, alibi jam Junio. Est omnino hæc planta diversissima a Digitali lutea Linnæi, synonymisque ibidem allatis. Hinc optime illustris Hallerus separavit illas, confusionemque jam subortam sustulit. Prudenter etiam celeberrimum Linnaeum in synonymia suæ Digitalis luteæ nullum adduxisse, videmus, nomen, quod competit huic Digitali nostræ. Utraque planta in hortis culta habitum servat proprium. Proponuntur in margine fructus, & petali longitudinaliter discissi ambæ partes.

TABULA QUINQUAGESIMA OCTAVA.

ANTIRRHINUM ALPINUM. *Linn. syſt. pag. 410. Scop. carn. 1. pag. 442.* *Crantz. fasc. pag. 306.*

Antirrhinum caule procumbente, breviter spicato, foliis verticillatis. *Hall. bift. helv. num. 338.*

Linaria tertia styriaca. Clus. bift. 322.

Linaria quadrifolia supina. Baub. pin. 213.

Radix perennis & fibrosa caulinulos profert basi ramosos & tenuiores, superne incrassatos, a duobus ad septem pollices longos, adscendentes, herbaceos, teretes & glabros. Hi ornantur foliis ex angusto lanceolatis, integerrimis, aeniis, crassis, glaucis;

in-

infimis minoribus plerumque, & quaternis; summis solitariis vel oppositis vel ternis. Flores in extremis caulis congestum racemum exhibent, propriis suffulti foliolis, elegantissimi. Corollæ cum purpura saturate violaceæ labium superius erigitur, planum, ferme semibifidum, inferiori longius; laciniis oblongis & obtusis. Inferius patens & planum dividitur in tres lacinias subrotundas & æquales. Discus prominulus & sulcatus aureo colore conspicuus est. Calcar subulatum acutum longumque leviter incurvatur. Faux ante discum villis obducitur. Filamenta albida antheras gerunt flavas. Calycis foliola sunt linearia, acuta & subæqualia. Capsula apice sexvalvis semina includit nigra plana & marginata. Floret per totam æstatem. In saxo uidis alpium crescit. Plantula amaro ingratoque sapore gaudet. Ad marginem depingitur capsula, cuius intra dehiscentis supernæ valvulas dissepimentum stylo emarcido coronatum in conspectum prodit. Tum adstat semen.

TABULA QUINQUAGESIMA NONA.

VERONICA URTICÆFOLIA.

Veronica foliis hirsutis, nervosis, sessilibus, cordatis, lanceolatis, serratis, floribus racemosis, longe petiolatis. *Hall. bift. helv. num. 535.*

Veronica maxima. *Dal. lugd. p. 1165.*

Veronica maxima latifolia, seu quercus folio. *Moris. bift. 2. p. 322. s. 3. t. 23. f. 18.*

Tota planta inodora est, ac ferme insipida. Radix fibrosa perennat, multosque generat caules, semper simplicissimos nulloque ramo austos, pedales aut altiores, erectos aut parum inclinatos, teretes, villoso, inferne sp̄e purpurascentes, strictos. Folia sibi opponuntur lanceolata, modo angustiora, modo magis lata, ad basin vix dicenda cordata, sessilia omnia, acute serrata, rugosa, dorso nervosa, utrinque brevibus pilis obsita, in acumen producta exceptis inferioribus magis obtusis. Ex alis superiorum racemi attolluntur longi, tenues, stricte patent. Pedunculi proprii filiformes plurimi & distantes stipulis suffulciuntur linearis-lanceolatis brevibusque. Calycis foliola sunt quatuor, æqualia, subovata, obtusa, villosa, & petalo duplo breviora. Hujus pallide carnei laciniæ sunt obtusæ & subrotundæ, quarum superior duplo latior inferiore purpureas antice strias gerit. Lateralium latitudo intermedia est. Tota corolla pilis minimis, nudo oculo haud distinguendis, villosa est. Capsula orbiculata, emarginata, fusca, & paum vel vix villosa, continet semina pauca flavescentia. Floret Majo & Junio. Semina perficit Julio & Augusto. Crescit rara in sylvis. Capsula matura cum semine seorsim exhibetur. Halleri planta est, ipso consentiente in litteris illustrissimo viro. Inter suas Veronicas non repertiri, celeberrimus Linnæus mihi afferuit. Novo itaque titulo triviali plantam donavi.

TABULA SEXAGESIMA.

VERONICA PSEUDOCHAMÆDRYS.

Veronica latifolia. *Grantz. fasc. 348.*

Veronica foliis cordatis, retusis, nervosis, serratis; racemis longissimis. *Hall. bift. helv. num. 537.* varietas latior β.

Teucrium quartum. *Clus. bift. 349.*

Chamædrys spuria major altera, sive frutescens. *Baub. pin. 248.*



Radix teres, calatum ferme crassâ, fibrillis aucta numerosis, extus ferruginea, intus albida, & subamaricans, horizontaliter repit, & plures ad parvas distantias annuatim e nodis proferre caules solet. Hi plerumque simplicissimi, ex alis superioribus raro unum alterumve ramulum emittentes, atque hunc plerumque sterilem, ex basi leviter inclinata adscendunt, aut etiam sine ulla inclinatione eriguntur, pedales, in fruticetis denioribus interdum duos tresve pedes alti tuncque debiles, alias firmi, stricti, teretes, villosi, modo flexuosi, modo erecti. Folia opponuntur ad intervalla in toto caule, sessilia omnia præter sola infima brevissime petiolata, atrovirentia, ovata, ad basin plerumque cordata, obtusa vel acuta, inæqualiter serrata, sèpius rugosa, facie nitida, dorso plus minus subvillosa, sèpe ut vix animadvertisi hirsuties possit. Ex superiorum foliorum alis ex-eunt racemi plerumque duo, aut tres, etiam unicus, rarius quatuor vel quinque; & pergit postea ultra elongari caulis foliosus & sterilis. Racemi villosi strictè eriguntur, semi-pedales vel longiores evadunt, & flores locant dense positos numerosos brevissimeque pendunculatos. Calycis foliola sunt quinque, lanceolata, acuta, glabriuscula, & inæqualia; infima duo duplo longiora lateralibus; & supremum minimum. Corollæ elegantis & amplæ tubus albet; limbus autem eleganter cærulescit cum striis saturatioribus. Stamina & stylus limbo petali concoloria sunt. Pollen antherarum flavescit. Stigma pallet. Capsula rotundato-obverse cordata, obtusa, glabraque, continet semina pauca ex fusco flaventia. Crescit passim in fruticetis, sepibus, & ad margines sylvarum. Floret Junio & Julio. Tabula sistit plantam mediocris staturæ florere incipientem; & separatiim capsulam & semina. Hanc plantam in Observationibus meis pro Veronica latifolia Linnæi habueram, congruente determinatione; monente autem in litteris illustrissimo viro, non esse, distinto sub nomine proposui. In prata atque herbida magis descendens, ad Veronicam chamædryn propius accedit, facile tamen semper distinguenda pluribus notis.

TABULA SEXAGESIMA PRIMA.

HERACLEUM AUSTRIACUM. *Linn. syst. pag. 210. Jacq. enum. vind.*
pag. 216. Graitz. fasc. pag. 153. tab. 1.
Sphondylium austriacum. Scop. carn. 1. pag. 204.
Sphondylium alpinum parvum. Baub. pin. 157. prodr. 83.

Radix perennis, extus fuscescens, intus albida, semipedalis vel multo longior, vix aucta fibris, tenuis, & circularibus notata rugis, sapore gaudet tandem parum acri & exsiccante. Caulis recta adscendit plerumque unicus, striatus, unum alterumve pedem altus, ferme glaber, simplicissimus aut non admodum ramosus. Folia valde variant, omnia tamen pinnata ex foliolis utrinque duobus vel tribus cum impari, vel rarius ternata. Petiolo insident tereti, antice sulcato, basique in membranam terminato amplexicaulem. Foliola sunt serrata, utrinque scabra, hirsuta, sessilia; caulina acuta, lanceolata, interdum ad basin appendiculata; radicalia magis rotundata; foliolo extimo in plerisque magis vel minus trilobo. Umbella universalis convexula, ex radiis composita a quatuor ad quindecim, suffulcitur involuci foliolis paucis aut nullis. Involucrum partiale fit ex foliolis circiter senis linearibus, exterioribus longioribus. Petala sunt alba. Germina villosa. Flosculi extimi difformes & plani petala tria exteriora habent bifida, maxima, lateralium lobo interiore sèpe obsoleto; duo petala interiora autem parva & emarginata. Flosculis centralibus petala sunt emarginato-cordata, nec hæc omnimode æqualia. Hi plerique masculi abortant, ultra quos tunc elongantur hermaphroditi in radio fertiles, in quibus germen augescit celeriter, antea minutum. Semina cum Heracleo Sphondylio convenient, dumtaxat paulo minora. In apricis saxosis herbidis alpinis crescit frequens, florens a Junio ad Septembrim. Foliis pinnatis distinguitur ab Heracleo alpino diversissima planta. In

tabula etiam sicutur folium aliquod ternatum ex alio individuo; tum flos radians ex ampleribus speciminiibus, & semen.

TABULA SEXAGESIMA SECUNDA.

ATHAMANTA CRETENSIS. *Linn. Syst. pag. 208. Jacq. enum. vind.
pag. 218.*

Libanotis cretensis. Scop. carn. 1. pag. 192.

Libanotis Daucus creticus officinarum. Crantz. fasc. 219.

*Libanotis foliis hirsutis, triplicato - pinnatis, lobulis profundissime bipartitis. Hall.
bifl. helv. num. 745.*

Daucus creticus. Clus. bifl. CXCVIII. Camer. epit. 536.

*Daucus alpinus multifido longoque folio, sive montanus umbella candida. Baub. pin.
150.*

*Myrrhis annua, semine villoso breviore. Moris. bifl. 3. p. 302. s. 9. t. 10. f. 9.
quoad figuram.*

Tota planta in editioribus alpibus hirsuta est, in eorumdem descensu glabrior, in hor-
to culta, solis seminibus exceptis, glaberrima & nitida. Radix subfusiformis, ca-
lamum vel pollicem crassa, longissima ut vix evelli integra possit, rugis circularibus no-
tata, foris nigricans, intus albida, sapore dauci praedita aliquo & vix acri, atque peren-
nans, in rupium fissuris alpinarum nascitur haud infrequens; nullo coronatur capillito,
sed foliorum praeteritorum emarcidis integris vaginis; raris fibrillis vel nullis augetur; in-
feriore extremitate aut simplex manet, aut abit in ramos; & superne plerumque multiceps
evadit. Folia radicalia ex vaginis latis purpurascientibus & caulis basin occultantibus criun-
tur, triplicato-pinnata, circumscriptione ex oblongo triangulari; pinnulis linearibus,
brevibus, acutis, planis, angustis quidem, sed nunquam vere capillaribus. Caulina si-
milia sunt, sed minus divisa. Ramea summi saepe opposita. Caulis firmus, striatus, te-
res, semipedalis vel brevior, rarius altior, minus quam folia villositatem deponens, ad
ipsam basin vel supra illam, rarissime tamen excedendo unam tertiam altitudinis partem,
ramos paucos vel plures emittit simpliciores. Umbellæ planæ eriguntur. Involucrum
universale adest aut nullum, aut factum ex foliolis ab uno ad sex ex angusto lanceolatis;
aut etiam loco horum inveni folium bipinnatum. Involucri partialis foliola sunt pauca
a quatuor ad septem, lanceolata, acuminata, & concava. Petala alba, subæqualia, dor-
so hirsutula, propter apicem inflexum sunt cordata. In rameis umbellis interdum pistil-
lum ex integro deficit, atque hi flores abortant. In primaria umbella intermixtos similes
flores etiam vidi. Semina ovalia, hirsuta, hinc concava, illinc convexa & quadrifalcata
cum angulis & sinibus obtusis, cinerascentia, stylis persistentibus coronata, odoris ex-
pertia, sapore pollent aromatico, tandem acri. Floret Julio & Augusto; culta Junio.
Sistuntur ad latus semen utrinque conspectum, cum aucti ejusdem sectione transversa; &
flos auctus. Videtur mihi Daucus foliis fæniculi tenuissimis Casparis Bauhini, qui est Liba-
notis rupestris clarissimi Scopoli, & forte Athamanta annua Linnæi, ab hac nostrate plan-
ta differre specie propter constans discrimen cum caulis in rupestri ad summum usque ra-
mosi & subdivisi, tum pinnularum capillarium. De rupestris quidem Morisonus loqui vi-
detur, sed ejus figura, quam manifeste ex Camerariana truncata confecit, pertinet potius
ad nostram stirpem. Utrum semina Dauci cretici officinalis ex nostra specie desumantur,
hic ignoramus. Distinguere illa a seminibus plantæ nostratis nullo potui momento.



TABULA SEXAGESIMA TERTIA.

- CHÆROPHYLLUM BULBOSUM.** Linn. *syst. pag. 214.* Crantz. *fasc. 189.*
 Myrrhis radice bulbosa, caule inferius hirto, superne lævi, foliis triplicato-pinnatis, acute incisis. *Hall. hist. helv. num. 752.*
 Myrrhis caule inferius hirsutissimo, superne glabro. *Willich. disp. pag. 7.*
 Myrrhis fætens. *Riv. tab. 49.*
 Myrrhis annua, semine striato lævi, tuberosa nodosa coniophyllum. *Pluk. alm. 259.*
t. 206. f. 2.
 Cicutaria bulbosa. *Baub. pin. 161.*
 Cicutaria pannonica. *Clus. hist. CC.*
 Cicutaria odorata bulbosa. *Baub. hist. 3. part. 2. pag. 183.*

Ex deciduis seminibus nova plantula autumno enascitur, cuius radix proximo vere parvulum napum sistit, carnosum, albidum, insipidum, & edulem; qui foliis novellis interioribus non abscissis coronatus in foro Viennensi oleraceo vendi solet, edique coctus cum oleo & aceto instar lactucæ. Ex hoc fibrillis aucto æstate caulis attollitur rectus, a quatuor ad septem pedes altus, teres, virens & punctis maculisque ferrugineis adspersus, inferioribus duobus tribusve articulis per pilos albidos hirtis, reliquis superioribus glabris & infra folia magis minusve tumentibus, fistulosus, basi digitum calamum vel pollicem crassus, plerumque dumtaxat superne ramosus, quia in fruticetis crescere amat, extra illa aut culta etiam multo evadens ramosior. Folia sunt multiplicato-pinnata, orta ex vagina membranacea & amplexicauli; pinnulis pinnatifide incisis, acutis, supra glabris, una cum petiolis dorso pilis albis vagis longisque adspersis; laciniis in foliis ramorum caulisque superioris angustissimis, in caule inferiore latioribus, cuiusmodi partem aliquam ad latus depingi curavi. In quibusdam individuis pinnarum laciniias vidi ferme capillaceas. Involucrum universale adest nullum, aut unifolium. Particulare absolvitur paucis foliolis acutis. Umbella universalis parum convexa ex particularibus consimilibus componitur. Petala alba & inæqualia sunt obverse cordata cum apice attenuato inflexo. Stamina pallent. Semen duas tresve lineas longum est aciculare, fuscum, hinc planum cum sulco medio, illinc convexum & quinque striis parum elevatis notatum. Etiam semina sæpe occurunt ex oblongo ovato-acuminata & prioribus breviora. Floret Majo & Junio. Julio semen maturescit. Crescit ad fruticosa. Sistitur inferior & summa pars caulis plantæ quinquepedalis. Tum flos auctus. Semen vulgatius naturale, idemque auctum cum transversa facie. Tandem seminis non aucti varietas.

TABULA SEXAGESIMA QUARTA.

- CHÆROPHYLLUM AUREUM.** Linn. *syst. pag. 214.*
 Chærophyllum foliis hirsutis, petalis cordatis, seminibus obscure striatis. *Hall. hist. helv. num. 749. auct. helv. tom. 3. pag. 114.*
 Myrrhis perennis alba minor, foliis hirsutis, semine aureo. *Hall. ad Rupp. jen. pag. 282. tab. 5.*
 Myrrhis perennis minor, foliis hirsutis, semine striato aureo. *Moris. hist. 3. p. 301.*
 Myrrhis minor. *Baub. pin. 160.*
 Myrrhis altera parva. *Lob. ic. 734.*

Radix perennis, extus nigricans, intus albida aut flavescens, pollicem crassa, fibris do-
 natur pluribus, aliis tenuibus & capillaris, aliis calani crassitie pedalibus & fusce-
 scensibus. Caulis erigitur ad duorum trium quatuorve pedum altitudinem, substriatus,
 me-

medulla farctus in centro, glaber omnino aut ad basin pilis raris adspersus, sub geniculis intumescens, in parte folium proximum superius spectante angulatus simulque sulco accumbente exaratus, ex adversa parte teretior, ramosus, pallido & veluti incano colore virens, aut purpura sæpe tinctus eademque variegatus ad magnam altitudinem. Folia odo rem habent subaromaticum nec ingratum, quem trita imprimis spirant, non raro tamen debilem in planta senescente. Radicalia multo latiora sunt, atque omnino folia valde variant in diversis. Petioli vaginantes inferne vestiuntur pilis albis, & ipsi eo hirsutiores evadunt, quo ad foliorum divisuras ultimas proprius accedunt. Foliola sunt ex oblongo lanceolata, pinnatifida incisa, acuta, subtus hirsutula, pallide virentia, extrema longe confluentia. Pro involucro universalis plerumque unicum adest foliolum; etiam desideratum. Umbellis partialibus subsunt quina vel sena, ad oras subpilosa, lanceolato-acuminata, reflexa. Umbellæ sunt planæ, partiales parvæ. Petala sunt alba, semibifida, extima in ambitus flosculis majora, propter apicem valde inflexum cordata. Antheræ purpurascunt. Flos centralis brevissime pedunculatus, pluresque ex circumferentia alii, sunt hermaphroditi & fertiles. Hisce vero immiscentur alii germine destituti & steriles. Petala interdum sunt duplo minora, quam delineata, idque imprimis in umbellis primo florentibus. Semina oblonga glabra & quadrilinearia, intus, qua se mutuo tangunt, sulco profundo exarantur; extus vere sulcata non sunt, sed potius obsoletius angulata, fuscescentia cum angulis pallidioribus, (sed qui color in nostratis certe aurei nomen minime meretur,) inodora, saporis aromatici, vix acris, nec grati. Floret Majo & Junio. Semina maturescunt Julio & Augusto. Crescit in montosis. Sistitur etiam semen; idemque discissum auctum; tum auctus flos disci cum staminibus nedum exporrectis, idemque radialis.

TABULA SEXAGESIMA QUINTA.

CHÆROPHYLLUM TEMULUM. Linn. *sys. pag. 214. Crantz. fasc. p. 190.*

Chærophyllum sylvestre. Baub. *pin. 152.*

Myrrhis foliis hirsutis, laciinis obtusis, caule geniculato. Hall. *bifl. helv. num. 750.*

Myrrhis annua vulgaris, caule fusco. Moris. *bifl. 3. p. 302. s. 9. t. 10. f. 7.*

Myrrhis. Riv. *pentap. irr. tab. 48.*

Cerefolium sylvestre. Tabern. *herb. part. 1. pag. 353.*

Radix biennis altero demum anno caulem profert pedalem vel bipedalem, erectum, in ramos divaricatum plures vel paucissimos, inferne compressum & subangulatum, cæterum subteretem, solidum, substriatum, punctis atropurpureis sæpe adspersum, sub geniculis tumentem, brevissimis pilis vestitum, ad tactum modice scabrum. Folia radicalia & ramea ex petiolo vaginante orta, hirsutula, mollia, obscure virentia & duplicito-pinnata dividuntur in pinnas subovatas obtusas & lobato-incisas. Umbellæ florentes eriguntur, aut in latus parum inclinantur, antea valde nutantes; quod quidem cum non paucis umbelliferis commune habent. Universales componuntur ex radiis numero variis a quinque ad duodecim, inæqualibus, involuci foliolo nullo, rarius uno alterove suffultæ. Sub particularibus umbellis foliola sunt lanceolata, acuta, reflexa, plus minus sena. Flosculorum exteriorum petala paulo majora sunt, cuiusmodi auctum foliolum ad latus depingi curavi. Petala alba, ad medietatem incisa & semibiloba cordatam hinc figuram habent. Antheræ pallent. Flos centralis & extimi fructum gerunt. Reliqui intermedii plures abortant ob germinis defectum, etiamsi stylis instruantur. Semina oblonga, glabra, fusca, bilinearia, acuta, intus concava, extus obsolete & obtuse quinqüesulcata cum angulis pallentibus maturescunt Julio & Augusto; dum planta floret Majo & Junio. Crescit in sylvis, sepibus, imprimis ad margines. Seorsim exhibetur fru-



Sus integer in magnitudine naturali, semenque auctum & discissum transversim, ut circumferentia appareat.

TABULA SEXAGESIMA SEXTA.

SIUM LATIFOLIUM. *Linn. syst. pag. 211.*

Sium. Riv. pentap. irr. tab. 77.

Sium foliis pinnatis, argute dentatis, umbellis erectis. Hall. hist. helv. num. 777.

Coriandrum latifolium. Crantz. fasc. pag. 212.

Tabula 246. Oed. flor. dan.

Cum in hac, tum in sequente planta, omisi synonyma Bauhiniana, aliaque, quod dubia mihi videbantur. Tota planta glaberrima est. Radix perennis constat fibris numerosis, teretibus, albis, longisque, quæ per limum disperguntur. Et similes etiam radices, quo usque pars caulis stat aquis immersa, e nodis ejusdem proximis in limum descendunt. Hic autem humanæ sèpe altitudinis, alias quoque brevior, nodosus, inanis, foliosus, & ramosus, ad exortum diametro unciam æquat in individuis majoribus, & sex plus minus angulos obtusos totidemque habet inæqualis latitudinis latera. Foliola lanceolata vel magis oblonga, modo valde angusta, modo latiora, ratione tamen latitudinis propriæ semper multo angustiora quam sunt folia Sii sic dicit angustifolii, a tribus ad sex uncias longa, argute ferrata, & acuta, tria vel quatuor cum terminante impari (interdum absente) adsident utrinque costæ ad basin vaginanti, ceterum angulatæ inani & in maximis bipedali. Sub aqua folia quandoque egrediuntur difformia crebriusque & in capillares ferme pinnas divisa. Atque alias etiam folia radicalia extra aquam elevata variare solent, cuiusmodi specimina truncata in tabulæ margine repræsentantur. Umbellæ terminant caulem ramosque erectæ, amplæ, parum convexæ, compositæ ex radiis tricens aut pluribus, & suffultæ involucri foliolis circiter octonis, angustis, acuminatis, umbella duplo triplove brevioribus, plerumque indivisis, interdum incisis, inter se æqualibus, patentissimis vel reflexis, margine membranaceo albicante donatæ. Sub umbellis particularibus involucra sunt similia, sed pauciora, deficientibus scilicet foliolis aliquot interioribus, eoque pluribus, quo sunt umbellulæ centro viciniores. Perianthium proprium notabile est. Petala alba, ferme æqualia, figura gaudent subrotunda, simulque propter inflexum, in quem desinunt, apicem subcordata. Antheræ purpurascunt. Styli pallent. Semina ex ovali oblonga plerumque in medio ab invicem divergunt in fructu, qui tunc inde evadit orbicularis & compressus, neutquam vero globosus; ceterum etiam seminibus magis contiguis ex oblongo ovatus. Sunt vero semina fusca, incurvata, hinc plana, illinc striis quinque rotundatis atque elevatis sulcata, trita inter digitos cumini odorem spirantia, eodemque prædicta odore cum juncta acrebine. Sistitur summa pars caulis, ejusdemque infima; tum fructus integer; ad lentem auctum semen, ejusdemque facies transversa, & flos. Crescit inter arundines in inundatis. Floret Julio & Augusto. Semina fert Octobri.

TABULA SEXAGESIMA SEPTIMA.

SIUM ANGUSTIFOLIUM. *Linn. syst. pag. 211.*

Sium Berula. Gouan. flor. monsp. pag. 218.

Sium erectum. Hudson. angl. pag. 103.

Sium minus. Riv. pent. irr. tab. 78.

Sium foliis radicalibus ovatis, pinnatis, dentatis; caulinis appendiculatis, umbellis alaribus. Hall. hist. helv. num. 778.

Sium

Sium erectum, umbella brevi, seu Pastinaca aquatica. Raj. hist. pag. 444.

Apium Sium. Crantz. fasc. 215.

Tabula 247. Oed. flor. dan.

Tota planta est glaberrima, &, imprimis trita, odorata. Radice convenit cum Sio latifolio, caule etiam ex geniculis ad quamcunque altitudinem suam, qua sub aquis sive erectus sive prostratus latet, radices fibrosas luto immittente; eoque id in hac specie accidit frequentius altiusque, quod caulis quam in illa procumbat crebrius; qui tamen etiam erectissimus s̄apenumero conspicitur; ita ut in nostra regione casui fortasse, scilicet aquarum copiae vario tempore variæ, aut irruentium earundem post imbres impetui, debeat procumbentiam suam. Nec raro hinc abruptus a radice propria, porro per fibrillas de geniculis exortas, caulis crescere pergit, ut sic radix primordialis desideretur. Hanc propterea ad latus depingi curavi in juvene planta nedum caulescente; quæ tunc articulata & cauliformis numerosas ex nodis fibrillas generat, ipsa modo brevissima, modo longior; & cujus infima extremitas obtusa & impervia cum fibrillis suis fuisse totius plantæ primordium credi potest. Caulis est teres, tenuissime striatus, inanis, s̄apē purpurascens, superne interdum parum angulatus, vel ab ipsa interdum ramosus radice, tandem diffusus. Folia pinnata ex vagina amplexicauli ortum ducunt; costa tereti, striata ac inani. Foliola sunt sessilia, ex lanceolato oblonga aut magis subovata, acuta, argute serrata, opposita, cæterum & numero & forma variantia. Sunt enim alia ex utraque parte ad basin auriculato - incisa; alia magis simplicia. Serraturæ modo profundiores, modo æqualiores, modo minus. Foliolorum par infimum quandoque procul distat a pari proximo. Impar foliolum vel est simplex, vel appendiculatum, vel semitrilobum. Umbellæ omnes sunt pedunculatæ; vere enim sessilem nunquam vidi; diversamque hinc plantam probant a Sio nodifloro, umbellis gaudente omnibus sessilibus, cuius bonam Morionus figuram dedit, in Austria nedum, quod sciam, repertæ; ut itaque hæ plantæ, cæterum simillimæ, confundi non debeant. Umbellæ porro omnes, primo terminales, deinde evadunt pleræque foliis oppositæ, quia novus ramus folium inter & pedunculum egreditur; quod etiam aliis quibusdam umbelliferis solenne est. Involuci universalis foliola sunt circiter sena, lanceolata, acuta, inæqualia, integerrima aut diversimode incisa, & reflexa. Partialibus umbellulis similia foliola subjacent, sed minora. Umbella universalis convexa constat partialibus hemisphæricis a decem ad septemdecim. Petala alba subæqualia & patula apice leviter inflectuntur, hinc subcordiformia. Stamina pallent. Flosculi omnes fertiles fructum ferunt ex ovato rotundatum, compressum, stylis patentibus coronatum, parvum, rugosuscum, ex nigro fuscum, odoris aromatici, saporis ingrati & acerrimi, in bina secundem semina subovata, hinc plana, illinc rotundato - angulata cum angulis tribus vel quatuor. Semina etiam interdum sunt terna cum stylis totidem. Floret Julio & Augusto. Semina maturescunt Octobri. Crescit in rivulis & aquis stagnantibus. Adstat etiam fructus integer in magnitudine naturali; tum idem auctus cum seminis transversa sectione; deinde flos auctus.

TABULA SEXAGESIMA OCTAVA.

ATHAMANTA OREOSELINUM. Linn. syst. pag. 208.

Selinum Oreoselinum. Scop. carn. 1. pag. 201. Crantz. fasc. pag. 169.

Selinum foliolis ovato - acutis, acute ferratis & incisis. Linn. hort. Cliff. 92.

Selinum foliis triplicato-pinnatis, angulis divisionum obtusis. Hall. hist. helv. num. 803.

Oreoselinum. Clus. hist. CXCV. Riv. tab. 8. Dod. pempt. 5. l. 4. c. 3.

Oreoselinum majus. Moris. umb. pag. 41. tab. 10. fig. 1.

Oreoselinum apii folio, minus. Tourn. inst. 318.

Apium montanum folio ampliore. Baub. pin. 153.



Tota planta glabra est, & trita inter digitos odorata. Radix perennis, albida, teres, plerumque simplicissima & vix fibris aucta, digitum vel pollicem crassa, pedalis, fatis fuscis coronata, carnosofibrosa, saporis aromatici parum acris nec grati, recta in terram descendit, primo ætatis anno sola profert folia radicalia, subsequis caulem ut plurimum unicum, erectum, solidum, teretem, striatum, imprimis superne in ramos aliquot divisum, ab uno ad tres pedes altum, calamum, vel & digitum crassum. Folia multiplicato-pinnata & ampla costam habent teretem, ex basi membranacea dilatata & amplexante exortam, in foliis radicalibus saepe longam, quæ in ramos subdividitur ad angulos rectos iisse ve maiores egressos, ad nodos, ac si fracti forent, plerumque distortos, hinc insolito habitu valde diffuso prædita. Foliola sunt pinnatifide laciniata, acuta, subitus venosa, latiora vel angustiora; aut sunt semitriloba, aut solo apice trifida, aut alia. Vaginæ foliorum plerumque purpura plus minus tinguntur. Sæpe etiam caulis. Inveni quoque folia ipsa tota sanguinea. Involucri universalis foliola valde variant numero, nunc unicum, alias duo, tria, imo novem & plura, anguste lanceolata acuta & reflexa. Pro involucro partiali semper adsunt plura, interiora brevissima, cæterum similia. Umbella universalis ampla, inæqualis, planiuscula aut magis convexa componitur ex pluribus partialibus magis densis & convexis. Petala sunt ovata cum apicibus inflexis, vix cordata, æqualia, & coloris plerumque nivei, interdum rosei. Antheræ pallent. Omnes flosculi fertiles sunt. Fructus immaturus saepius eleganter rubet, matus paler cum disco fusco. Complanatus constat duobus seminibus orbicularibus interdum basi magis elongatis, planis, nucleo tribus striis pallidioribus variegato, margine membranaceo. Interdum fructus ex feminibus tribus componitur, cuiusmodi depictus integer in magnitudine naturali etiam adstat; tuncque semen unum, etiam depictum, a solita figura deviat, alas habens versus dorsum detrusas & conniventes, hinc ibidem sulcatum, antice acutum. Crescit in sabulosis herbidis montanis. Floret Augusto & Septembri; quo etiam ultimo mense maturescunt semina. Ad latus etiam flos auctus sistitur. Ipsa planta ex sylvestribus majoribus est, deficiente parte aliqua intermedia.

TABULA SEXAGESIMA NONA.

ATHAMANTA CERVARIA. Linn. syst. pag. 207.

Selinum cervaria. Linn. spec. pl. edit. primæ pag. 1194. Scop. carn. I. p. 201. Grante. fasc. pag. 167. tab. 3. fig. 1.

Selinum foliis duplicato-pinnatis, pinnulis semibilobis, circumferratis. Hall. bift. belv. num. 804.

Cervaria. Riv. pentap. irr. tab. 12.

Seseli montanum secundum pannonicum. Clus. bift. CXCIII.

Daucus montanus, apii folio, albicans. Baub. pin. 150.

Libanotis Theophrasti nigra. Tabern. herb. part. I. pag. 388.

Tota planta glaberrima & odorata est. Radix teres, saepe longa pedem, crassitie pro varia ætate diversæ, perennis, & intus albicans, cortice vestitur nigro rugoso & crasso; succo scatet glutinoso, in lâsa imprimis de corticis interiore substantia exeunte, flavicante, saporis initio resinosi, deinde acris & salivam carentis. Coronam setaceam a præteritis foliis habet, caulemque producit frequentius unicum, recta assurgentem, altitudine admodum variantem ab uno ad quinque pedes, teretem, substriatum, pallide virentem aut purpurascem, non raro sine ullo ramo simplicissimum, alias ramis paucis brachiatum, medulla farctum alba, leviterque compressum. Folia radicalia sunt ter pinnata, caulinâ bipinnata: foliolis oppositis, sessilibus aut brevissime petiolatis, subovatis, acutis, inæqualiter & argute ferratis cum dentibus mucronatis, aliis integris, aliis lobato-incisis, extremis plerumque semitrilobis, facie virentibus aut pallide aut latius, dorso glaucis &

per

per venulas obscuriores reticulantis, firmis. Petioli in foliis radicalibus & caulinis s^epe inferioribus sunt longi, subcompressi, substriati, & sola in basi ampliati & membranacei. Vaginæ superiores, sine petiolo interposito alio, folia multo minora minusque divisa sustinent; in summo caule sola foliorum rudimenta. Involucri universalis foliola sunt circiter decem, ex lanceolato linearia, in setulam acuminata, reflexa cum marginibus membranaceis albis & undulatis. Particulare fit ex foliolis setaceis; cæterum simile priori. Neutrū unquam deficere in florente planta vidi. Umbella universalis ampla & parum convexa componitur ex umbellulis valde convexis plus minus vicenis. Floribus petala sunt nivea, ante explicationem quibusdam in individuis purpurascētia, apice antrorsum flexo & serrulato subcordata. Omnes fertiles sunt, & semina dant Septembri matura, quæ sunt subrotunda, extus compresso-plana, & fusca, intus plana & pallidiora, in marginem attenuata membranaceum; hinc atque illinc ad latus exhibita in magnitudine nativa, quibus flos adstat auctus. Floret Augusto. Tabula exhibit plantæ mediocris infimam & summam partem, deficiente parte aliqua intermedia.

TABULA SEPTUAGESIMA.

PEUCEDANUM ALSATICUM. *Linn. syst. pag. 208.*

Selinum alsaticum. Crantz. fasc. pag. 159.

Selinum foliis quadruplicato-pinnatis, nervis canaliculatis. Hall. hist. helv. num. 798.

Daucus alsaticus. Baub. prodr. 77.

Umbellifera alsatica magna, umbella parva sublutea. Baub. hist. 3. part. 2. pag.

106.

Ex radice perenni, ramosa, foris nigra, digitum crassa, foliorum reliquiis capillata, & saporis subacris, egreditur caulis annuus, erectus, striatus, angulatus magis minusve, ramosissimus omnium, statura varius, pedalis vel humanam æquans altitudinem. Rami s^epe jam a caulis infima parte exoriuntur, ut tunc tota planta paniculata evadat. In aliis ex adverso caulis elegans assurgit, & panicula ista in superiore plantæ parte locum habet, semper autem rami sunt tam numerosi atque adeo umbelliferi, ut vel eminus planta facile dignosci queat. Rami medulla alba farciuntur; caules majores s^epe sunt inanes. Folia sunt multiplicato-pinnata, ratione ipsius plantæ magnitudine diversa, sic in majoribus radicalia sesquipedalia costis inferioribus lateralibus pedalibus, superiora sensim decrementia. Costæ sunt striatae, antice canaliculatae, purpureæ; caulinæ superiores mere membranaceæ, ut hic folia dependeant, nec erigantur aut pateant. Foliola variant, dum sunt profunde trifida, quadrifida, vel etiam pluries incisa; laciniis lanceolato-oblongis, acutis, planis. Umbellæ raræ & planæ involucrum constat foliolis circiter quinis, angustis, acutis, brevibus & patulis. Similiter se habet involucrum partiale. Petala sunt pallide flava, ovata, cum apice angustato antrorsum inflexo. Calyx proprius pentaphyllos & parvus viret. Antheræ didymæ flarent. Germinis vertex est luteus. Semina sunt compressa, nucleo nigricante extus striis tribus in membranulam elevatis pallidisque notato, & excurrente in marginem undique membranaceum tenuem fuscescentem. Videtur mihi flos unus alterve ex centro, germine destitutus, abortare. Tota planta odore prædicta est aromatico, nec grato. Floret Augusto & Septembri. Semina perficit Octobri. Crescit in apricis asperis. Tabula repræsentat plantæ majusculæ caulem extremum, eundem intermedium, infimumque cum adhærente radice, ita ut ubique partes desint. Tum florem & semen utrinque conspectum. Tandem florem auctum, uti & semen cum ejusdem transversa circumscriptione.



TABULA SEPTUAGESIMA PRIMA.

SELINUM AUSTRIACUM. *Jacq. enum. vindob. pag. 220. Scop. carn. 1.*

pag. 200.

Selinum argenteum. Crantz. fasc. pag. 174. tab. 4. f. 2.

Caulis saepius simplicissimus, rarius ramosus & brachiatus, attollitur ad duorum trivium pedum altitudinem, nitidus, striato-sulcatus, virens cum striis elevatis pallentibus, foliosus, alba medulla farctus, calatum crassitie raro superans, aut solitarius ex radice primum caulinera, aut etiam plures ex latere perennantis annosioris. Hæc vero, capite hinc principe præmorso, tunc valde difformiter crescere solet, longis crassisque terræ immisis fibris, uti ipsa, fordiste albentibus saporisque subamaricantis & acris. Ex petiolis teretibus, radicalibus saepè pedalibus, striatis, basique vaginantibus & membranaceis, folia exoriuntur multiplicato-pinnata, glabra, facie saturate, dorso dilute virentia & venulosa. Foliola sunt pinnatifide incisa, mucrone exiguo donata, plana, nunc lata, nunc angusta, & omnino satis variantia in diversis individuis, odoris ferme expertia, saporis herbacei subacris & ingrati. Involucri universalis foliola circiter sunt decem, ex lanceolato linearia, vix semipollicaria, acuminata, integra, reflexa, persistentia, ad oras membranacea & albida. Cum his foliola involucri partialis congruunt, in extimis umbellulis extima longiora; cuiusmodi involucrum ad latus extat depictum. Umbella universalis ampla convexa patensque uncias in diametro æquat quatuor vel quinque, e radiis constans superne villosiusculis viginti vel triginta. Partiales sunt densæ & convexiores. Petala sunt æqualia alba & ob apicem inflexum late cordiformia cum lateribus parum reflexis. Antheræ ex sulphureo pallent. Styli, in flore erecti, divergunt in fructu. Flores centrales, germine carentes, abortant plurimi. Seminum nuclei sunt fusci, elliptici, hinc plani, illinc convexuli & tribus quatuorve striis elevatis notati, excurrentes in marginem membranaceum tenuem & pallentem; hinc semina tota aut ovata, aut magis rotundata. Horum exhibitur in tabula utraque facies magnitudine naturali; tum seminis discissi auctique ad duplum transversa circumscriptio; & flos etiam auctus. Floret Julio & Augusto. Semina maturescunt Augusto & Septembri. In asperis herbidis montosis frequens crescit.

TABULA SEPTUAGESIMA SECUNDA.

SELINUM CARVIFOLIA CHABRÆI. *Crantz. fasc. pag. 162. tab. 3.*

fig. 2.

Carvifolia. Chabr. sciagr. pag. 389. Bauh. hist. 3. part. 2. pag. 171. Bauh. pin. 158.

Vail. paris. tab. 5. fig. 2.

Tota planta glaberrima est. Ex radice fusiformi, simple vel in ramos divisa, semipedem circiter longa, calatum vel digitum minimum crassa, albida & quandoque extus flavescente aut rufa, rugis saepè (nec semper) circularibus notata, saporis pauci & subacris, perennante atque per ætatem multiplicite, annuatim recta assurgunt caules plures, teretes, striati, superne ramosi, virentes, non raro purpurascentes, duos tres vel etiam quinque pedes alti pro varia fruticum altitudine, quos inter planta crescit, dum extra hos comam fere solam attollit. Folia radicalia & caulina omnium infima, petiolis teretibus, antice sulcatis, striatis longisque innixa, sunt circumscriptione oblonga, & composta ex foliolis oppositis pinnatis vel tantum pinnatifidis, basi folio simili auctis, ac propterea costam saepè decussantibus; pinnulis lanceolato-linearibus planis & acutis. Folia caulina constant foliolis minus divisis, sed plerumque longioribus. Summa sunt simpliciter pinnata. Horum vero omnium petioli sunt toti membranacei, plani, & intus albidi;

atque hinc debiles folia erēta sustinere haud apti, quæ propterea ad caulem pendula sunt. Involucrum universale adest nullum. Particulare etiam rarissime invenio, unifolium & se-taceum. Radii a sex ad octodecim valde inæquales patent in florescentia, in fructu eri-guntur. Umbella universalis plana & rara componitur ex umbellulis magis densis, quæ tamen propter divergentes proprios radios sæpe in centro flosculis nudatæ conspicuntur. Germinis in fructum abituri vertex ex atro rubet. Flores omnes fertiles petala habent oblonga, inflexa, vix cordata, æqualia, intus albida, foris leviter purpurascens. An-theræ pallent. Semina subovata & compressissima, hinc plana sunt ac albida, illinc in me-dio striis tribus parum elevatis insigniuntur, in marginem excurrentia membranaceum, odoris expertia, & sapore prædicta paucō ingrato & subacri. Crescit in collibus fruticosis. Floret Augusto & Septembri. Semina sunt matura Octobri. Tabula exhibet plantam staturæ mediocris, cum seminibus duobus seorsim positis, altero latiore, magis oblongo altero, atque hoc quidem utrinque delineato; tum seminis transversim discissi auctam faciem, floremque audum.

TABULA SEPTUAGESIMA TERTIA.

ERYSIMUM HIERACIFOLIUM. Linn. *syst. pag. 441.*

Erysimum pannonicum. Crantz. *fasc. pag. 28.*

Erysimum foliis lanceolatis, obsolete dentatis, filiisque pedunculis adpresso. Gerard.

prov. pag. 363.

Leucoium luteum sylvestre pannonicum serrato folio obtuso & acuto. Bauh. *hist. 2.*

pag. 873. fig. 1.

Leucoium luteum sylvestre hieracifolium. Bauh. *pin. 201.* Hall. *hist. helv. pag. 196.*

ad calcem num. 450.

Radix annua, sublignosa, longa, digitum crassa, albida, sæpe ramosa, rectaque de-scendens, nisi allidatur ad saxa, caulem emittit solitarium, vel etiam rarius plures, ut plurimum ad ipsum exortum incurvatum, mox adscendentem atque erectum, parum asperum, medulla candida farctum, foliosum, altitudinis variæ a pedali ad expedalem, in majoribus individuis digitum minimum crassum, multangularem veluti per membranulas extantes, aut simplicissimum, aut ex alis per ramos simplices erectosque paniculatum, id-que imprimis superne, tum etiam rarius vel ab ipsa radice. Folia sunt ex oblongo lan-ceolata, basi attenuata, subsessilia, acuta, raris denticulis ad oras munita, interdum pro-fundius sinuata quam in specimine depicto, subscabra, planiuscula, viridia aut ex atro etiam purpurascens, inferiora in planta adolescente arefacta & deperdita, in fructescente sæpe jam nulla. Flores locantur in racemis terminalibus, prædicti odore suavi, sed paucō. Ca-lycis cum flavedine pallentis, ad apicem virentis, glabri compressisque foliola opposita duo ad basin magis protuberant; reliqua duo apice in gibbum concavum efformantur. Peta-lorum luteorum unguis calycem modice superant. Antheræ virent cum flavedine. Stig-ma est capitatum & emarginatum. Siliquæ exacte tetragonæ eriguntur, parallelæ cauli ramisque. Racemi valde producuntur, denseque tandem toti teguntur fructibus; qua so-la nota facile ab affinibus distinguitur. Tum præterea ab Erysimo cheiranthoide imprimis florum odore & magnitudine, petalis magis subrotundis & foliis versus apicem minus at-tenuatis. A Cheirantho Erysmoide filiquarum costis omnibus rectangulis & radice annua. A Cheirantho alpino caulis magis argute angulatis, flore paulo majore, & foliis non incanis. Floret a Junio ad Septembrim, quo semina perficit. Crescit in scrobibus glareo-sis ad latera viarum, in agris lapidosis, ad vineas, montium declivia aspera; sæpe maxi-ma copia. In iconē desideratur pars plantæ media circiter pedalis.



TABULA SEPTUAGESIMA QUARTA.

CHEIRANTHUS ERYSIMOIDES. *Linn. syst. pag. 441. mant. 428.*

Cheiranthus sylvestris. Crantz. fasc. 45.

Erysimum Hesperis. Scop. carn. 2. pag. 28.

Hesperis foliis glabris, linearibus, lanceolatis, obiter dentatis. Hall. hist. helv. num. 449. tab. 14.

Leucoium sylvestre. Clus. hist. 299.

Leucoium angustifolium, alpinum, flore sulphureo. Allion. pedem. 1. pag. 44. tab. 9. fig. 2. & 3.

Leucoium luteum sylvestre Clusi. Baub. hist. 2. pag. 873. figura altera.

Leucoium luteum sylvestre angustifolium. Baub. pin. 202.

Radix perennans, lignosa & semipedalis, quam, ad saxum allisam atque hinc horizontaliter pergentem, semel tripedalem inveni, saepe gaudet amaricante, primo sationis anno sola folia radicalia, altero demum & subsequis caules annuos producit, cultaque multiceps evadit. Caulis ut plurimum in sylvestri planta solitarius, basi purpurascens, plerumque simplicissimus, rarius ex axillis foliorum ramos ab uno ad sex attollens, angulato-striatus, & foliosus, stricte erigitur; altitudine admodum diversus, a semipedali ad sesquipedalem, dum vel biuncialia specimina possideo ex Pyrenæis. Pro varia hac statuta diversus esse solet numerus florum, aut plurimorum, aut paucissimorum; sed qui magnitudinem tamen eandem servant. Pedunculi breves crassi & uniflori patent. Flores pollent suaveolentia Cheiranthi Cheiri debiliore. Calycis cum virore pallentis, ad apicem saepe ex fusco purpurascens, & erecti, foliola opposita basi deorsum protuberant. Petalorum luteorum unguis calycem æquant in explicatione, ultra quem postea elongantur ad unam tertiam partem. Antheræ pallide virent, effætæ fuscescunt. Germen tetragonum & lineare in stylum desinit brevissimum, coronatum stigmate capitato bifidoque. Siliqua erigitur, duas tresve uncias longa, tenuis, fusca, glabra, tetragona sic, ut oppositi duo anguli in parte siliquæ compressa minus emineant. Dissepimentum valvulas parum exsuperat. Semina sunt oblonga, coloris ex ferrugineo flaventis, nulla vel minima membrana cincta, saporis amaricantis & ingrati. Folia sunt angusta, acutiuscula, sessilia, obscure virentia, plerumque parum conniventia, in aliis ferme linearia, in aliis ex oblongo lanceolata, saepius integerrima, inferiora tamen in quibusdam individuis denticulata. Caules, folia & siliquæ immaturæ mediocri aliqua asperitate donantur. Floret Majo. Semina perficit Julio. Crescit admodum apud nos infrequens in asperis apricis montosis. Tabula sistit plantam sylvestrem elegantiorem, nec tamen elegantissimam; dein racemi fructigeri partem cum siliqua integra cumque dissepimentis post valvularum casum persistentibus.

TABULA SEPTUAGESIMA QUINTA.

CHEIRANTHUS ALPINUS. *Linn. syst. pag. 441. mant. 93. & 428.*

Erysimum cheiranthoides. Crantz. fasc. 28.

Erysimum foliis linearibus incanis & integris. Gerard. prov. 363.

Eruca sylvestris angustifolia. Lob. ic. 205.

Eruca angustifolia. Baub. pin. 99.

Tota planta scabriuscula est. Radix albida, a tribus ad decem uncias longa, duas vel plures lineas crassa, lignosa, biennis, modo recta descendit, modo inter saxa varie distorquetur, & primo anno sola promit folia radicalia. Caules stricte etiguntur, aut solitarii, aut rarius pauci, ab uno ad tres pedes alti, modo simplicissimi, modo superne ra-

mo-

mosi, subangulati, tenues, firmi, parum scabri. Folia sunt lanceolato-linearia, pilis brevissimis & vix conspicuis modice exasperata, sessilia, inordinate alternantia, magis minusve conniventia, acutaque. Hæc caulem ante florescentiam satis numerosa decorant; sed brevi post illam arescunt, pereuntque, adeo quidem, ut saepe sub florescentiæ finem caulis vel ad ramos racemosve usque foliis nudatus spectetur. In aliis autem individuis sunt angustissima, vere linearia, integerrima, ferme incana, & veluti convoluta, cuiusmodi caulis pars aliqua depingitur ad latus, tribus foliis instructa. In aliis multo sunt latiora, magis virentia, & inferiora obiter atque rariter dentata, uti ex caulis alias parte infra priorem exhibita patet. Medium habitum planta integre proposita docet. Caules & rami producuntur in racemos longissimos. Flores ferme omni carent odore. Calycis glau-ci glabri & parum compressi foliola duo opposita deorsum gibba sunt. Petala lutea in un-gues desinunt longitudine calycis. Stigma obsoletius bifidum est. Siliquæ tenues, tetra-gonæ, & erectiusculæ, modo pollicares sunt aut sesquipollicares, uti in planta depicta; modo bipollicares & filiformes, cuiusmodi cum semine exhibentur in margine. Floret Junio & Julio, semina dans Augusto & Septembri. In aggeribus, asperis apricis, ipsi-que suburbanorum hortorum muris frequentissime crescit, neutiquam apud nos alpina planta. Tanquam synonymum hujus plantæ adduxisse Hallerianam Hesperidem numero 450 descriptam; sed esse hanc suam, in litteris negante illustrissimo viro, lubenter ejus judicio steti, atque omisi.

TABULA SEPTUAGESIMA SEXTA.

- ACHILLÆA CLAVENNÆ. Linn. *Syst. pag. 566. Scop. carn. 2. pag. 179.*
 Achillæa foliis tomentosis, longe petiolatis, palmatis. *Hall. hist. helv. num. 114.*
Absinthium alpinum umbelliferum. Clus. hist. 339.
Absinthium alpinum umbelliferum latifolium. Baub. pin. 139.
Absinthium albis floribus, capitulis squarroso. Baub. hist. 3. part. I. pag. 183.
Dracunculus argenteus, sive Ptarmica incana humilis, foliis laciniatis absinthii lati-ribus æmulis. Moris. hist. 3. p. 40. s. 6. t. 10. f. 5.

Plantula elegans, grata odorata tota atque aromaticæ, in summis alpium jugis crescit, florens Julio & Augusto. Radix nigricans, parum acris, & perennans ætate multi-ceps evadit. Caules simplicissimi, plus minus semipedales, incani & annui eriguntur, superne per pedunculos unifloros & bifloros in corymbum abeuntes. Folia radicalia sunt oblonga, basi paulatim angustata in pedunculum longum, obtusa, pinnatifide incisa, ab uno ad tres pollices longa, crassiuscula, tomento tenuissimo utrinque incana, prædita sa-pore amaricante aromatico & subacri, tum odore, in quo videor mihi detegere quiddam de matricaria & absinthio. Folia caulina paulatim minus attenuantur; summa sessilia sunt. Flores calycem habent subvillosum ex foliolis margine atratis. Flosculi fæminei quini vel paulo plures, in radio locati, expanduntur in ligulam amplam niveam tridentatam obtu-sissimam & patentissimam. Flosculi hermaphroditi in disco plures pallidi antheris donantur luteis. Paleæ apice fuscescunt. Semina simillima seminibus Achillææ atratæ, ut vix di-stingui queant.

TABULA SEPTUAGESIMA SEPTIMA.

- ACHILLÆA ATRATA. Linn. *Syst. pag. 566. Scop. carn. 2. p. 179.*
 Achillæa foliis pinnatis, glabris; pinnis simplicibus & multifidis. *Hall. hist. helv. num. 111.*



Millefolium alpinum. *Baub. hist. 3. part. 1. pag. 139. fig. 1.*

Parthenium alpinum. *Clus. hist. 336.*

Matricaria alpina, chamæmeli foliis. *Baub. pin. 134.*

Tota planta aromaticum gratumque odorem, tanaceti aliquid habentem, possidet, cum sapore aromatico pungente. Radix lignosa, perennis, repens, fibras longas in terram mittit, & multiceps plures producit caules adscendentes, teretes, villosos, striatos, simplices, foliosos, desinentes in pedunculos ramulosve corymbosos, semipedales vel pedales. Folia pilosa & bipinnata sunt fere Achillææ Millefolii. Calycinorum squamarum virentium oræ aridæ atque erosæ nigrescunt. Corollæ radii sunt niveæ, a sex ad decem. Limbus flosculorum disci minus albet; tubus pallide viret. Antheræ sunt luteæ. Semina oblonga, superne latescentia, hinc plana, illinc convexula, glabra, nec flocco nec pappo instructa. Crescit in summis alpium jugis, ubi floret Julio Augusto & Septembri.

TABULA SEPTUAGESIMA OCTAVA.

BETONICA ALOPECUROS. *Linn. syst. pag. 394. Jacq. enum. vind. pag. 251.*

Crantz. fasc. pag. 256.

Betonica albo flore. *Clus. hist. XXXVIII.*

Betonica montana lutea. *Barr. ic. 339.*

Betonicæ folio, Alopecuros quorumdam. *Baub. hist. 3. p. 303.*

Betonicæ folio, capitulo Alopecuri. *Baub. pin. 335.*

Sideritis Alopecuros. *Scop. carn. vol. 1. p. 413. tab. 28.*

Alopecuros alpina, Betonicæ folio, capitulo alopecuri. *Seg. ver. vol. 1. pag. 318.*

Horminum minus album, Betonicæ facie. *Baub. pin. 239.*

Horminum alpinum luteum, Betonicæ spica. *Raj hist. 547.*

Radix fusca & fibris aucta perennat. Caules plerumque plures, simplicissimi, tetragoni, hirsuti, basi parum procumbunt, hinc eriguntur, semipedales aut altiores. Folia ex cordato ovata, nunc rotundiora, nunc magis elongata, obtusa, dentata, rugosa & hirsuta, ad radicem oriuntur plura longe petiolata, cauli insident opposita pauca breviter petiolata, summa interdum sessilia. Bractæ oppositæ exteriores, sive foliola verticillæ subjacentia, integerrimæ sunt. Ex his quælibet flores sustinet sessiles & aggregatos circiter senos, simul spicam efformantes pollicem longam unum alterumve; suntque infimæ sæpe a reliquis parum remotæ, unde spica evadit interrupta. Flores singulos bractea minor propria & lanceolata suffulcit, excepto interiori, qui nudus est, & primus floret. Levem sambuci odorem flores spirant. Calyx tubulosus ventricosus & pilosus supra medietatem dividitur in quinque dentes acuminatos erectos & æquales. Corollæ ochroleucæ & villosiusculæ tubus brevis illico in faucem longam continuatur, ut hæc pro tubi parte haberi quoque possit. Labii superioris ex ovato oblongi erectique apex est bifidus. Stigma bifidum & acutum patet. Filamenta sunt hirsuta. Germina nitida. Semina angulata, obtusa & fusca. Floret in alpinis Julio, culta Junio.

TABULA SEPTUAGESIMA NONA.

SENECIO ABROTANIFOLIUS. *Linn. syst. pag. 552. Jacq. enum. vind. pag. 288.*

Scop. carn. 2. p. 167.

Solidago foliis vaginosis, pinnatis, pinnis perangustis, acutis, simplicibus, & bifidis. *Hall. hist. helv. num. 71.*



Chrysanthemum alpinum secundum. Clus. hist. 333.

Chrysanthemum alpinum, foliis abrotani multifidis. Baub. pin. 134.

Jacobaea alpina, foliis multifidis, Etscheriana, flore luteo, plerumque gemello.

Plukn. alm. 194.

Ageratum ferulaceum Dalechampii. Baub. hist. 3. part. 1. pag. 152.

Achillæa montana, Artemisiæ tenuifoliæ facie. Lob. ic. 746.

Tota planta nitida est. Ex radice perenni & fibrofa caulis exit teres, foliosus, basi procumbens, ibidem radiculas terræ immittens, tandemque radicis ipsius partem efformans; dum sic etiam se planta propagat, & cespitosa ac multicaulis evadit. Exhinc caulis erigitur, semipedalis vel sesquipedalis, superne striatus, in summitate gerens florem, & ex foliorum extremorum alis pedunculis sive ramis simplicibus unifloris, aut similiter divisis & paucifloris, numero vario ab uno ad decem auctus. Folia inferiora sunt divisa bipinnatifide & petiolata; superiora pinnatifide & sessilia; laciniis linearibus, acutis, saepe crassiisculis. Calycis foliola crassa & virentia apicem habent fuscum, squamis ad basin vestiti brevioribus, cæterum similibus. Corollæ luteæ radiantes circiter decem, patentæ, lineatae, unciales, oblongæ, obtusæ, emarginatae simpliciter vel cum denticulo interposito, rarius quadridentatae. Semina glabra, & linearia coronantur pappo piloso sordide albenti. Floret a Julio ad Septembrim. In subalpinis muscosis saxosis crescit haud infrequens. Ex alpibus Carpaticis plurima specimina clarissimus Lipp attulit, omnia uniflora.

TABULA OCTOGESIMA.

GALIUM AUSTRIACUM.

Radix fusca, tenuis & repens perennat. Caules basi procumbentes ramique erecti sunt tetragoni, tenues, ad nodos rotundati, nitidi & glaberrimi. Folia numero variant a quinis ad decem, linearia aut paulo magis latescentia, nitida, glabra, plana, in mucronem sive aristam terminata brevem, & patentia. Flosculi exigui & nivei ultimis ramulis insident magis minusve divisis. Fructus subsequuntur obverse ovati, glabri, parum incurvati, parvi & nigricantes. Floret Majo & Junio, incolens montes saxosos apricos. Cauliculus fructiger ex plantula magis pusilla est. A Galio glauco differt caulibus quadrangularibus & statura minore. A Galio uliginoso imprimis foliis neutiquam retrorsum serrato-aculeatis, tum etiam solo natali. Cum Galio aspero Schreberi, in Halleriana stirpium Helveticarum Historia sub numero 715. descripto, & in alpibus nostris copiosissime crescente, quam maxime congruit; diversum tamen non minus glabritie omnium partium summa & constante.

TABULA OCTOGESIMA PRIMA.

GALIUM GLAUCUM. Linn. syst. pag. 118. Scop. carn. 1. p. 103.

Galium foliis oboconis, obtusis, supremis lanceolatis; floribus in summa planta fasciculatis. Hall. hist. helv. num. 716.

Gallium faxatile, glauco folio. Bocc. mus. 2. p. 172. t. 116.

Rubia montana angustifolia. Baub. pin. 333. prodr. 145.

Ex radice fibrofa rufescente & perenni caules exoriuntur singulares vel plures, erecti, teretes, nitidi, firmi, saepe flexuosi, supra nodos incrassati, ex glauco virentes, sesquipedales vel duplo altiores, superne per trichotomias in ramos plures subdivisi. Ultimi



ramuli umbellatim flores tres, quatuor aut quinque gerunt. Folia sunt sublinearia, patentissima vel erecta, rarius deflexa, pollicaria, facie glaberrima & virentia, dorso magis pallentia & ad digitum motum asperiuscula, in spinulam innocuam terminata, in quolibet verticillo circiter octona, in summis pauciora, lateribus valde revoluta, atque hinc apparet angustiora. Corollæ albæ tubus est campanulatus, & laciniæ patentissimæ cum extremitatibus reflexis. Antheræ flavent, effœtæ fuscescunt. Fructus subrotundi maturitate abeunt in semina duo, parva, glabra, obverse ovata, ad microscopium rugosa. Floret Junio. Fructus Julio maturescunt. Loca incolit aspera, imprimis ad fruticeta & margines sylvarum.

TABULA OCTOGESIMA SECUNDA.

AGARICUS ALLIACEUS. Jacq. enum. vindob. pag. 299.

Augusto & Septembri in sylvis subalpinis umbrosis & sterilibus haud infrequentem hunc fungum inveni per plures annos, forma vix variantem, & fœtore alliaceo fortissime ingrato præditum, etiam per octiduum asservato fungo pertinaciter adhærente. Semper fungi basin ligno putrido, ad unciam circiter profunditatem sub terra recondito, incrementem observavi, ibidem plerumque incurvatum, & hinc emittemen stipitem rectum, tenuem, firmum, nudum, semipedalem, nitidum, nigrum, striis paucis insignitum vel ex adverso nullis, intus cavum & sordide pallentem. Pileus integerrimus vel rarius levifluisse ad oras denticulatus, glaber, opacus, convexus, diametri sesquipollicaris, superne & fusco pallens, vel cum pallore fuscescit, interdum etiam, cuiusmodi depingitur, saturatus. Lamellæ pallent, inæquales, simplices pleræque, pauciores bifidæ. Matrici vix adhæret, idque solo baseos apice, ut ex terra evulsum olim terrestrem crediderim, qui putridorum lignorum parasitus est. Nunquam fungum hunc multiplicem inveni. Ceberrimus Linnæus suspicatur esse sui Agarici campanulati varietatem.

TABULA OCTOGESIMA TERTIA.

PAPAVER ALPINUM. Linn. syst. pag. 360.

Papaver Burseri. Crantz. fasc. 138. tab. 6. f. 4.

Radix perennis, subfibrosa, fuscescens, ætate cespitose exit in cauliformia capita, quæ basi procumbentia & foliorum præteriorum reliquiis petiolaribus capillata, superne surrecta emittunt folia plurima dense atque imbricatim exorta scaposque axillares. Illa ex petiolis longis, purpureis, ciliatis, ante fulcatis ac fragilibus, bipinnatifide desinunt in pinnas exiguae bifidas trifidas vel simplices; laciniis lanceolatis, glaucis, utrinque pilis albis hirtis, in similemque pilum terminatis: quæ tamen hirsuties major minorve obtinet in individuis diversis, ita tamen, ut vere planeque absentem in examinatis numerosis apprehenderim nunquam. Scapi eriguntur, semipedales, teretes, & pilis albis appressis hispidi. In flore solitario, erecto, debili suaveolentia prædicto, & ratione plantulæ plerumque magno, calyx est diphyllos hirsutus & caducus. Petala quatuor, raro plura, opposita duo reliquis duplo latiora, patentissima, longitudinaliter tantisper rugosa, perpetuo in alpibus nostris tota nivea. Antheræ luteæ. Capsula obverse ovata vel magis oblonga & pilis eretis hirta coronatur stigmate quadrifido, quinquefido vel sexfido. Crescit in præcipitiis saxosis alpium, aqua imprimis præterlabente irriguis. Floret Julio & Augusto. Semina perficit Augusto & Septembri. Culta in horto non mutavit habitum. Synonyma omnia Papaveris alpini flore luteo hic omisi, valde dubius, utrum re vera hoc pertineant?

Ex

Ex figura solum Seguerium huc referre potuisse. Oederi tabula quadragesima prima, quam pro sua planta citat Hallerus, in nostram stirpem minime quadrat. In missis Hallerianæ plantæ numero 1062 siccis speciminibus folia sunt glaberrima omnia, ut ne vel lente conspicere pilus ullus queat; foliola sunt etiam duplo longiora ad eandem latitudinem. Hæc si in Papavere luteo flore constarent, facilis esset distinctio. Decidere poterit, qui utrumque vivum videre.

TABULA OCTOGESIMA QUARTA.

SATYRIUM EPIPOGIUM. Linn. Syst. pag. 591. Jacq. enum. vindob. p. 164.

Crantz. fasc. 477.

Epipactis caule aphylo, flore supinato, libello ovato lanceolato, calcare ovato turrido. Hall. hist. helv. num. 1289.

Epipodium. Gmel. fib. 1. p. 12. t. 2. f. 2.

Peregrinus omnino, ut Halleri exordiar verbis, hujus plantæ habitus est. Radix ramosa, compressa, carnosa, albicans, fragilis, cespitoce aggregata partimque connata, & perennis, in terra levi ex putrefactis foliis ramu isque exorta nidulatur, & mensa Septembri, dum fructus maturescere incipiunt, novos turiones adscendentes producit, proximo anno in scapos elongandos, cujusmodi tres turiones in depicta radice spectantur, jam egredientes. Scapi teretes, fistulosi, eretti, nitidi, tenelli, sordide albentes aut purpurascentes, & simplices, ad intervalla vestiuntur spathis membranaceis & amplexicaulis, atque basi ipsa aut paulo altiori loco in tumorem ampliantur, ibidem non minus innanes. Spathæ florales sunt lanceolatae vel ovatae. Pedunculi breves. Flores penduli, eodem inclinati, pauci, interdum unicus, toti ita invertuntur, ut cornu nectarii summum locum occupet. Germen ex subrotundo ovatum & obtuse trigonum pallide flavet, lineisque obsolete purpureis inscribitur geminis in quolibet latere. Ex petalis quinque lanceolatis, conoavis, & flavescentibus, tria exteriora duplo angustiora patent, duo interiora antrorsum & deorsum porriguntur. Nectarii cornu adscendens, obtusum, pallide carneum & crassum longitudine germen æquat. Labii lacinia media amplior, eretta, concava, subacuta & ferme cordata, intus ex albo & purpureo variegatur, habetque limbum antice fimbriato-erosum. Laciniæ laterales semiovatae producuntur antrorsum. Stylus difformis & declinatus ampliatur in os trisidum patens & obtusum, cuius sunt laciniæ laterales breves & minores, dorsalis autem major, cui imponitur cucullus subrotundus, depresso, bilocularis, & antice apertus. Filamenta duo antheras gerunt flavas ovatas acutas & fulcas. Capsula ex subrotundo ovata & obtuse trigona, latere altero reliquis duplo latiore, semina includit numerosa & minutissima. Hinc ad latus sistitur flos integer, antice conspectus. Inde pistillum æstum cum stamine extra situm naturalem protracto. Crescit in subalpinis umbrosis sterilibus. Floret Augusto.

TABULA OCTOGESIMA QUINTA.

ANEMONE ALPINA. Linn. Syst. pag. 375. Crantz. fasc. pag. 124. tab. 3.
fig. 2.

Anemone burseriana. Scop. carn. 1. pag. 385.

Anemone foliis triplicato-pinnatis, acute circumferratis, caulinis ternatis, tubis caudatis. Hall. hist. helv. num. 1149.

Anemone sylvestris secunda. Clus. hist. 244.



Anemone alpina alba major. Baub. pin. 176. prodr. 94.

Pulsatilla alba. Lob. ic. 282.

Pulsatilla flore albo. Baub. pin. 177.

Radix perennis, longa, calamum aut digitum crassa, simplex vel in crura rarius divisa, foris nigricans, intus albida, scabra & inæqualis, sapore gaudet acri, & reliquiis coronatur emarcidis priorum foliorum. Caulis teres, fere semper unicus, basi purpurascens, pilis mollibus hirsutus, a tribus unciis ad tredecim altus, erectusque, florem sustinet singularem, & ad diversam in diversis individuis altitudinem folia exerit terna ex lata vagina orta, cæterum nudus. Flori petala sunt ut plurimum sena, rarius plura, ova-ta, patula, extus pilosa & sœpe purpurascens, intus glabra albaque aut in luteum colorem magis minusve tendentia, interdum duplo majora quam depicta. Antheræ luteæ insident filamentis corolla duplo vel triplo brevioribus. Semina ovalia, utrinque acuta, inque globum collecta, abeunt singula in caudam longissimam molli hirsutie ferme ad apicem usque plumosam. Ex radice folium unum dumtaxat alterumque prodit ternatum: foliolis pinnatis, interdum etiam ipsis triternatis; pinnis pinnatifide incisis, facie glabris, dorso & margine pilosis, acutis. Cæterum valde variant, cum hirsutie majore, vel ex adverso tantilla, quæ oculos ferme fugiat; tum quod magnitudine differant vel absoluta, vel relativa ad plantæ ætatem, ut sint aut triplicaria cum petiolis brevissimis, aut semipedalia suffulta petiolo communi etiam semipedali. Nunquam in Austria specimen invenire licuit Clusianæ iconi quoad folia convenientem, sed convenienti eidem optime missa ab illustri Hallero specimina Helvetica, uti elucet ex foliolo eorundem *a*, respondentे foliolo *b*. Huic aliquomodo accedebat ex specimine Austriaco desumptum foliolum *c*. Littera *d* indicat idem foliolum ex folio maximo. Nec minus variant folia caulina, ab unica ad sex uncias longa; ternata semper singula; sed quorum foliola modo longe petiolata sunt omnia, modo omnia vaginæ sessilia inhærent, aut denuo ita inhærent sola utrinque lateralia, dum intermedium petiolo instruitur. Crescit paßim in pratis subalpinis inque alpium saxosis, florens pro varia soli altitudine a Majo ad Septembrim. Fructus etiam matus adpingitur.

TABULA OCTOGESIMA SEXTA.

GNAPHALIUM LEONTOPODIUM. Linn. Spec. pl. edit. 1. pag. 855.

Scop. carn. 2. pag. 150.

Gnaphalium alpinum. Clus. hist. 328.

Gnaphalium alpinum, magno flore, folio oblongo. Baub. pin. 264.

Gnaphalium alpinum pulchrum. Baub. hist. 3. p. 161.

Filago floribus sessilibus, umbellatis, foliis tomentosis umbellam excedentibus. Hall. hist. belv. num. 152.

Leontopodium. Dod. pempt. 1. l. 3. c. 16.

Plantula elegans ex radice nigra lignosa perenni & multiplicite caulinis profert plures, erectos, biunciales, tomentosos & annuos. Folia sunt oblonga, obtusa, integerima, basi attenuata, radicalia in petiolum; atque hæc & caulina inferiora facie viridia, dorso alba; reliqua utrinque candidantia; summa circiter decem nivea & lana multa densissime vestita, perque hanc cum invicem circa basin connexa, & in rosulam imbricatam expansa. Ex his interiora supra basin florem gerunt singularem subsessilem, unico flore centrali caulem terminante, dum sic seni circiter flores compositi rosulæ foliaceæ occupant interiorem discum. In extimis etiam foliis sœpe conspicuntur rudimenta similiūm florū, qui ad perfectionem non pervenerunt. Flores itaque circumferentiæ insident foliis, uti in Turnera. Calyces communes ex ovato oblongi & flosculis pauxillo breviores sunt val-

de

de lanati. Constant foliolis circiter triginta, imbricatis, erectis, concavis, nitidis, vi-
rentibus cum margine membranaceo nigricante; exterioribus ovatis & obtusis, interiori-
bus oblongis magisque acutis. Lentis ope dum attente omnes flosculos examinavi, non
potui reperire discriminem inter flores circumferentia & florem centrale. In omnibus vi-
di duplex flosculorum genus, nec, praeter hos, alios. Scilicet in medio locantur nume-
rosi flosculi hermaphroditi, quibus est corollula subinfundibuliformis, pallida, limbo quinque-
fido patente. Anthera tubulosa, flava, petalo pauxillo longior & quinquedentata. Ger-
men oblongum villosum, & stylus villosus cum stigmate simplici obtuso. In ambitu pau-
ci sunt flosculi corolla & staminibus destituti, mero constantes pistillo ex germine magis
ovali & stylo abeunte in stigma reflexum bifidum vel quadrifidum. Semina coronantur
pappo subplumoso. Crescit in summis alpium jugis, ubi floret a Junio ad Septembrim.
In margine exhibitur quoque fastigium caulis cum flore centrali & duobus lateralibus,
avulsi partibus reliquis, ut pateat florum insertio. Tum foliolum calycinum; auctusque
flos lumineus & hermaphroditus, pappo abstracto.

TABULA OCTOGESIMA SEPTIMA.

HIERACIUM VILLOSUM. Linn. *Spec. pl.* 23. *pag.* 1130. *Jacq. enum. vind.*

pag. 271.

Hieracium foliis villosois, integrerrimis, radicalibus ligulatis, caulinis ovatis amplexi-
caulibus, calycibus villosois. *Hall. hist. helv. num. 44.*

Hieracium quintum villosum. *Clus. hist. CXLI.*

Hieracium alpinum latifolium villosum, magno flore. *Baub. pin. 128. Seguier. ver.*
3. pag. 268. Moris. hist. 3. p. 70. s. 7. t. 5. f. 58.

Hieracium alpinum, hirsuto folio, quintum Clusii, quodammodo incano. *Baub.*
hist. 2. pag. 1027.

Hieracium alpinum, latiore folio, pilosum, flore majore. *Pluk. alm. 184. t. 194.*
f. 2.

Adeo variat in multis sui partibus hæc planta pro soli diversitate loco que natali magis
vel minus alpino, ut concinnari difficuler descriptio possit, qui individuis compe-
tit omnibus. Radix inæqualis & perennis nigricat. Caulis erigitur, teres, pilosus, glau-
cescens cum punctis saepè fuscis, ut plurimum semipedalis, qui aut simplicissimus unico
flore terminatur, aut paucos habet ramos, plures autem, dum colitur in horto. Folia
integrerrima vel subdentata, acuta, glauca, longo mollique pilo sunt hirsuta, idque im-
primis in costa dorsali & ad oras; radicalia & caulinis inferiora oblonga cum basi attenua-
ta; caulinis subsequi subovata; summa subcordata amplexicaulia. Interdum etiam planta
tota inferne glaberrima est, vel pilis rarissimis obsita. Flos ratione plantulae maximus est.
Calyx longo denso alboque villo barbatus in flore expanso valde patet, in marcescente ma-
gis erigitur. Corollæ cum stigmate & antheris sunt luteæ. Crescit passim in alpinis &
subalpinis. Floret a Junio ad Septembrim. Omissa hæc planta in Systematis Naturæ edi-
tione duodecima fuit errore typographi.

TABULA OCTOGESIMA OCTAVA.

ASTER ALPINUS. Linn. *Syst. pag. 554.*

Aster foliis radicalibus petiolatis, ovatis, scabris, caule unifloro. *Hall. hist. helv.*
num. 82. Gmel. fib. 2. pag. 173. t. 73. f. 2.



Aster septimus, austriacus quintus. Clus. hist. XV.

Aster montanus cæruleus, magno flore, foliis oblongis. Baub. pin. 267.

Radix speciosæ plantulæ perennat, sœpe abrupta, nigricans, ab una ad sex uncias longa, vix calatum crassa, fibris aucta, plerumque multiceps, caules protrudit erectos, ab uncia una ad senas altos, teretes, hirsutos, simplicissimos, flore singulari terminatos. Folia sunt ex lanceolato oblonga, obtusa, alias etiam imprimis radicalia magis spathulata, in caule duo tria vel ad octo sessilia, integra, hirsuta, scabriuscula, ciliata, alterna; radicalia in petiolum attenuata. Sub flore ipso folium caulinum summum locatur. Calycis foliola sunt lanceolata, acuta, subhirsuta, plurima, omnia fere ejuſdem longitudinis, & pleraque apice patentia. Corollæ radii numerosæ, integræ & acutæ colore gaudent violaceo. In disco æque numerosæ sunt luteæ. Stigmata propriis corollulis concoloria sunt. Antheræ luteæ. Crescit in alpium jugis herbidis. Floret æstate.

TABULA OCTOGEIMA NONA.

CARDUUS DEFLORATUS. Linn. syst. pag. 529. Jacq. enum. vindob. pag.

277.

Carduus inermis, foliis ciliatis, scapo nudo, paucifloro. Hall. hist. helv. num. 164. tab. 4. f. 2.

Carduus dictus Cirsium folio laciniato, nigrius. Baub. hist. 3. part. 1. pag. 43.

Cirsium tertium montanum. Clus. hist. CXLIX.

Cirsium singularibus capitulis parvis. Baub. pin. 377.

Ex radice perenni, fusca aut nigricante, longa, fibris aucta, salivam colore rufo insicente, saporis subacris & ingrati, caules adscendunt plures, angulati, glabri, foliosi, simplices plerumque, abeentes in pedunculos aphyllos, longos, sublanuginosos, paucissimos, qui florem sustinent singularem & erectum. Folia ex lanceolato-oblonga, serrata, spinulo-ciliata, nec tamen pungentia, nitida, acuta, ad tactum pinguis, per caulem decurrentia, dorso glauca sunt, facie pallidius virent. Calycis squamæ mucronatae, molles, virides, angustæ & glabræ patent. Corolla cum rubore purpurascit. Semina ex fusco pallentia & nitida pappo coronantur piloso. Flores adulti & fructus modo penduli sunt, modo erecti. Floret a Julie ad Septembris crescens in subalpinis herbidis & pratensis saxonis.

TABULA NONAGESIMA.

CARDUUS TARTARICUS. Linn. syst. pag. 530. Sp. pl. pag. 1155.

In orta ex seminæ planta primo anno sola radicalia folia nascuntur; altero & subsequis ex radice ramosa fibrosa albida nec tuberosa caules elevantur erecti, sulcato-striati; in parte nervo folii medio subjecta, idque inferne manifestius, magis acute angulati; longe ramosi, subflexuosi, quadripedales, & parum lanati. Folia radicalia & caulina infima, cuiusmodi specimen a latere depingitur, sunt ex lanceolato oblonga, amplexicaulia & pinnatifida. Subsequum unum alterumve est sinuatum. Caulina reliqua longe lanceolata, vixque divisa. Omnia dentata, spinoso-ciliata, pungentia, acuta, semiamplexicaulia; inferiora subpubescentia & plana; summa glabriora, & ex his quædam basi concava. Flores odore aliquo prædicti erectique in foliis ultimis minimis paucisque congestis solitarii sunt, & sessiles, sive terminant ramos. Tandem rami etiam aliquot in pedunculos unifloros

ros aphyllosque elongantur, ita ut planta in adolescentia Cnicum Linnæanum referat, Carduum in senectute. Calycis ovati squamæ lanceolatæ in mollem spinulam patulam & vix pungentem, inferiores albida, superiores purpurascenscentem desinunt; accumbunt sibi mutuo arctissime; & extus paucò villo arachnoideo connectuntur. Floris nedum evoluti discus est planus & ochroleucus. Corollæ expansæ sunt albidæ, limbumque habent æquilater incisum. Anthera in principio purpurea est, sed brevi pallide fuscum sordentemque colorem induit. Stylus albet. Pappus plumosus semina nitida coronat. Receptaculum planum pilis sericeis albis densisque obtegitur. Floret Julio & Augusto. Rami principali extreemam florentem partem pictor expressit; & sunt hi rami ferme cauli similes. Crescit rarissime in sylvis ad torrentes. Primus in Austria hunc Carduum vir amicissimus Franciscus a Mygind inventum mecum communicavit. Per tres annos continuos folia radicalia in culta planta a sylvestri haud abluserunt; hoc tandem quarto anno folia vidi multo profundius incisa magisque sic pinnatifida quam folium ad marginem depictum, una tamen cum aliis foliis eodem illo depicto folio etiam multo magis integris.

TABULA NONAGESIMA PRIMA.

CARDUUS RIVULARIS.

In pratis quibusdam udis, imprimis in rivulis hæc permeantibus, copiosissime crescit, florere incipiens circa medium Majum. Radix perennis, digitum crassa, albida, fibrisque longis auëta, horizontaliter pergit, non tuberosa. Caulis exsurgit plerumque unicus, duos tresve pedes altus, erectus, teres, cavus, parum villosus, inferne angulatus, superne striatus; sèpius simplicissimus, interdum tamen etiam ramulos breves & unifloros ex aliquot vel rarius ex omnium foliorum axillis producit; quandoque, imprimis superne, villo lanuginoso albido vestitus, terminatus flore unico vel paucis in capitulum congestis, rarius quinis, senis vel pluribus, inferioribus tunc pedunculatis. Proximo anno ad latus caulis prioris novus egreditur. Folia radicalia infima, tum præcipue illa primi anni, sunt obversæ lanceolata, basi in petiolum attenuata & dentata. Reliqua sessilia aut amplexicaulia, nec decurrentia, pinnatifida, magis minusve profunde incisa; lacinias lanceolatis vel oblongis, acuminatis, ciliato-ferrulatis, innocuis; extima majore. Omnia subvillosa, facie saturati viri, dorso magis alblicantia. Caulis vero superior pars loco foliorum paucissimas dissitasque bracteas lanceolato-acuminatas gerit. Calyx ovatus, subglutinosus, nec villosus, componitur ex squamis lanceolato-acuminatis, innocuis, exterioribus obscure virentibus, interioribus atropurpureis & gradatim longioribus. Corollæ purpureæ in quinque lacinias lineares obtusas & æquales dividuntur. Stylus in stigma abit longum tenui & canaliculatum. Antheræ albent. Semina coronantur pappo subplumo.

TABULA NONAGESIMA SECUNDA.

ARNICA DORONICUM.

Doronicum secundum, Austriacum primum. Clus. hist. XVI.

Doronicum longifolium, hirsutie asperum. Baub. pin. 185.

Antea retuleram hanc plantam ad Senacionem Doronicum Linnaei, a quo differt. Nec est Arnica Halleri num. 91, uti ex missa a celeberrimo Allionio Halleriana planta facile didici, quam etiam ex Tyroli sponte crescentem accepi, quæque inter nostram hanc Arnicam Doronicum & Clusii Doronicum quartum styriacum media mihi planta videtur,



ab utrisque diversa. Radix in nostra extus nigricat, intus pallet, calatum vel digitum minimum crassitie, longitudine unciam unam alteramve æquat, plerumque horizontalem sub terra situm servat, geniculatim prolifera, atque hinc a matre avulsa, aut hac destructa, in finem desinit præmorsum, fibris simul crassis longis pallidis rectaque in terram descendantibus munitur, odore gaudet aromatico, atque etiam tali sapore cum junctis amarore & levi acredine. Hæc ab alpicolis tanquam stomachicum commendatur, dicta nostratis Gemswurzel. Caulis a tribus ad novem uncias altus, teres, striatus, simplicissimus, pilosus & subhirtus erigitur. Folia sunt lanceolata, obsolete & rariter dentata vel integerrima, acuta, venosa, rugosa, pilosa, ciliata, & aspera; caulinæ semiamplexicaulia; radicalia longius petiolata magisque obtusa, in plantis novellis sœpe rotundato-spatulata. Flos semper unicus & subodoratus caulem terminat. Calyx communis valde planus, & patentissimus, qui a tergo depictus in margine sistitur, constat foliolis duplice serie positis circiter quinque & viginti, lanceolato-acuminatis, apice haud sphacelatis, villosis, interioribus angustioribus & paulo brevioribus. Corollulæ femineæ in radio plano & patentissimo sunt oblongæ, lineatæ, calyce longiores, apicem in quatuor aut duos aut tres denticulos secum habentes, numero a viginti ad quadraginta. Hermaphroditæ corollulæ disci sunt tubulose, subcampaniformes, patulæ, inque limbum divisæ quinquefidum. Anthera lutea, cylindracea, tubulosa, apice quinquedentata est, nec basi in setas desinit. Utrisque flosculis fertilibus & luteis germina sunt oblonga ac villosa, & stigmata bifida. Receptaculum conicum & nudum semina locat pappo piloso sessili coronata omnia. Crescit in summis alpibus ad earundemque præcipitia, locis saxosis tenui terra obductis, florens a Julio ad Septembrim. Adstat in margine etiam flos disci, pappo avulso, ut pateat ejusdem figura.

TABULA NONAGESIMA TERTIA.

LEONTODON ALPINUM.

Radix perennis, calatum crassa, unciam unam alteramve longa, nigricat, fibrillas undique generans albicantes. Folia sunt oblonga, utrinque attenuata, acuta, argute dentata, utrinque pilosa, longiora semipedalia, ad basin quandoque purpurea. Scapus aphyllus erigitur, striatus, inanis, superne bractea una alterave instructus, infra florem subasper & parum tumens, simplicissimus, uniflorus, & semipedalis vel paulo altior. Calyx ex ovato oblongus, angulatus, niger, & hispidus pilis albis, constat squamis imbricatis, anguste lanceolatis, acuminatis, erectis, pluribus, interioribus longioribus. Corollulæ luteæ, patentissimæ, quinquedentatae, calycem ad duplum superant, & denticulum sœpe aliquem lateralem incisum habent in laciniam linearem vel ad tubum usque. Anthera est lutea. Germina oblonga, angulata & glabra. Styli longi. Stigmata lutea & reflexa. Receptaculum nudum. Semina pappo coronantur sessili & valde plumoso. Ad latus adstat calyx cum corollulis paucis exterioribus, ut simul harum dorsalis fascia longitudinalis fuscescens conspici possit, quæ in interioribus corollulis desideratur. Crescit in herbidis alpium jugis, florens a Julio ad Septembrim. Reperitur etiam in alpibus Hungariæ Carpaticis. Ab Hieracio Halleri num. 41, differt scapo aphylio, semper unifloro.

TABULA NONAGESIMA QUARTA.

GALIUM ROTUNDIFOLIUM. *Linn. syst. pag. 118. Scop. carn. 1. pag. 102.*
Galium foliis quaternis, petiolis longissimis, brachiatis, seminibus hirsutis. Hall.
bijst. belv. num. 727.

- Rubia quadrifolia rotunda lavis. Baub. pin. 334. prodr. 145.
 Rubia quadrifolia, semine duplice hispido. Baub. hist. 3. p. 718. Moris. hist. 3. pag. 329. s. 9. t. 21. f. 4.
 Rubia semine duplice hispido, latis & hirsutis foliis. Moris. hist. 3. p. 329. s. 9. t. 21. f. 5.
 Cruciatia minor, glabra, flore molluginis albo. Barr. ic. 323.
 Cruciatia major, villosa, flore molluginis albo. Barr. ic. 324.

In Mantissa Linnæana ad Asperulas hæc planta amandatur, si quidem de eadem præcise ibidem sermo est. Radix perennis, fibrosa, ramosa, fuscescens, & duas tresve lineas crassa, plures protrudit caules herbaceos, præ debilitate magnam partem procumbentes, tetragonos, glabriusclos, omnino ramosissimos, semipedales vel ad summum pedales, in circularem sæpe ambitum diffusos. Folia sunt quaterna, obverse ovata, obtusa cum exiguo mucrone interdum absente, trinervia, per oras exiguis pilis ciliata, ipsa cæterum villosa utrinque minutissimis paucis & vix conspicuis aspera. Ramuli abeunt in pedunculos binos vel ternos, bifidos simplices vel ternos ipsos, & capillares. Corollæ pusillæ, albæ, aliæ planissimæ, aliæ basi levissime campanulata; laciniis semiovatis & acutis; tubo vix ullo. Germina seminaque hispida sunt pilis uncinatis. Antheræ pallent. Crescit in sylvis subalpinis ad earundemque margines. Floret Julio & Augusto. Exortus ex radice principe caulinus aliquis, nec valde ramosus ille, basi etiam de nodis radicans, in tabula depingitur.

TABULA NONAGESIMA QUINTA.

- CORONILLA CORONATA.** Linn. syst. pag. 491. Crantz. fasc. pag. 431.
 Coronilla montana. Riv. irr. tetr. tab. 93. Jacq. vind. pag. 154. Scop. carn. 2. pag. 72. tab. 44.
 Coronilla caule erecto, foliis undenis ovatis, floribus umbellatis, siliquis articulatis pendulis. Hall. hist. helv. num. 388.
 Colutea scorpioides altera. Clus. hist. 98.
 Colutea siliquosa minor coronata. Baub. pin. 397.
 Colutea scorpioides quibusdam, sive polygalio Cortusi similis planta, sed major. Baub. hist. 1. part. 2. pag. 382.

Radix perennis, lignosa, extus cum flavedine fuscescens, longa, sæpe divisa, petrarium fissuras profunde ingreditur, difficulter hinc integra evelenda. Caules producit annuatim plures, basi subfruticulosos & adscendentes, cæterum erectos atque herbaceos, teretes & vix angulatos, glabros, pedales vel altiores, firmosque. Folia sunt pinna ex foliolis utrinque numero incerto a tribus ad septem cum impari terminante, frequentius tamen quaternis vel quinis; costæ planiusculæ & superne canaliculatæ adnexis. Sunt glauca, glabra, subovata aut magis rotundata, integerrima aut emarginata, crassula, denticulo innocuo breve terminata, eodemque rarius destituta. Infima ad ipsum exortum inseruntur costæ, cui egredienti opponitur in caule ramisque stipula pallida, aut lata ac bifida, aut plane diphylla lateribusque vicinior. Pedunculi virgati axillares & erecti umbella florum coronantur elegante densa & suaveolente. Pedicelli proprii ex fusco rubent. Floribus pendulis calyx est viridis, corolla lutea cum carina alis multo breviore, & stamina diadelpha. Legumina articulata, inæqualia, acuminata, fusca, & pendula, continent semina pauca oblonga & nitida. Crescit in montosis asperis. Floret Junio & Julio. Perficit Augusto semina.



TABULA NONAGESIMA SEXTA.

SILENE ALPESTRIS.

Lychnis quadrifida. Scop. carn. 1. pag. 307.

Lychnis sylvestris decima. Clus. hist. 291.

Lychnis viscosa alba angustifolia major. Baub. pin. 205.

Caryophyllum minimus humilis alter exoticus flore candido amoenus. Lob. ic. 445.

Merito separaverunt illustrissimus Hallerus, & clarissimus Willichius in ill. p. 25, hanc plantam a Viscagine num. 918, sive a Silene quadrifida Linnæi, pro qua antea haberam, & a qua imprimis distingui facile potest fructibus ex conico oblongis, nec subrotundis. Stylos quatuor & quinque numerasse se dicunt nobilissimus de Mygind & clarissimus Scopoli; ego constanter ternos vidi. Crescit copiose & passim in subalpinis ad margines sylvarum aliisque etiam in uidis, florens totam æstatem, staturæ valde variæ, biuncialis, etiam fere pedalis, ut depicta sit ex mediocribus. Radix perennis, tenuis, teres, fuscescens, ramosa, fibrosa, longa & multiceps caules producit plures, adscendentes, teretes, purpurascentes aut magis virides, foliosos, in majoribus individuis supra medietatem subdichotomos, aut etiam in his, uti in minimis, unifloros vel parum divisos, superne glutinosos. Cultæ plantæ radix sub terra stolones emittit, & brevi cespitem densum constituit plantæ in habitu cæterum non mutatae. Flores eriguntur. Petala nivea ex angusto ungue in bracteam ferme triangularem expanduntur, margine magis minusve profunde quadrifidam & in exortu eminentibus duobus denticulis notatam. Calyx tubulosus apice quinquesfidus est. Antheræ pallent. Capsula ex conico oblonga, obtusa, & apice sexvalvis semina includit plurima, plana, subreniformia, ciliata & ferruginea. Folia sunt linear-lanceolata, acuta, opposita, sessilia, glabra, plana, semunciam vel duas uncias longa; infima in ramulis noviter prodeuntibus aggregata; saporis amaricantis & integrati. Adstat in margine semen in magnitudine nativa, idemque auctum.

TABULA NONAGESIMA SEPTIMA.

THYMUS ALPINUS. Linn. syst. pag. 399. Scop. carn. 1. p. 425.

Thymus montanus. Crantz. fasc. 278.

Clinopodium austriacum. Clus. hist. 353.

Clinopodium foliis ovatis, acutis, ferratis; flore folio majori. Hall. hist. belv. num. 238.

Clinopodium montanum. Baub. pin. 225. Bocc. mus. p. 50. tab. 45.

Acini pulchra species. Baub. hist. 3. p. 260.

Ex radice fusca, valde fibrosa & perenni exoriuntur caules plures, adscendentes, tetragoni, purpurascentes, villosi, semipedales, ad basin sœpe ramosissimi, unde densus tunc caulium cespes exsurgit. Folia sunt opposita, petiolata, subovata, basi attenuata, nunc rotundiora, nunc magis angusta, acuta vel obtusa, ad oras levissime villosa, cæterum ferme glabra, supra medium obiter dentata. Flores in brevibus pedunculis verticillatim axillis foliorum insident; infimi utrinque solitarii, bini; superiores terni; odorati & foliis plerumque longiores. Bractæ sunt exiguae. Calyx incurvatus, villosus, striatus, superne purpurascens & subtus virens, intus villis albis obducitur, in fauce conniventibus. Corollæ violaceæ tubus externe villosus calycem bis superat. Labii inferioris discus ad faucium introitum circulo elevato albido notatur. Antheræ pallent. Semina sunt ex oblongo ovata. Floret pro varia montium elevatione a Majo ad Septembrim.



TABULA NONAGESIMA OCTAVA.

RHODODENDRON HIRSUTUM. *Linn. syst. pag. 299. Scop. carn. 1.*

pag. 286.

Rhododendron foliis ovatis, ciliatis, subtus punctatis. *Hall. hist. helv. num. 1016.*

Ledum alpinum. *Clus. hist. 81.*

Ledum alpinum hirsutum. *Baub. pin. 468.*

Nerium alpinum quibusdam, aliis Ledum hirsutum. *Baub. hist. 2. pag. 21.*

Balsamum alpinum Gesneri. *Lob. ic. 367.*

Inter elegantissimas, quæ alpes ornant, plantas merito hæc recensenda venit; nec cultura amittens venustatem suam. Tota quanta odorem spirat balsamicum subterebinthinaeum. Radix dura, digitum crassa, longaque, rupium fissuras ingreditur, vix integre evelleta. Et ipsi etiam rami, qui per terram sparguntur, radiculas interdum agere observantur. Cæterum frutex distortus & valde ramosus altitudinem variam ab uno ad quartuor pedes adipiscitur pro diversitate soli locique natalis. Materies cum virore albicit. Cortex fuscescit. Rami juniores pilosi virent. Pedunculi, calyx, corollaque externe, punctis glandulosis adsperguntur albis. Folia sunt subovata, obtusiuscula, obsoletissime crenulata, ex plerisque crenis pilo longo albido ciliata, cæterum glabra, petiolata, inordinate alternantia; facie venulosa, parum punctata & saturate virentia; dorso pallidiora & adspersa pluribus punctis fuscis, quæ microscopio conspecta guttulas sive tubercula pellucida gummosa mentiuntur. In extremitate ramisculorum gemma enascitur ovata obtusa, & ex squamis concavis imbricatis composita. Ex singulis hisce squamis, aut tunc jam delapsis, aut adhucdum persistentibus, enascitur pedunculus teres, erectus, circiter pollicaris, superne rubescens, & flore terminatus solitario parumper nutante. Omnes pedunculo communi, tunc una cum squamis mediis elevato, inhærent, ut sic racemi species exsurgat. Perianthium constat foliolis quinque, exiguis, linearibus, hirsutis, rubentibus & persistentibus. Corolla monopetala rubra & speciosa ex tubo oblongo & obtuse quinquangulari expanditur in limbum quinquesidum infundibuliformem & patentissimum: lacinias subovatis, æqualibus, obtusis. Filamenta decem, alba, subulata, & subdeclinata, inferiora gradatim longiora, tubum corollæ haud excedunt. Antheræ oblongæ & flavæ adscendent. Germini subrotundo & pentagono insidet stylus filiformis longitudine & situ staminum cum stigmate obtuso. Capsula erecta, ex ovato oblonga, fusca, punctis exasperata, quinquangularis, inque totidem loculamenta & valvulas distincta, continet semina plurima oblonga minima & fulva. Floret a Junio ad Augustum. Semina dat Septembri. Folii pars aucti pingitur in margine.

TABULA NONAGESIMA NONA.

ARTEMISIA PONTICA. *Linn. syst. pag. 542.*

Artemisia foliis duplicato-pinnatis, pinnulis parallelis, tomentosis. *Hall. hist. helv. num. 129.*

Absinthium ponticum. *Camer. epit. pag. 454.*

Absinthium ponticum vulgare. *Clus. hist. 339. Baub. hist. 3. part. 1. pag. 175.*

Absinthium ponticum tenuifolium incanum. *Baub. pin. 138. Duham. arbr. 1. pag. 24. tab. 6.*

Radix lignosa, perennis, teres, fusca, fibrillis aucta, horizontaliter sub terra serpit, in decursu caules novos emitit, sicque pergit multiplicare speciem, unde copiosæ semper plantæ in eodem nasci loco visuntur. Caules eriguntur, unum alterumve pedem alti, in culta etiam quadripedales, inferne glibri & ex rubro fusi, superne incani, foliosi, rami



mis onusti plurimis axillaribus & erectiusculis, qui racematis gerunt flores cernuos ramusculis minimis propriis insidentes singulos. Folia caulina sunt bipinnata, utrinque tomentosa, facie glauca, dorso magis incana, plana, laciis linearibus acutis. Hæc in plantis minoribus sæpe omnia horizontaliter patent, in majoribus magis propendent. Folia ramea inferiora & caulina superiora sunt simpliciter pinnata; summa autem omnia integerima & simplicissima. Flores subrotundi & tomentoso - incani discum habent luteum. Calycis foliola circiter quindecim & imbricata sunt exteriora oblonga, glauca, foliis rameis summis similia; interiora vero magis rotundata, concava, membranacea, albida, & subpellucida. Flosculi sunt circiter viginti quatuor, toti glabri, sæpe glandulis pedicellatis minimis & vagis ornati. Quos inter fæminei in ambitu locantur plus minus seni, apetalii, ex flavo dilute virentes. Reliqui hermaphroditi discum occupant flaventes cum corolla infundibuliformi, limbo quinquefido patentissimo, anthera quinquedentata, & stigmate bifido reflexo. Receptaculum est conicum & nudum. Semina etiam nuda. Tota planta odo re pollet grato ac aromatico; sapore autem quam in Absinthio vulgari multo minus amaro. Flos auctus sistitur in margine, una cum flosculo utriusque generis separato. Crescit in fccis apricis. Floret Septembri & Octobri.

TABULA CENTESIMA.

ARTEMISIA AUSTRIACA.

Absinthium austriacum tenuifolium. Clus. hist. 339. Baub. hist. 3. part. 1. pag. 179.

Absinthium ponticum tenuifolium austriacum. Baub. pin. 139.

Absinthium tridentinum herbariorum. Lob. ic. 752.

Absinthium seriphium. Dod. pent. 1. l. 2. c. 4.

Radix plane convenit cum radice Artemisiae ponticae. Sunt vero caules erecti, annui, basi tamen ipsa lignosi & persistentes, teretes, inferne glabri, cæterum tomento albo vestiti, semipedales vel sesquipedales. Ramis augmentur axillaribus numerosis, superiora versus sensim decrescentibus, adscendentibus; qui ipsi de foliorum priorum alis ramulos emittunt brevissimos, in caulibus brevioribus simplicissimos & unifloros, in majoribus vero dense multifloros. Folia sunt ex glauco incana, tomentosa, plana, nec teretia, in ramulis primo prodeuntibus integerrima, subsequi in elongatis trifida, atque sic paulatim divisione crescentia, ut tandem evadant subtriplicato-pinnata, & circumscriptio subrotunda: laciis in prioribus magis obtusis & patentibus; in posterioribus magis angustis linearibus, acutioribus & conniventibus, nec plano situ porrectis. Summa folia iterum decrescunt. Flores ex ovato oblongi, vix duas lineas longi, cernui, atque hinc eodem versi omnes, toti externe villoso - tomentosi, in disco fusci, racemosè locantur sessiles in summitatibus ramuscorum. Calycis imbricati squamæ exterioreè sunt lineares foliisque similes. Interiores sunt longiores, ovatae, obtuse, membranaceæ, concavæ, pallidæ, subpellucidæ, erectæ, & hirsutæ. Corollulæ hermaphroditæ circiter octo, infundibuliformes, & fuscescentes, limbum habent quinquefidum patulum & viliis albis fere occultatum. Germen est oblongum. Anthera cylindracea & quinquedentata pallet. Fæminei flores apetali adsunt a quatuor ad septem. Stylus est utrisque apice bifidus & reflexus. Receptaculum nudum continet semina nuda & oblonga. Tota planta grata & fortiter aromatica est, & Artemisia pontica & absinthio mihi visa superior. Sapore pollet amaro. Crescit in apricis fccis tenui gramine vestitis & asperis locis. Floret Octobri. Tabula in figuris marginalibus exhibit florem integrum, calycis foliolum interius, flosculum hermaphroditum cum limbi divisione ob numerosos villos non apparente, & flosculum fæmineum, omnia aucta. In enumeratione habueram pro Artemisia maritima, a qua differt foliis multo minus tomentosis ac incanis, tum circumscriptio subrotundis nec oblongis, aliisque momentis.


EXPLICATIO

Ichnographiae

Horti Botanici

Vindobonensis.

- AA. *Via publica, aulgo Rennweg.*
- B. *Introitus ad hortum.*
- C. *Area.*
- D. *Domicilium Hortulanum.*
- EEEE. *Domicilium Professoris.*
- FF. *Caldarium altius.*
- GG. *Caldarium demissius.*
- HH. *Hibernaculum.*
- III. *Pulvini pro Serendis primo vere seminibus.*
- L. *Pratum.*
- MM. *Fruticetum ex Stirpibus cestatis sub dio, hujem in hibernaculo agentibus.*
- NNNN. *Areolae pro plantis pharmaceuticis solis.*
- O.O.O.O. *Areolae, quae continent plantas herbaceas, cum annuas, tum radice perennante donatas, clima nostrum ferentes, secundum genuinum naturae nutrum digestas.*
- PP. *Areolae pro plantis perennibus, cestatem solam sub dio agere aptis, hinc in ollis crescentibus.*
- QQ. *Arboreta.*
- RR. *Plantae oleracea.*
- SS. *Pergula cameraria.*
- TT. *Lignum.*
- UUU. *Plantae aquatice.*
- V. *Seminarium.*
- X. *Transitus ad Hortum Cæsareum Belvedere.*
- Y. *Ecdicula aestiva.*



T. i.



IRIS


PUMILA

T. 2.

IRIS

GRAMINEA






IRIS SIBIRICA



T. 5.



T. 6.



ANASTATICA

SYRIACA

LITHRUM VIRGATUM

T. 8.


SE DUM ATRATUM



T. 9.

PRENANAEs

VIMINEA



ALLIUM

MULTIBULOSUM



T. ii.



ARABIS TURRITA



T. 12.



SEMPERVIVUM

HIRTUM

T. 43.



SOLDANELLA ALPINA

T. 14.



LITHOSPERMUM PURPUREO-
-COERULEUM



T. 16.



SELINUM - CARVI



FOLIALINI

NEI

T. 17.



"LYCOPERDON CANCELLOSUM"

T. 18.



CARDUUS

MOLLIS

T. 19.



VIOLA MIRABILIS

T. 20.



CYTISUS SUPINUS



CYTISUS AUSTRIACUS



ERISIMUM REPAN = *DUM*,



ERYSIMUM

CHEIRANTHOIDES

T. 24.



NEPETA

NUDA

T. 25.



PAPAVER

DUBIUM



MELITTIS

MELISSOPHYLLUM.

T. 27.



CARDAMINE TRIFOLIA

T. 28.



PIMPINELLA PUMILA.



TRAGOPOGON

MAIOR

T. 30.



LORANTHUS EUROPÆUS



LINUM HIRSUTUM

T. 32.



ERICA, CARNEA

T. 33.



CYTISUS CAPITATUS

T. 34.



VICIA PANNONICA



T. 36.



SCORZONERA *HUMILIS*

T. 37.



ALYSSUM MONTANUM



ASTRAGALUS ONOBRICHIS



OROBUS PANNO- *NICUS*



TRIFOLIUM

OCHROLEUCUM.

T. 41.



AGARICUS PSEUDOBOLETUS

T. 42.



CARDUUS CANUS



CARDUUS CANUS



ADONIS APENNIA

T. 45.



ORCHIS PALLENS



SCANDIX

INFESTA



RIBES ALPINUM

T. 48.



RANUNCULUS FALCATUS

T. 49.



EUONYMUS VERRUCOSUS

T. 50.



ROSA RUBIGINOSA



T. 52.



DIANTHUS ALPINUS



RHAMNUS SAXATILIS



CAUCALIS GRANDIFLORA

T. 55.



T. 56.



PHELLANDRIUM MUTELLINA

T. 57.



DIGITALIS

OCHROLEUCA

T. 58.



ANTIRRHINUM ALPINUM



VERONICA URTICÆFOLIA



VERONICA, PSEUDOCHAMÆDRIS



HERACLEUM AUSTRIACUM





CHÆROPHYLLUM BULBOSUM



CHÆROPHYLLUM AUREUM



CHÆROPHYL LUM TEMULUM





Sium angustifolium



ATHAMANTA
OREOSOLINUM



ATHAMANTA CERVARIA



PEUCE DANUM, ALSATICUM





SELINUM CARVIFOLIUM A. CHABRÆI



ERYSIMUM HIERACIFOLIUM



T. 74.



CHEIRANTHUS, ERYSIMOIDES



CHEIRANTHUS ALPINUS

T. 76.



ACHILLEA CLAVENNÆ

T. 77.



ACHILLÆA *ATRATA*



BETONICA ALOPECUROS.

T. 79.



SENECIO ABROTANIFOLIUS

T. 80.



GALIUM AUSTRIACUM



T. 82.



AGARICUS ALLIACEUS

T. 83.



PAPAVER ALPINUM

T. 84.



SATYRIUM EPIPOGIUM



ANEMONE ALPINA

T. 86.



GNAPHALIUM LEONTOPODIUM

T. 87.



HIERACIUM VILLOSUM

T. 88.



ASTER ALPINUS





CARDUUS

TARTARICUS



CARDUUS RIVULARIS

T. 92.



T. 93.



LEONTODON ALPINUM

T. 94.



GALIUM ROTUNDIFOLIUM



CORONILLA

CORONATA.

T. 96.



SILENE ALPESTRIS

T. 97.



THYMUS ALPINUS

T. 98.



RHODODENDRON HIRSUTUM



ARTEMISIA PONTICA

T. 100.



ARTEMISIA AUSTRIACA.

